


**VIRTUTIS
SOLIDAE
PRAECIPUA
IMPEDIMENTA,
SUBSIDIA, ET...**





VIRTUTIS SOLIDÆ
PRÆCIPUA
IMPEDIMENTA,
SUBSIDIA,
ET
INCITAMENTA
COMMENTATIONIBUS
ILLUSTRATA,
OMNIUM USUI APTATIS.
QUÆ

SERVIRE INSUPER POTERUNT PRO
ARGUMENTO CONCIONUM: UTI ET CONSI-
DERATIONUM TEMPORE EXERCITIORUM;
præsertim verò pro gemino sacræ collectionis
triduo; prout ex subiectis hunc in finem
elenchis patet.



AUCTORE

P. ALOYSIO BELLECIO
SOCIETATIS JESU.


PARTES TRES.

CUM FACULTATE SUPERIORUM,
ET PRIVILEGIO CÆSAREO.

RATISBONÆ, ET VIENNÆ,
SUMPTIBUS EMERICI FELICIS BADERI. 1755.



Qui solida virtute caret,
nihil solidi pro gloria DEI
unquam efficiet. Quid au-
tem juvat impellentia ad vir-
tutem **INCITAMENTA**
perpendisse, nisi amotis **IM-**
PEDIMENTIS, efficaciora
illius acquirendæ **SUBSIDIA**
adhibeas? *S. Franc. Xavierius*
in epist.





SANCTO ALOYSIO GONZAGÆ,

Individuo JESU Socio,
Genuino Ignatii Filio,
Societatis fideri

Illustrissimo,
Juveni Angelico,
Juventutis Patrono,



• 2 Per-

Perfectionis Archetypo,
Seculi nostri
Thaumaturgo
In grati animi tesseram
Ob plura collata
Beneficia
Se hasque pagellas
Religiosissimo affectu
D. D. D.

Clientum minimus
AUCTOR.

FA-

FACULTAS R.P. Provincialis


Cum Privilegio Cæsareo.

Cùm D. Felix Bader Bibliopola Ratisbonensis vulgare typis desideret librum, cui titulus: *Virtutis solidæ præcipua impedimenta, subsidia &c.* à P. Aloyſio Belleccio Soc. JESU Sacerdote idiomate latino conscriptum, Ego Georgius Hermann ejusdem Societatis per Germaniam Superiorem Præpositus Provincialis potestate ad id mihi facta ab Adm. R. P. N. Ignatio Vicecomite universæ Societatis Præposito Generali eidem ad primam duntaxat hanc editionem facultatem impertior,


simulque communico Privilegium Cæsareum, quo aliis Typographis, atque Bibliopolis prohibetur, ne dictum librum citra consensum Superiorum recudere, aut intra fines S. R. I. inferre præsumant. In cuius rei fidem has ei manu propria subscriptas, & consueto officii mei Sigillo munitas dedi.

Ratisbonæ 13. Januarii 1755.

Georgius Hermann.



Præ-



PRÆFATIO.

A Mice Lector, postquam nupero, quem in lucem edidi, opusculo te docui artem bene moriendi, præsentī libro tibi trado methodum piè vivendi eo fine, ut per sanctiorem vitam ad beatam mortem, & inde ad æternam felicitatem per viæ compendium te ducam. Quod ut eò certius consequar, hunc laborem meum non solum religiosæ per annum lectioni, sed etiam (ut latius pateret fructus) geminæ per triduum solitudi-

ni meditatè destinavi; uti ex duplici, quem propterea subnectam, indice constabit.


Quo autem ordine exercitationes hæ disponi debeant, ut etiam quadrent pro considerationibus, quæ tempore annuorum exercitiorum à prandio peragi consueverunt, subiungendus infra peculiaris elenchus declarabit. Quòd verò insuper hæ commentationes piis è cathedra allocutionibus aptari possint, ipsa rerum divisio, sententiarum elocutio, & confectus hunc in finem thematum syllabus satis ostendunt.

Porro quòd capitum paragraphi prolixiores sint, vitio verti eò minùs potest; cùm non solùm lectioni sed etiam

etiam concioni materiam sup-
 peditem ; quæ proin brevioribus terminis coarctari ne-
 quit. Accedit, quòd ipsa
 paragraphorum in plura mem-
 bra divisio, hujus divisionis
 in margine notatio, uti &
 numerorum multiplex distin-
 ctio creandum fors tædium si
 non omnino pellant, saltem
 plurimùm mitigent.

Proin solidæ virtutis stu-
 diose Lector, hac mea qua-
 licunque opella fruire, mei-
 que in precibus memor, in
 tui correctionem ita incumbe,
 ut meus hic labor tibi sit
 æternæ quietis sub-
 sidium.





**CONSPECTUS
TOTIUS OPERIS.
PARS I.**

**DE PRÆCIPUIS
IMPEDIMENTIS SOLIDÆ
VIRTUTIS.**

Caput I. **D**E malitia peccati ve-
nialis - Pag. 8.

§. I. Considerata in se, - 9

§. II. In suis sequelis, - 26

§. III. In suis suppliciis. - 45

§. IV. De practico ejus odio &
sedulo vitandi studio.

- - - 63

Caput II. De tempore animi. - 78

§. I. Ejus malignitas. - ibid.

§. II. Effectus. - - 87

§. III. Signa & remedia. - 98

Ca-

Caput III. De abusu gratiarum. -

-	-	Pag. 117
§. I.	Ejus indignitas. -	ibid.
§. II.	Pœna. -	128
§. III.	Regulæ divinos instinctus dignoscendi, iisque au- fultandi modus. -	-
-	-	138

Caput IV. De affectione menti do- minante. -

§. I.	Ejus nocendi vis. -	153
§. II.	Ejus detegendæ ars. -	-
-	-	169
§. III.	De triplici in ejus cura- ratione admitti solito errore. -	182

Caput V. De respectu humano. -

-	-	198
§. I.	Ejus stultitia. -	199
§. II.	Tyrannis. -	203
§. III.	Impietas. -	207
§. IV.	Antidota. -	220

Ca-

Caput II. De orationis fervore. -

Pag. 45

§. I. Neglectæ detrimenta. - 46

§. II. Cultæ emolumenta. - 62

§. III. Perficiendæ adjumenta &
impedimenta. - 83

Caput III. De collectione animi. - 115

§. I. Mentis collectæ bona. - ib.

§. II. Mentis dissipatæ mala. - 138

§. III. Ejus colligendæ subsidia.
- 155

Caput IV. De incitamentis Numen
Eucharisticum ferventer
fufcipiendi. - 196

Præcipua sunt

§. I. Myfterii excellentia. - 197

§. II. Eucharistiæ effectus. - 202

§. III. Christi ibi latentis erga
nos charitas. - 215

§. IV. Sacrificii hujus & Sacer-
dotum dignitas. - 229

§. V. Cœlesti epulo piè vefcen-
di ratio. - 250

Ca-

Caput V. De examine particulari. -

Pag. 283

§. I. Ejus præstantia. . . - 284

§. II. Praxis. - - - 300

Caput VI. De facro aliquot dierum

secessu. - 319

§. I. Ejus necessitas. - 320

§. II. Utilitas. 327

§. III. Documenta eidem sperato
cum fructu vacandi. 337

Conclusio secundæ partis, ubi ostenditur, eam respondere viæ illuminativæ. - 348

—६३६३—६३०६३—६३६३—६३६३—६३६३—६३०६३—६३६३—

PARS III.

DE PRÆCIPUIS
INCITAMENTIS PERFI-
CIENDÆ VIRTUTIS.

Caput I. **D**E fide viva excellentiæ
virtutis solidæ. - Pag. 3.

§. I. Excellentia virtutis est summa.⁴

**§. II. Discrepantia hujus fidei à vi-
ta nostra est enormis. - 25**

§. III.

§. III. Hujus morbi causæ & remedia. - Pag. 44

Caput II. De timore malorum aliàs incurrendorum, nisi acquirendæ virtuti solidæ studeamus. - 64

Hæc præcipuè duo sunt, nempe

§. I. Rigor reddendæ rationis, - 65

§. II. Periculum perdendæ salutis. - 84

§. III. Industriæ illum mitigandi; hoc verò cavendi. - 106

Caput III. De spe bonorum per virtutem solidam acquirendorum. - 119

Nam solùm homines ejus studiosi

§. I. Vivunt beatè, - 120

§. II. Moriuntur placidè. - 150

§. III. De opposito spei vitio, seu de perfectionis desperatione. - 193

Ca-

Caput IV. De amore DEI - Pag. 222
 Virtutem solidam à nobis

§. I. Exigentis, - 223

§. II. Et merentis. - 250

§. III. Indicia amoris divini &
 proprii. - 284

Caput V. De felicitate solidè piorum
 post mortem. - 333

Hæc summa est

§. I. Ob beatitudinis plenitudi-
 nem, - 334

§. II. Ob æternitatis certitudi-
 nem. - 360

§. III. Conclusiones inde dedu-
 cendæ. - 374


Caput VI. De perseverantia. - 404

§. I. Constantiæ decora. - 405

§. II. Inconstantia dispèdia. -
 - 414

§. III. Hujus remedia. - 429

Conclusio tertiæ partis, ubi osten-
 ditur, eam congruere
 viæ unitivæ. - 440



INDEX

Thematum pro Concionibus ordine alphabeti.

QUamvis prior jam elenchus plurima suppeditet argumenta formandis concionibus apta, ut ex ipsa paragraphorum divisione, sat clarè elucet; tamen cum non pauca adhuc alia in præsentì volumine contineantur ejusmodi themata, eadem in ordinem alphabeti redacta, junctim conspectui subjicere placuit, ut Lectori eò distinctiùs innotescat, quid materiæ in hoc opere pertractetur. Primus numerus denotat *partem*, alter partis *caput*, tertius capitis *paragraphum*, quartus paragraphi *numerum*.

Pars I.

* *

A. De

De affectione menti dominante.

- I. **A**ffectio menti dominans est hostis 1. generalis, 2. subdolus & pertinax; 3. & tamen amatus. *Part. I. Cap. IV. §. I. pag. 153. & seq.*
- II. Ejus nocendi vis est universalis; 1. quia non est hominum conditio, quam non infestet. 2. quia non est locus adeò sanctus, quò non irrepat. 3. quia nullum est noxæ aut calamitatis genus, cujus causa non sit & scaturigo. *Part. I. Cap. IV. §. I. Num. I. pag. 153. & seq.*
- III. Proprius illi character est, 1. ubique se insinuare. 2. semper primas tenere. 3. præ aliis foveri. *Part. I. Cap. IV. §. II. Num. V. pag. 176.*
- IV. Duo præprimis circa eam sunt observanda, 1. colores, quibus depingitur: 2. industriæ, quibus detegitur. *Part. I. Cap. IV. §. II. pag.*

I N D E X.

pag. 169. & 176. Item pag.
171. & seq.

V. Tria potissimum ejus curationi
obsunt, 1. ignorantia mali, 2.
desperatio curæ, 3. neglectus
aptiorum remedium. *Part. I.*
Cap. IV. §. III. pag. 183. & seq.

VI. Quatuor præcipue sunt ejus do-
mandæ remedia, 1. velox ejus-
dem mox sub initium coërcitio;
2. occasionum, quibus effer-
vescere solet, cauta provisio: 3.
pugnæ cum fortiori hoste in-
choatio: 4. fomentorum nega-
tio. *Part. I. Cap. IV. §. III.*
Num. III. pag. 190. & seq.

De amore divino,

I. **A**Morem DEI erga nos esse sum-
mum, patet 1. ex donis, quæ
dat: 2. ex modo, quo dat.
Part. III. Cap. IV. §. II. Num. I.
pag. 250. 258. & 262.

II. Amans nostri DEUS dat nobis 1.
non solum sua, 2. sed etiam se,
3. & quidem integrè. *Part. III.*

* 2 *

Cap.

INDEX.

- *Cap. IV. §. II. Num. I. pag. 250. 258. & 262.*
- III. Amat nos suprema illa Mens amore 1. æterno, 2. infinito, 3. gratuito. *Part. III. Cap. IV. §. II. Num. I. pag. 262..*
- IV. Amor DE I erga nos est summè beneficus; cùm nobis det 1. terram ad usum, 2. angelos ad custodiam, 3. gratiam ad meritum, 4. cœlum in præmium. quæ res inter creatas quatuor præcipua bonorum genera sunt. *Part. III. Cap. IV. §. II. Num. I. pag. 251. 253. 255. & 256.*
- V. Amandum à nobis vicissim esse DEUM, adeoque cor nostrum integrè ei donandum esse, tres evincunt rationes; 1. quia etiam ille se totum nobis donat. 2. quia etiam Christus se totum nobis dedit. 3. quia etiam totum dando, parum damus. *Part. III. Cap. IV. §. II. pag. 250. 267. & 276.*

VI. Ne.

INDEX.

VI. Ne in amoris divini exercitio torpeamus, vel decipiamur, sedulo perpendenda sunt 1. summa ejus præstantia, 2. genuina ejus indicia. *Part. III. Cap. IV. §. III. Num. I. pag. 284. & 286.*

VII. Ut amoris proprii technas evitare & velis, & scias, 1. sæpe considerata est ejus malitia: 2. diligenter recolenda sunt ejus signa. *Part. III. Cap. IV. §. III. Num. II. pag. 302. & 304.*

De actionum quotidianarum perfectione.

Vide litteram Q. de quotidianis actionibus.

B.

De beatitudine animi solide pii.

- I. **B**eatitas solide piorum in hoc adhuc mundo est summa 1. ob charismata, quæ gaudent: 2. ob solatia, quæ abundant: 3. ob providentiam, qua singulariter proteguntur, foventur,
* 3 * regun-

INDEX.

reguntur. *Part. III. Cap. III. §. I.*
pag. 120. 130. & 139.

- II. Eorundem beatitudo erit pariter
eminens in coelis 1. ob felici-
tatis plenitudinem, 2. ob æter-
nitatis certitudinem. *Part. III.*
Cap. V. §. I. & II. pag. 343. & 366.

- III. Solidè pii in hac adhuc vita qua-
tuor gloriosorum corporum
dotibus morali quodam modo
beantur, nempe 1. intellectûs
claritate, 2. voluntatis *agilitate*,
3. memoriæ *subtilitate*, 4. men-
tis *impassibilitate*. *Part. III. Cap.*
III. §. I. Num. I. pag. 123. & seq.

De Beneficentia.

Vide A. de amore divino the-
ma II. & IV.

C.

De Christo.

1. **C**Hristum in cruce amor nostrî
spoliât 1. per paupertatem
propriis vestibus, 2. per con-
temptum omni honore, 3. per
dolorem ipsa etiam vita. quæ
tria

INDEX.

tria charissima homini & pretiosissima bonorum genera sunt.
Part. III. Cap. IV. §. II. Num. II.
 pag. 267. 270. & 271.

II. Christus se totum nobis dedit 1. in cruce, 2. in Eucharistia. *Part. III. Cap. IV. §. II. Num. II.* pag. 267. & 274.

III. Christi è ligno penduli aspectus in ultimo agone 1. lenit dolores corporis: 2. auget fiduciam animæ. *Part. III. Cap. III. §. II. Num. II.* pag. 171. 174.

IV. Christi exemplum 1. est potens virtutis solidæ incitamentum, 2. magnum nostri pudoris argumentum. *Part. III. Cap. I. §. I. Num. II.* pag. 17. item *Part. III. Cap. IV. §. I. Num. II.* pag. 240. & seq.

De cælo.

I. **M**erces sanctorum tam pretiosa est, quod non potest estimari: tam magna est, quod non potest mensurari: tam copiosa est, quod non potest finire. ita Bernardus lib. de

INDEX.

considerat. 1. non potest *estimari* ob suam excellentiam. 2. non potest *mensurari* ob suam plenitudinem. 3. non potest *finiri* ob suam æternitatem. *Part. III. Cap. V. §. I. & II. pag. 334. & 343. 360.*

II. In cœlis erit nobis *DEUS omnia in omnibus.* 1. *Cor. 15. v. 28.* 1. erit nobis *omnia* per gloriæ sublimitatem : gaudii plenitudinem : æternitatis certitudinem ; 2. & quidem *in omnibus* animæ facultatibus : corporis sensibus : non obstante Beatorum copia & gloriæ differentia. *Part. III. Cap. V. §. I. & II. pag. 334. 343. 366. item 344. & 355.*

III. *DEUS* in cœlis erit *rationi plenitudo lucis : voluntati plenitudo pacis : memoria plenitudo consolationis.* Bernardus *Serm. 11. in Cant.* 1. erit *rationi* seu intellectui *plenitudo lucis* ob visionis intuitivæ claritatem. 2. *voluntati* erit *plenitudo pacis* ob amoris

I N D E X.

ris beatifici dulcedinem. 3. memoriae erit *plenitudo consolationis* ob acceptorum in vita favorum recordationem. *Part. III. Cap. V. §. 1. Num. II. pag. 347. 350. 344.*

IV. Cœli gaudia sunt infinita 1. ob infinitudinem malorum, quæ excludunt: 2. ob infinitatem bonorum, quæ includunt. *Part. III. Cap. V. §. 1. Num. 1. pag. 340. & seq.*

V. Cœli gaudia sunt immensa: sunt æterna. ergo 1. fugiendum, quidquid abducit à cœlo. 2. ergo agendum, quidquid conducit ad cœlum. 3. ergo patiendum, quidquid auget gloriam cœli. *Part. III. Cap. V. §. III. pag. 375. 383. 396.*

De collectione animi.

I. **C**ollectio mentis est absconditus ille thesaurus à Christo tantopere laudatus. nam 1. servat à variis defectibus & cædiis. 2. est perfectissimum acquiren-

* 5 *

dæ

da perfectionis adjumentum.
3. est scaturigo excellentium
gratiarum. 4. denique est ter-
restre quoddam cœlum. *Part. II.*
Cap. III. §. I. pag. 115. 124.
& 129.

- II. Collectionem internam tria po-
tissimum impediunt 1. nimia
negotiorum multitudo, 2. ni-
mium præceptis in iis explendis
activitas, 3. nimis anxia de eo-
rum successu sollicitudo. *Part.*
II. Cap. III. §. III. Num. II. pag.
173. & seq.

Vide D. dissipatio mentis.

- III. Collectionis triduanæ 1. ingens est
fructus, 2. facilis methodus.
Part. II. Cap. VI. §. II. pag. 327.
& §. III. *Num. II. pag. 342.*

Vide T. Triduum sacrum.

D.

De dissipatione mentis.

- I. **Q**uatuor sunt dissipationis ma-
la eò terribiora, quò mi-
nùs formidata nempe 1. ejectio

INDEX.

ex sinu specialis providentiæ
DEI; *mittetur foras.* 2. Intima
depascens ariditas mentis: *are-*
scet. 3. summa ineptitudo ad
procurandam aliorum salutem:
in ignem mittent. 4. multiplex
hujus mali castigatio: *& ardet.*
Joan. 15. v. 6. Part. II. Cap. III.
§. II. pag. 138. 143. & seq.

- II. Tria sunt hujus mali antidota i.
cura silentii per custodiam cu-
biculi; 2. fuga occupationum
nimis dissipantium, 3. frequens
exercitium præsentiae DEI. *Part.*
II. Cap. III. §. III. pag. 156. & seq.

E.

De Eucharistia.

- I. **E**jus excellentia est summa i. ob
personam, quæ latet: 2. ob
modum, quo latet: 3. ob finem,
cur latet. *Part. II. Cap. IV. §. I.*
pag. 197. & seq.
- II. Eucharistia i. est thronus gratiæ
piis: 2. tribunal justitiæ tepidis.
Part. II.

INDEX.

*Part. II. Cap. IV. §. II. pag. 202.
& 209.*

- III. Summus est Christi Eucharistici erga nos amor; 1. quia se totum, 2. omnibus, 3. semper & ubique dat. *Part. II. Cap. IV. §. III. pag. 215.*

Vide S. Sacrificium.

De examine particulari.

- I. **E**Xaminis particularis 1. summa est præstantia, 2. ingens utilitas. *Part. II. Cap. V. §. I. pag. 284. & seq.*
- II. Est remedium efficacissimum, 1. eradicandi vitia, 2. implantandi virtutes. *Part. II. Cap. V. §. I. pag. 284. 291.*
- III. Plurimum conducit ad acquirendum triplicem thesaurum, nempe 1. cognitionem sui, 2. æstimationem DEI, 3. puritatem animi. *Part. II. Cap. V. §. I. Num. II. pag. 291. 294. & seq.*
- IV. Hujus examinis 1. materia, 2. ordo seu modus sunt gemina vitæ spiri-

INDEX.

spiritalis arcana. *Part. II. Cap. V.*
§. II. pag. 300. & 309.

V. In hoc singulari conflictu tria præcipuè sunt perpendenda, 1. qualis hostis, 2. quanto tempore, 3. quibus auxiliis sit oppugnandus. *Part. II. Cap. V. §. II. Num. II.* pag. 302. 305. 307.

VI. Ejus praxis tres industrias complectitur, 1. propositum manè renovandum, 2. vigilantiam interdiu adhibendam, 3. examen bis instituendum. *Part. II. Cap. V. §. II. Num. III.* pag. 309. & seq.

F.

De fide.

I. **H**odie quidem si de mysterio fidei interrogas, omnes ferme invenies Christianissimos; si conscientiam discutias, paucos admodum invenies verè christianos. ita sentit Guerricus Abbas *Serm. 4. de Epiphania*; & verissimè. nam 1. nihil quidem communius fide; 2. nihil tamen rarius viva fide.
Part. III.

INDEX.

- Part. III. Cap. 1. §. II. Num. 1.*
& II. pag. 25. & 37.
- II. Ejus acquirendæ remedia sunt sequentia, 1. fervens illius petitio, 2. practicarum veritatum crebra exercitatio, 3. rebellium appetituum constans coercitio. *Part. III. Cap. 1. §. III. Num. II. pag. 56. & seq.*
- III. Mortua fides nostra olim in judicio 1. erit argumentum nostræ accusationis. 2. erit causa nostræ damnationis, *Part. III. Cap. I. §. II. Num. II. pag. 37. & seq.*
- IV. Languidæ fidei nostræ gemina est causa, 1. obscuritas intellectûs ob illustrationis negationem: 2. perversitas voluntatis ob appetituum rebellionem. *Part. III. Cap. I. §. III. Num. I. pag. 45. & 50.*

G.

De gratia.

1. **E**Jus subtractio est poena 1. terribilissima, 2. justissima, 3. ordinaria. *Part. I. Cap. III. §. II. pag. 128. & seq.*

II. Gratia-

INDEX.

- II. Gratiarum abusum tria potissimum aggravant 1. earum necessitas, 2. dignitas, 3. copia. *Part. I. Cap. III. §. I. pag. 117. & seq.*
- III. Divinis instinctibus auscultandum est 1. promptè, 2. generosè, 3. constanter. *Part. I. Cap. III. §. III. Num. II. pag. 144.*

H.

De hominum judiciis.

- I. **H**ominum judicia sunt contemnenda; 1. quia sunt mortales nobis æquales, 2. erroribus obnoxii, 3. in horas mutabiles, 4. vitiosi. *Part. I. Cap. V. §. IV. Num. I. pag. 221. & seq.*
- II. Velle omnibus placere, 1. est impossibile, 2. ridiculum. *Part. I. Cap. V. §. IV. Num. I. pag. 230. & 232.*

INDEX.

I.

De inconstantia.

- I. **Q**Uæ inconstantia affert dispensa-
dia, sunt terribilia; nam 1. inconstantem omni etiam priori merito privat. 2. ad damnationem disponit. 3. ejus laborem in via virtutis auget. 4. omnium ludibrio exponit. *Part. Ill. Cap. VI. §. II. pag. 414. 420. 421. 425.*
- II. Hujus mali remedia præcipuè sunt tria, 1. incitamentorum virtutis crebra consideratio, 2. cum DEO Eucharistico assidua communicatio, 3. difficultatum sagax provisio & efficax contemptus. *Part. Ill. Cap. VI. §. III. pag. 429. 433. 435.*
- Vide P. Perseverantia.

De judicii particularis rigore.

- I. **I**S erit summus 1. ob prævium in obitu angorem, 2. ob rigidissimum Judicis examen, 3. ob gravissi-

INDEX.

gravissimam testium authoritatem, 4. denique ob irrevocabilis sententiæ severitatem. *Part. III. Cap. II. §. 1. pag. 65. 69. 78. 81.*

II. Metuendus est judicii illius rigor
1. ob potentissimam Judicis majestatem, 2. ob faciendam nobis exprobrationem, 3. ob intentandam nobis damnationem. *Part. I. Cap. V. §. IV. Num. II. pag. 235. 237. 240.*

III. Is mitigari potest sequentibus; 1. si quodlibet opus peragas, quasi de eo mox judicandus. 2. si in sacro tribunali teipsum rite accuses. 3. si præmissa satisfactione, divinam Nemesein placare studeas. *Part. III. Cap. II. §. III. Num. 1. pag. 107. 109. & 111.*

De judiciis hominum.

Vide H. de hominum judiciis.

Pars I.

L. De

INDEX

L.

De labore in via virtutis.

- I. **L** Abores pro virtute & cœlo exantlandi sunt modici & faciles, 1. si spectentur in se; 2. si conferantur cum iis, quæ pro mundo tolerantur, molestiis; 3. si comparentur cum æterna, qua coronantur, gloria. *Part. III. Cap. V. §. III. Num. II. pag. 386. 388. 385.*
- II. Labor in reprimendis appetitibus subeundus minuitur 1. mali notitia, 2. in DEUM fiducia, 3. pugnandi pericia. *Part. I. Cap. IV. §. III. Num. I. II. & III. pag. 183. 186. & 190.*

De lectione spirituali.

- I. **L**ibri pii 1. quare, 2. quales, 3. quomodo legendi sint? *Part. I. Cap. II. §. III. Num. II. pag. 106. 108. 110.*
- II. Lectioni spirituali vacandum est 1. attentè, 2. religiosè, 3. constanter. *ibidem. pag. 110.*

De

INDEX.

De lingua.

- I. **UT** quis ponat custodiam ori suo, & ostium circumstantiæ labiis suis, *Pf. 140. v. 3.* 1. sæpe considerata sunt loquacitatis damna. 2. diligenter adhibenda sunt ejusdem remedia. *Part. II. Cap. III. §. III. Num. 1. pag. 156. & 166. & seq.*
- II. Tria præcipuè sunt circa loquelam observanda, 1. tempus, 2. materia, 3. Modus. *Part. II. Cap. III. §. III. Num. 1. pag. 167.*

M.

De morte.

- I. **SI** dormieris, (ait Salomon, alloquens justum) *si dormieris, non timebis: quiesces, & suavis erit somnus tuus. Prov. 3. v. 24.* Quibus verbis Sapientissimus regum denotat, piæ animæ transitum 1. fore tranquillum: *quiesces.* 2. jucundum: *suavis erit.* 3. securum: *non timebis.* *Part. III. Cap.*
- * 2 *

INDEX.

- III. *Cap. III. §. II. pag. 151. 160. 177.*
- II. *Teste Bernardo Epist. 105. mors justi erit bona, melior, optima: 1. bona propter requiem, 2. melior propter suavitatem, 3. optima propter securitatem; propter requiem à laboribus præteritis; propter suavitatem solatii præsentis; propter securitatem à cruciatibus futuris. Part. III. Cap. III. §. II. pag. 151. & seq.*
- III. *Mors justi erit placidissima, quia libera à timore 1. mortis, 2. judicii, 3. purgatorii. Part. III. Cap. III. §. II. Num. III. pag. 177. 182. & 186.*
- IV. *Timenti Dominum bene erit in extremis. Eccl. I. v. 13. illud autem, quo tunc diffluet, solatium ex triplici potissimum fonte scaturiet, 1. ex testimonio bonæ conscientiæ, 2. ex vacuo creatis affectionibus animo, 3. ex aspectu Christi è cruce penduli. Part. III. Cap. III. §. II. Num. II. pag. 160. 166. & 170.*
- V. Aspc-

INDEX.

- V. **A**spectus Christi è cruce penduli
sub mortem, 1. lenit dolores
corporis. 2. auget fiduciam ani-
mæ. *Part. III. Cap. III. §. II.*
Num. II. pag. 171. & 173.

N.

De naturæ indole.

- I. **N**aturæ indoles, qualiscunque
ea sit, acquirendæ sanctitati
1. non est impedimentum; 2.
sed potius adjumentum. *Part.*
III. Cap. III. §. III. Num. I. pag.
195. & 203.
- II. **N**aturæ motus 1. quid sint? 2.
quomodo discernantur? *Part. I.*
Cap. IV. §. II. pag. 169. & 171.

O.

De oratione.

- I. **O**ratio tepida 1. moratur pro-
gressum in virtute: 2. impe-
dit fructum animarum: 3. in-
ducit periculum proximum pec-
candi graviter, & excidendi vo-
catio-
- * 3 *

INDEX.

atione. *Part. II. Cap. II. §. I.*
pag. 46. 50. & 55.

II. Oratio fervens 1. fugat mala :
2. accumulatur bona : 3. perficit
animas virtutum copia, & cha-
rismatum excellentia. *Part. II.*
Cap. II. §. II. pag. 62. 67. & 74.

III. Orationis impedimenta sunt se-
quentia, 1. neglectus debitæ
præparationis, 2. nimia in dis-
cursu mora, 3. defectus pro-
positi ad præsentem animæ sta-
tum directi. *Part. II. Cap. II. §.*
III. Num. I. pag. 84. 87. & 89.

IV. Ejus adjumenta sunt 1. sedulus præ-
ludiorum usus, 2. prompta in
discurrendo habilitas, 3. parata
methodus varios virtutum actus
exercendi. *Part. II. Cap. II. §. III.*
Num. II. pag. 96. 98. & 103.

V. Orationis dotes sunt hæ; 1. præ-
ludiorum compositio sit brevis
& clara. 2. intellectus operatio
sit moderata, simplex, nec ni-
mis prolixa. 3. affectus omnes
ad firmandum, quod conce-
pimus,

INDEX.

pimus, propositum collineant.
Part. II. Cap. II. §. III. Num. II.
pag. 97. 101. & 104.

VI. Affectuum sub oratione elicien-
dorum 1. utilitas, 2. analysis.
Part. II. Cap. II. §. II. Num. III.
pag. 74. & seq. item §. III. *Num.*
III. pag. 106.

De operibus quotidianis.

Vide Q. quotidianæ actiones.

P.

De passione prædominante.

Vide A. affectio dominans.

De peccato veniali.

1. **E**jus malitia est enormis; 1. quia
post lethale est malum in or-
be maximum. 2. quia DEUS
incredibili illud odio aversatur.
3. quia nulla pura creatura con-
digna illud satisfactione expia-
re potest. 4. quia etiam est cau-
sa cruciatuum & mortis Christi.
Part. I. Cap. I. §. I. pag. 9. 13.
17. 21.

* 4 *

II. Ejus

I N D E X.

- II. Ejus sequelæ & effectus sunt terribiles. nam 1. actus virtutum corrumpit. 2. charitatis fervorem diminuit. 3. aliquo modo animam separat à DEO, eamque turpiter foëdat. 4. ad lethalem noxam disponit. *Part. 1. Cap. 1. §. II. pag. 26. 32. 35. 39.*
- III. Ejus poenæ sunt gravissimæ 1. tum in hoc, 2. tum in altero orbe. *Part. 1. Cap. 1. §. III. pag. 45. 56.*
- IV. Ejus gravitas elucet 1. ex qualitate poenæ, qua plectitur: 2. ex dignitate personæ, quæ plectitur. 3. ex æquitate Judicis, qui plectit. *Part. 1. Cap. 1. §. III. Num. 1. & II. pag. 56. item 52. & 45. item 60.*
- V. Ejus vitandi remedia sunt quatuor, 1. firmum propositum, 2. assidua vigilantia, 3. prompta repugnantia, 4. junctus charitati orationis fervor. *Part. 1. Cap. 1. §. IV. Num. II. pag. 66. 69. 73. 75.*

De

INDEX.

De perseverantia.

1. **P**ERSEVERANTIÆ decora sunt prorsus excellentia. nam 1. constantes aliqua ratione assimilant Beatis ipsique DEO. 2. firmam spem tribuit perseverantiæ finalis. 3. virtutes reliquas perficit, & coronat. 4. ipsa est singularis virtus, & redemptionis nostræ consummatio. *Part. III. Cap. VI. §. I. pag. 405. 406. 410. 412.*
- II. Duo præcipua, quæ eidem efficiunt, obstacula sunt; nempe 1. operis arduitas, 2. temporis diuturnitas. quorum tamen neutrum inconstantia labem abstergit. *Part. III. Cap. VI. §. III. Num. III. pag. 435. & 437.*

De præsentia DEI.

1. **O**BLIVIONIS DEI 1. est summa indignitas: 2. ejus pellendæ est magna facilitas. *Part. II. Cap. III. §. III. Num. III. pag. 184. & 188.*

* 5 *

II. Exer-

INDEX.

- II. Exercitium præsentiæ DEI consistit
1. in crebra fide, 2. in frequen-
ti amore præsentis DEI. *Part. II.*
Cap. III. §. III. Num. III. pag. 188.
& 190.

De purgatorio.

- I. **P**urgatorii pœnæ sunt 1. nume-
ro plurimæ, 2. acerbitate ma-
ximæ, 3. diuturnitate longissi-
mæ. *Part. I. Cap. I. §. III. Num.*
II. pag. 56. & seq.
- II. Duæ potissimum circumstantiæ il-
lius rigorem exaggerant, 1. ani-
marum, quæ castigantur, dig-
nitas: 2. defectuum, ob quos
puniuntur, non rarò levitas.
Part. I. Cap. I. §. III. Num. II.
pag. 59. & seq.

Q.

De quotidianis actionibus.

- I. **Q**uotidianas actiones minùs
perfectè obeuntem manet 1.
mors tristior, 2. iudicium re-
gidius, 3. purgatorium acerbius
&

INDEX.

- & diuturnius. *Part. ll. Cap. 1.*
§. ll. pag. 16. 20. & 25.
- II. Detrimenta, quæ opera malè peracta sequuntur, præcipuè tria numerantur, nempe 1. amissio innumerabilium graduum tum gratiæ tum gloriæ, 2. jactura plurimorum bonorum aliàs procurandorum, 3. desperatio perfectionis. *Part. ll. Cap. 1. §. 1.* pag. 5. 10. & 14.
- III. Ut operationes quotidianæ peragantur perfectè, requiritur, ut perficiantur 1. purè, 2. ferventer, 3. integrè, 4. præscripto tempore. *Part. ll. Cap. 1. §. III.* *Num. 1.* pag. 31. & seq.
- IV. Subsidia eas bene obeundi sunt sequentia, 1. selecta methodus, 2. subjunctum examen, 3. pia persuasio, præsentem esse ultimam vitæ, 4. nec nisi hanc sanctè peragendam esse. *Part. ll. Cap. 1. §. III. Num. 11.* pag. 38. & seq.

R. De

INDEX.

R.

De respectu humano.

- I. **S**UMMA est respectus humani stultitia; 1. quia præhabet luctum auro. 2. quia eligit malum majus, ut vitet minus. *Part. I. Cap. V. §. I. pag. 199. 201.*
- II. Immanis est ejus tyrannis; 1. quia privat libertate, 2. habita existimatione, 3. innumerisque cœli bonis. *Part. I. Cap. V. §. II. pag. 203. 205.*
- III. Enormis est ejus impietas; 1. quia est ingens vilipensio Numinis, 2. quædam species idololatriæ, 3. origo ruinæ gentis humanæ, 4. causa adeò cruentæ mortis Christi. *Part. I. Cap. V. §. III. pag. 207. 212. 214. 216.*
- IV. Gemina sunt efficaciora respectus humani antidota, 1. judicii humani contemptus, 2. judicii divini metus. *Part. I. Cap. V. §. IV. pag. 221. & 235.*

Vide H. hominum judicia.

S. De

INDEX.

S.

De Sacerdotibus & missæ

Sacrificio.

- I. SACERDOTIS dignitas est eminens;
1. quia potestatis celsitate superat angelos ipsamque B. Virginem. 2. quia est alter Christus, 3. & quasi quidam terræ DEUS. *Part. II. Cap. IV. §. IV. Num. II. pag. 233. & seq.*
- II. Summa est hujus sacrificii præstantia, 1. ob dignitatem personæ, à qua offertur: 2. ob sanctitatem hostiæ, quæ immolatur: 3. ob majestatem illius, cui sacrificatur: 4. ob sublimitatem modi, quo ea litatur: 5. ob excellentiam finis; ob quem offertur. *Part. II. Cap. IV. §. IV. Num. I. pag. 229. & seq.*
- III. Cùm summa sit sacrificii hujus præstantia, & eminens sacerdotum dignitas; ergo tepidè sacrificare, 1. res est horrore plenissima, 2. gravi pœna dignissima.

INDEX.

ma. *Part. II. Cap. IV. §. IV. Num.*
III. pag. 236. & 242.

IV. Piè sacrificandi ratio quatuor complectitur, 1. attentionem mentis, 2. fervorem cordis, 3. congruam moram temporis, 4. singularem denique puritatem animæ, ejusque sejunctionem à cunctis rebus creatis. *Part. II. Cap. IV. §. V. pag. 250. 254. 260. & 275.*

V. Congrua temporis mora tres potissimum actiones afficit, 1. præparationem, 2. ipsam sacrificactionem, 3. gratiarum actionem. *Part. II. Cap. IV. §. V. Num. III. pag. 260. 263. & 270.*

De sanctitate.

I. SAnctitati acquirendæ omni conatu est incumbendum; 1. quia DEUS vult, nos fieri sanctos. 2. quia DEUS meretur, nos fieri sanctos. *Part. III. Cap. IV. §. I. & II. pag. 223. & 250.*

II. Ut

INDEX.

- II. Ut sancti simus , pleno jure à nobis exigit 1. liberalitas DEI, 2. charitas Christi. *Part. III. Cap. IV. §. II. pag. 250. & 267.*
- III. Probabile est, dari aliquos, qui, nisi fiant sancti, erunt reprobi. 2. probabile est, ex horum numero te esse. *Part. III. Cap. II. §. II. pag. 84. & 98.*
- IV. Etiam mundani esse sancti 1. possunt : 2. debent. *Part. III. Cap. III. §. III. Num. II. pag. 206. item Num. I. pag. 200. 208. 211. item Part. III. Cap. IV. §. I. Num. I. pag. 226.*

Vide V. virtus solida.

De silentio.

Vide L. lingua.

De somnolentia

seu Jocordia in surgendo.

1. QUANTOPERE fugienda hæc sit, patet exinde, 1. quia est peccatum, 2. & quidem vile, 3. valdeque noxium. *Part. I. Cap. §. VI.*

INDEX.

VI. §. 1. ll. & III. pag. 250.
256. 258.

- II. Ejus remedia sunt hæc, 1. prævia horæ, qua surgendum, determinatio: 2. velox & impigra manè surrectio: 3. spontanea tui, si somno cesseris, castigatio. *Part. 1. Cap. VI. §. IV.* pag. 271. 273. 276.
- III. Sufficiens ratio protrahendi somni non est 1. quævis infirmitas corporis, 2. aut gravedo capitis, 3. aut artuum sudor. *Part. 1. Cap. VI. §. III. Num. IV.* page 263. & seq.

T.

De tepore.

- I. **T**ERRIBILIS est tepidi conditio; nam 1. est similis agro hominis pigri: vineæ viri stulti: ficulneæ sterili: sepulchro dealbato. 2. ejus vita est series continuorum defectuum. 3. in eo est, ut à DEO cum nausea evomatur.

INDEX.

matur. *Part. 1. Cap. 11. §. 1. pag.*
78. 80. 83.

II. Tepor est morbus difficillimæ sanationis ob triplicem potissimum causam; 1. quia tepidus malum non agnoscit; proin nec curat. 2. quia ipsa, queis malum pelli posset, remedia enervat. 3. quia gratiis, quibus fervor accenditur, viam præcludit. *Part. 1. Cap. 11. §. 11. Num. 1. pag. 87. & seq.*

III. Tepor duplex inducit summè noxium discrimen, 1. perdendæ per lethalem culpam gratiæ, 2. obeundæ mortis parum piæ. *Part. 1. Cap. 11. §. 11. Num. 11. & 111. pag. 91. & 94.*

IV. Hujus mali 1. signa, 2. remedia nobis notissima sint, ut illis morbus dignoscatur; his verò curetur. *Part. 1. Cap. 11. §. 111. pag. 100. & 103.*

De triduo sacro.

1. **T**ALIS secessûs necessitatem esse summam, probat 1. præsens
Pars I, **** animæ

INDEX.

animæ status, 2. obligationum neglectio, 3. gratiarum frustratio. *Part. II. Cap. VI. §. I. pag. 320. 322. & seq.*

- II. Talis secessus utilitatem esse maximam demonstrant 1. plurimæ per eam gratiæ tum nobis: 2. tum aliis obtinendæ; 3. nec non ingens olim solatium inde hauriendum. *Part. II. Cap. VI. §. II. pag. 327. 330. & 334.*
- III. Ad feliciorem ejus successum multum conducit, nosse, 1. quando sit instituenda, 2. quomodo transigenda. *Part. II. Cap. VI. §. III. pag. 337. & 342.*

V.

De virtute solida.

- I. **E**minentem ejus excellentiam esse se probat 1. judicium DEI, 2. exemplum Christi. *Part. III. Cap. I. §. I. pag. 4. & 17.*
- II. Virtutem solidam DEUM à nobis exigere probant 1. sacre Paginæ testimonia, 2. concessa in hunc finem

INDEX.

finem subsidia. *Part. III. Cap. IV.*
§. 1. pag. 223. & 236.

III. A sectanda virtute solida nos neque excusat 1. naturæ indoles, 2. nec vitæ conditio, 3. nec laboris arduitas. *Part. III. Cap. III.*
§. III. pag. 195. 206. & 214.

IV. Nihil excellentius virtute; 2. & tamen nihil neglectius virtute. *Part. III. Cap. 1. Num. 1. & II.*
pag. 4. & 25.



ELENCHUS

M A T E R I A R U M

PRO GEMINO

SACRÆ COLLECTIONIS TRIDUO:

NE nimis proluxa rerum considerandarum copia tedium generet, & fructum minuat, solum illi paragraphi & paragraphorum numeri erunt perlegendi, qui in presenti elencho determinati assignantur, reliquorum consideratione in aliud tempus dilata. Cui verò etiam hæc justo longiora fuerint visa, poterit is non nisi numerorum uni, aut si etiam hic productior excurret, non nisi membrorum uni meditando insistere; vel omnino adscripta solum margini sensu percurrere. Hac enim ratione utrique hominum classi consultum erit nempe & illis, qui strictim collecta meditationum puncta, nec non & iis, qui illa latius proposita cupiunt. Quodsi non vacet, ternos

nos dies sacro huic negotio impendere, juerit saltem unum, interpolatis vicibus, expendendis hisce veritatibus consecrare. Cæterum lectioni piæ amplior materia ideo est assignata, ut si tempus suppetat, ejus copia non deficiat; illud verò si defuerit, tantum legatur, quantum licuerit.

O R D O

EXERCITATIONUM

PRO PRIMO

SACRÆ COLLECTIONIS TRIDUO.

P R I D I E.

Consideratio. **D**E necessitate sacri secessûs. *Part. II. Cap. VI. §. I. pag. 320.*

Thomas Kämp. de imit. Christi
l. I. c. 20.

Lectio spiritualis. De subsidiis ei rite vacandi. *Part. II. Cap. VI. §. III. pag. 342.*

₃

DIES I.

DIES I.

IMPEDIMENTA

SOLIDÆ VIRTUTIS.

Meditatio I. **D**E malitia peccati venialis considerata in se. *Part. I. Cap. I. §. I. Num 1. & II. pag. 9. & 13.*

Thom. Kemp. l. 1. c. 24. à n. 3.

Lectio antemeridiana. De gravitate & effectibus peccati venialis. *Part. I. Cap. I. §. I. Num. III. & IV. pag. 17. & 21. item §. II. Num. I. II. & III. pag. 26. 32. & 35.*

Examen statûs. De practico odio peccati venialis, ejusque vitandi remediis. *Part. I. Cap. I. §. IV. Num. 1. & II. pag. 63, & 66.*

Consideratio. De effectibus repositis. *Part. I. Cap. II. §. II. pag. 87.*

Medi-

Meditatio II. De pœna abusûs gratiarum. *Part. I. Cap. III. §. II.* pag. 128.

Thom. Kemp. l. 3. c. 14.

Lectio pomeridiana. De affectione menti dominante. *Part. I. Cap. IV. §. I.* pag. 153.
Vel de socordia in surgendo. *Part. I. Cap. VI.* pag. 249.

D I E S II.

S U B S I D I A

SOLIDANDÆ VIRTUTIS.

Meditatio I. **D**E lucro cessante, nisi opera quotidiana perfectè obeantur. *Part. II. Cap. I. §. I. Num. I. & III.* pag. 5. & 14.

Thom. Kemp. l. 1. c. 15.

Lectio antemeridiana. De impedi-
mentis & adjumentis bonæ orationis. *Part. II.*
* 4 * *Cap. II.*

Cap. II. §. III. Num. I. &
II. pag. 84. & 96.

Examen statûs. De methodo actiones quotidianas perfectè obeundi. *Part. II. Cap. I. §. III. Num. I.* pag. 29.

Consideratio. De bonis collectæ mentis. *Part. II. Cap. III. §. I. Num. I. & II.* pag. 115. & 124.

Meditatio II. De detrimentis neglectæ orationis. *Part. II. Cap. II. §. I. Num. I. & III.* pag. 46. & 55.
Thom. Kemp. l. i. c. 21.

Lectio pomeridiana. De subsidiis acquirendi collectionem animi. *Part. II. Cap. III. §. III. Num. I.* pag. 156



DIES III.

DIES III. INCITAMENTA

PERFICIENDÆ VIRTUTIS.

Meditatio I. **D**E rigore reddendæ
rationis, nisi vir-
tutem sectemur. *Part. III.*
Cap. II. §. I. Num. III. &
IV. pag. 78. & 81.

Thom. Kemp. l. 3. c. 14.

Lectio antemeridiana. De eodem ar-
gumento. *Part. III. Cap.*
II. §. I. Num. I. & II.
pag. 65. & 69. Item §. II.
Num. I. pag. 84.

Examen statûs. De industriis miti-
gandi hunc rigorem.
Part. III. Cap. II. §. III.
Num. I. & II. pag. 107.
& 115.

Consideratio. De periculo salutis, nî
fiamus sancti. *Part. III.*
Cap. II. §. II. Num. II.
pag. 98.

Meditatio II. De securitate solidè
piorum in morte. *Part.*
III. Cap. III. §. II. Num. I.
pag. 150.

Thom. Kemp. l. 3. c. 47.

Lectio pomeridiana. De beatitate so-
lidè piorum in vita. *Part.*
III. Cap. III. §. I. Num. I.
& *II.* pag. 120. & 130.

POSTRIDIE.

Meditatio. **D**E perseverantia in be-
ne cœptis. *Part. III.*
Cap. VI. §. I. Num. I. &
II. pag. 405. & 406.

Thom. Kemp. l. 3. c. 33.

Lectio spiritualis. De inconstantia
damnis. *Part. III. Cap. VI.*
§. II. pag. 414.

ORDO EXERCITATIONUM PRO SECUNDO SACRÆ COLLECTIONIS TRIDUO.

P R I D I E.

Consideratio. **D**E utilitate sacri se-
cessus. *Part. II.*

Cap. VI. §. II. pag. 327.

Thom. Kemp. l. I. c. 25. à
n. 1. usque ad 7.

Lectio spiritualis. De adjumentis ei
bene vacandi. *Part. II.*

Cap. VI. §. III. pag. 342.

D I E S I. IMPEDIMENTA SOLIDÆ VIRTUTIS.

Meditatio I. **D**E malignitate tempo-
ris. *Part. I. Cap. II.*

§. I. pag. 78.

Thom. Kemp. l. I. c. 25. à
n. 7. & seq.

Lectio

Lectio antemeridiana. De respectu humano. *Part. I. Cap. V.* §. I. II. III. pag. 199. 203. & 207.

Examen statûs. De signis & remediis teporis. *Part. I. Cap. II. §. III.* pag. 100. & 103.

Consideratio. De sequelis & suppliciis peccati venialis. *Part. I. Cap. I. §. II. Num. IV.* pag. 39. item §. III *Num. II.* pag. 56.

Meditatio II. De indignitate abusûs gratiarum. *Part. I. Cap. III. §. I.* pag. 117. & seq. Thom. Kemp. l. 3. c. 55.

Lectio pomeridiana. De regulis divinos instinctus dignoscendi, iisque auscultandi modo. *Part. I. Cap. III. §. III.* pag. 139. 144. 147. Vel de judicii humani contemptu. *Part. I. Cap. V. §. IV. Num. I.* pag. 221.

DIES II.

DIES II. SUBSIDIA.

SOLIDANDÆ VIRTUTIS.

Meditatio 1. **D**E damno emergente ex imperfectione nostrorum operum. *Part. II. Cap. I. §. II. pag. 16.*

Thom. Kemp. l. i. c. 19.

Lectio antemeridiana. De fuga occupationum nimis dissipantium, & exercitio præsentiae DEI. *Part. II. Cap. III. §. III. Num. II. & III. pag. 172. & 183.*

Examen statûs. De subsidiis actiones quotidianas perfectè peragendi. *Part. II. Cap. I. §. III. Num. II. pag. 38.*

Consideratio. De malis dissipatae mentis. *Part. II. Cap. III. §. II. pag. 138.*

Medi-

Meditatio II. De emolumentis bonæ orationis. *Part. II. Cap. II. §. II. Num. I. & II. pag. 62. & 67.*
Thom. Kemp. l. 4. c. 15.

Lectio pomeridiana. De usu examinis particularis. *Part. II. Cap. V. §. II. pag. 300.*

D I E S III. INCITAMENTA

P E R F I C I E N D Æ V I R T U T I S .

Meditatio I. **D**E amore Christi erga nos. *Part. III. Cap. IV. §. II. Num. II. pag. 267.*
Thom. Kemp. l. 4. c. 8.

Lectio antemeridiana. De obligatione tendendi ad perfectionem. *Part. III. Cap. IV. §. I. Num. I. & II. pag. 223. & 236.*

Examen statûs. De indiciis divini amoris. *Part. III. Cap. IV. §. III. Num. I. pag. 286.*

Consi-

Consideratio. De amore DEI erga nos.
Part. III. Cap. IV. §. II.
Num. I. à pag. 258. us-
que ad pag. 267.

Meditatio. II. De nostri erga DEUM
 amoris nihilo. *Part. III.*
Cap. IV. §. II. Num. III.
pag. 276.
 Thom. Kemp. l. 3. c. 27.

Lectio pomeridiana. De signis amoris
 proprii. *Part. III. Cap. IV.*
§. III. Num. II. à pag. 319.
usque ad pag. 332.

POSTRIDIE.

Meditatio. **D**E perseverantiæ emo-
 lumentis. *Part. III.*
Cap. VI. §. I. Num. III.
& IV. pag. 410. & 412.
 Thom. Kemp. l. 1. c. 25. us-
 que ad n. 7.

Lectio spiritualis. De remediis in-
 constantiæ. *Part. III.*
Cap. VI. §. III. pag. 429.

ORDO




ORDO
EXERCITATIONUM
PRO UNICO DIE
COLLECTIONI IMPENDENDO
VEL ANTE SACERDOTIUM,
VEL EJUS SUSCEPTI ANNIVERSARIA LUCE,
Vel circa festum Theophoriæ.

Cùm omnino deceat, ut ad suscipiendos Ordines sacros mens prævia collectione præparetur; quibusdam autem triduum, quod ei impendant, nimium esse videatur; in horum gratiam seriem exercitationum pro unius diei pio secessu subjungo. quæ insuper etiam iis servire poterit, qui quovis anno, redeunte anniversaria suscepti sacerdotii memoria, imitando fervore, impositi muneris dignitatem & obligationem expendunt, aut ad imminens Theophoriæ festum singulari pietate se disponunt.

VIRTUTIS SOLIDÆ
PRÆCIPUA
IMPEDIMENTA,
SUBSIDIA,
ET
INCITAMENTA
COMMENTATIONIBUS
ILLUSTRATA,
OMNIUM USUI APTATIS.
PARS PRIMA
IMPEDIMENTA.



Qui virtutis culmen con-
scendere nititur, prius IM-
PEDIMENTA remo-
veat, quibus ab ascensu im-
peditur. *S. Ignatius de Loyola*
in Apophtegmatibus.



ERRATA PARTIS PRIMÆ.

<i>Pag.</i> 29.	<i>lin.</i> 14.	indenti-	<i>lege</i> identi-
		dem	dem.
— 53.	— 5.	antu-	— autu-
		mant	mant.
— 80.	— 1.	de alba-	— dealba-
		tis	tis.
— 148.	— 19.	ad hæc	— adhæc;
— 177.	— 5.	tencet	— tenet.
— 219.	— 2.	fovo-	— favo-
		rem	rem.

TABLE

TABLE I. — THE EFFECT OF THE

TEMPERATURE ON THE RATE OF

REACTION.

TEMPERATURE, °C. — 10 — 20 — 30 — 40 — 50 —

RATE OF REACTION, %

10 — 20 — 30 — 40 — 50 —

10 — 20 — 30 — 40 — 50 —

10 — 20 — 30 — 40 — 50 —

10 — 20 — 30 — 40 — 50 —

10 — 20 — 30 — 40 — 50 —

10 — 20 — 30 — 40 — 50 —



VIRTUTIS SOLIDÆ
PRÆCIPUA
IMPEDIMENTA, SUBSIDIA,
ET
INCITAMENTA.



Uic lucubrationi
argumentum sup-
pedicavit gravissi-
ma illa Constitu-
tio S. P. Ignatii,

qua cupit, ut *omnes in virtutum solidarum & perfectarum studium incumbamus*,

(a) morem gerendo repetitis illis Divinæ Paginæ monitis : *estote perfecti.*

(b) *sancti, estote.* (c) *hæc est voluntas Dei sanctificatio vestra.* (d)

A 2

Est

(a) Instituti parte io. §. 2. (b) Matth. 5. v. 48.

(c) Levit. 11. v. 44. (d) 1. Thesal. 4. v. 3.

Est autem virtus solida habitus animi supernus, multo usu firmatus, voluntatem inclinans ad actus ejusdem ordinis constanter, promptè, ferventer & puro ex fine eliciendos. Hunc ergo ut menti inferamus, præsentì opere laborabimus. Prima ejus parte amovebimus IMPEDIMENTA solidæ virtutis. Altera afferemus ADJUMENTA solidandæ virtutis. Ultima denique perpendemus ejus perficiendæ INCITAMENTA. Prima pars respondebit viæ, ut ajunt, purgativæ: secunda illuminativæ: tertia unitivæ; uti ex subjecta cuilibet parti conclusione patebit.

Porro sex præcipuè sunt solidæ virtutis IMPEDIMENTA, nempe peccatum veniale, tepor animæ, abusus gratiæ, dominans menti affectio, respectus humanus, & somniculosa in manè surgendo pigritia. His sena opponentur illius solidandæ ADJUMENTA, scilicet actionum quotidianarum accuratio, fervens oratio, mentis collectio, Eucharistiæ ardens susceptio, examinis particularis constans usus, uti & sacer
sal-

saltem ad triduum secessus. INCITAMENTA ejus perficiendæ pariter bis terna afferentur, videlicet fides æternarum hac de re veritatum, timor malorum aliàs incurrendorum, spes bonorum perillam obtinendorum, amor Dei hanc soliditatem à nobis exigentis, & merentis, solidè piorum felicitas, ac denique perseverantium corona.

Et licèt adhuc alia numerentur perfectionis obstacula, subsidia & invitamenta; tamen hæc seligere placuit, tum quia non nisi de præcipuis agere constitui; (hæc autem potiora esse videbantur) tum quia ad ista veluti ad fontes primaria Asceseos capita revocari posse existimavi; cùm sub tenui cortice omnem Theologiæ, ut vocant, Asceticæ medullam contineant.



A 3

PARSI.



PARS I.

VIRTUTIS SOLIDÆ

PRÆCIPUA

IMPEDIMENTA.

Cùm fructus ex his pagellis colligendus sit serium, & constans studium comparandæ virtutis solidæ, prima statim parte præcipua ejus IMPEDIMENTA erunt amovenda; his enim non sublati actum agitur; præfixus finis nunquam obtinebitur. Aviculæ similes erimus cavæ funiculo alligatæ, quæ vano nisu in altum avolare conatur.

Porro has inter remoras principem facilè locum obtinent peccatum veniale, tepor animi, gratiarum abusus,
domi-

dominans menti affectio , respectus humanus, & somniculosa illa in manè surgendo inertia. Ista enim sunt illud gratiæ venenum, pernicies animæ, tinea meritorum, excidium perfectionis, queis stantibus de solida virtute desperandum est. Hæc ergo tam magna, tam potentia ac primaria profectûs obstacula ut ex animis nostris radicatus evellantur, primæ partis labor erit, quæ simul viæ, ut ajunt, purgativæ congruet.



CAPUT I.

DE PECCATO VENIALI,

Cùm noxa lethalis probitatem penitus exscindat, spiritum sanctum omnino exterminet, ab ultimo fine nostro, nempe à cælo & DEO, ad tartara nos rectà abducatur; Verbô: cùm animæ pestis, mors ac damnatio sit, nimis honoratè à nobis ac leniter haberetur, si solùm sanctimoniam remoris accenseretur. Proin prætermittam hac stygia malorum Lerna, utpote cujus monstrosa turpitudine impietasque sola sui umbra exanimat pias mentes, à peccato veniali tractationem hanc auspiciari constitui, tanquam à primario (quæ Patrum mens est) perfectionis obstaculo. Ad hujus verò fugam nos potenter incitabit ejus malitia attentè considerata 1. in se, 2. in suis effectibus, 3. in suis suppliciis.

§. I.

§. I.

De venialis peccati malitia

considerata in se.

I. **P**eccatum veniale est magnum malum in se, quia (ut divino adinonitu cognovit (a) B. Catharina Genuefis) est pejus quid omnibus mundi malis collectim sumptis, ipsa etiam morte, ipso etiam orco. Id concordi sententia asserunt sancti Chrysostomus, (b) Anselmus, (c) Dorotheus, (d) Aquinas. (e) Quin imò ipse etiam Aristoteles solo lumine naturali illustratus, *melius est mori, ait, quam facere aliquid contra bonum virtutis.* (f)

I.
Postletba-
le est ma-
lum in ora-
be maxi-
mum.

Huic auctoritati convincens ratio suffragatur; nam (ut docet S. Thomas)

A 5

plus

(a) In ejus vita c. 27. ubi hæc: fuit illi in spiritu demonstratum, multò intolerabiliorem esse Dei offensam quamlibet exiguisimam ipso Luciferi inferno. His similia leguntur c. 12. & 14. ubi dicit: Omnia alia hujus mundi tormenta nihil esse in comparatione talis offense. (b) Hom. 5. ad Pop. (c) l. de Simil. c. 190. (d) Serm. 20. (e) a. 2. q. 110. a. 3. ad 4. (f) l. 3. Ethic.

plus habet de ratione mali culpa, quàm pœna. (g) Ergo cùm calamitates hujus vitæ, nex ac inferorum supplicia non sint nisi mûltæ reis infligendæ, Jure infertur, crimen etiam leve malignitatis amplius obtinere. Præcipuè cùm supremum Numen cruciatuum illorum creator sit, eorumque causâ (ut ajunt) positiva existat; delicti verò etiam minimi author esse, Divinitate id vetante, nullatenus queat. *Plus igitur illud de ratione mali habere necesse est; cùm nec præ tartaro eligi possit.*

Itaque ô Mortales! *auribus percipite, & audite vocem meam,* (verba sunt Isaïæ) *attendite, & audite eloquium meum.* (h) En! venialis quilibet nævus quid pejus est omnibus mundi malis collectim sumptis, ipsa etiam morte, ipso etiam orco. Inde jam quid concludam attendite. Ergo si maximas mundi misérias unico tali errato impedire: aut si summa orbi commoda unica ejusmodi noxa procurare possem, illam patrare non liceret. *O quis mihi det,*
ut

(g) 1. p. q. 48. 2. 6. (h) Isa. 28. v. 23.

ut hæc sensa *celte sculpantur in silice*
cordis tui, quicumque *bibis quasi aquam*
ejusmodi *iniquitatem* ! (i)

O Christiane ! si mendaciunculo
omnia bella, fames, incendia, eluvio-
nes, morbos & pestes avertere : si
omnes animi æumnas, famæ dispen-
dia, urbium calamitates, familiarum
dissidia à genere humano arcere : si
inferendas ab Antichristo vexationes
propulsare, & succensos à Divina Ne-
mese altero in orbe rogos extinguere
posses, nefas foret vel semel mentiri.
Quin imò si levi iracundia omnes hæ-
reticos, Turcas & Gentiles ad fidem
convertere : si omnes damnatos ex
inferis, omnes animas ex purgantibus
flammis eximere : si omnes, qui mo-
dò vitam colunt, & terram adhuc in-
colent, mortales æternæ salutis secu-
ros reddere posses, tamen nec leviter
irasci liceret. Ita est : non liceret. Id
testantur, ac unanimi consensu affir-
mant omnes Ecclesiæ Patres, Theolo-
gi & Ascetæ.

Unde

(i) Job. 19. v. 24. & cap. 15. v. 16.

Unde sequitur, melius esse totum hoc universum sub finem mundi deciduo cœlis igne vastari, omnium regionum urbes conjurata ruina sus de-que verti, denique reprobos ulticibus flammis per totam æternitatem cruciari, quàm unicam à nobis etiam levio-rem culpam admitti. Et hoc certum est: dogma fidei est, de quo vel dubitare impium est. Nam omnia hæc non nisi nobis mala sunt; peccatum verò, etiam veniale, malum DEI est, quo is læditur, & contristatur. (1) Quantum ergo distat Creator à re creata, tantum malitia hujus superat malignitatem alterius. Longè enim minus quid est res condita collata Conditori, quàm musca comparata homini. Ergo sicut minus malum est muscam occidi, quàm ab ea hominem molestiâ affici; ita quoque longè satius est, omnes procreatas res uno junctim exitio interire, quàm supremam DEI Majestatem tenui offensa violari.

Et

(1) Cornel. à Lapide & Salmeron Disp. 11. in illum textum Eph. 4. v. 30. *Nolite contristare Spiritum Sanctum.*

Et tamen . . . *obstupescite cæli super hoc!* (m) & tamen reperire est . . . heu! horrore attonita, elinguis hæret vox . . . reperire, inquam, est non paucos, fors etiam Religiosos, qui usurpare audent tritum illud: est solum leve quid: non est nisi veniale. Vah! temerarias voces! Ah! nubes lucidæ sancta metamorphosi æreas in laminas vos condensate, ne impius earum sonus ad vindices stellas penetret.

Quid enim? ô viles vermiculi! ergone exiguum id malum sit, quod universi ruina & tartarorum pœnis quid pejus est? quo infidelium conversionem, damnatorum liberationem, vivorumque salutem licitari haud licet? Ergone id leve quid sit, quod universi excidio quid gravius est? Ubi quæso mens nostra, ubi ratio est? O quam aliud de hujus portenti gravitate olim moribundi iudicium feremus!

II. Tanta minori etiam delicto malitia inest, tanto illud odio Dei Sancti-
tas

II.
Deus in-
credibili

(m) Jerem. 2, v. 12.

*illud odio
aversa-
tur.*

tas execratur, ut si in Augustissima
Ejus Matre, aut dilectissimo hujus Fi-
lio vel unicum appareret, mox illa
imò & Natura humana Christi, soluta
unione hypostatica, ab irata Divini-
tate è vestigio cœlis exturbarentur,
& excusso fulmine in piaculares rogos
præcipitarentur, tamdiu lustricis igni-
bus cruciandi, donec illam maculam
expurgassent. Nam (quod Spiritûs
Sancti oraculum est) *non intrabit in
eam* (nempe cœlestern gloriam) *ali-
quod coinquinatum.* (n) Ergo nec ma-
culatum quid ibi vel momento subsi-
stere poterit. Eadem enim Numinis
Sanctitudo, quæ huic pesti ad cælos
aditum, eidem quoque omnem inibi
moram irrevocabili interdicto vetat.

Jam verò hîc subsiste ô levium
contemptor audax! ac attentius per-
pende, quis . . . quem . . . propter
quid . . . tam terribili supplicio affectu-
rus esset? nempe Pater æternus . . .
Filius unigenitus . . . & ambo Dei-
param . . . ob unicam non nisi te-
nuem

(n) Apoc. 21. v. 27.

nuem noxam. Inde jam collige, quàm horrenda ergo hujus portenti malignitas sit, oportet; cùm tanto illud odio Pater in Filio, Filius in Matre, idque in tali Filio, taliq̃ue Matre aversetur, damnet, & excretur; & quidem tam æquus rerum arbiter, ipsa amoris sedes, & clementiæ thronus excretur. O peccatum veniale! heu! quàm abominandum es monstrum in oculis Divinæ Majestatis!

Et hinc Beati in cœlo, data optione, libentiùs suis é thronis in inferorum carcerem desilirent, nunquam illuc redituri, quàm ut unico ejusmodi nævo se contaminent. Imò felicitati sibi ducerent, si sua in orcum amandatione unicum ejusmodi piaculum impedire possent. Et jure id quidem; majori enim injuria (ut graves (o) Theologi censent.) Deum afficit unica ejusmodi labes, quàm omnium simul

(o) Petrus de Soto Libro de institutione Sacerdotum Lektionē 18. de pœnitentia. Cujus Sententiam sequuntur multi Recentiores teste Lugone de Incarn, Disp. 5. Sect. 7. n. 122.

simul electorum æternæ laudes eundem honorent.

Hic ergo jam adeste, quicumque veniale per risum admittitis, hancque veritatem non populari trutina, sed *pondere Sanctuarii* (p) librate. En! tale DEus, Christus, Beati de hujus delicti gravitate judicium ferunt, quod vos ut leviusculum quid temerario desplicatu exploditis. O sidera! sola hujus culpæ memoria exanimantur Sancti: solo ejus aspectu conterrentur Angeli: sola illius umbra terrefit cœlorum Regina; & tamen hac audet vilis argilla Sacrosanctam Trinitatem quavis hora petulanter lacescere, & veluti rem nauci protervo contemptu exsibilare.

O Superi! ergone possibile est, ut solus homo minutum quid putet, quod omnis lingua cœlestium post lethale maximum in orbe malum esse uno ore profitetur? ergone fieri potest, ut Religiosus id nihili faciat,
de

(p) Levit. 5. v. 15.

de quo tamen Divinus Judex tam severam olim rationem exiget? O cæci Mortales! Ah! nihil leve est, quo summa læditur Majestas: nihil exiguum, quod summa reprobatur Sanctitas.

III. Verùm ut tantæ improbitatis abyssus, immixtis solaribus radiis, clariùs pateat, finge, centum milliones animarum, in statu puræ naturæ constitutos, ter mille annorum spatio immania tormenta insigni constantia patientissimè tolerare, ac insuper innumeros naturales virtutum actus, eosque intensissimos continenter exercere hunc solummodo ob finem, ut iratæ Nemesei pro unico tali errato condignum exsolvant litrum. Et en! frustra sunt: nihil hæc omnia possunt: omnes hi cruciatus & opera merè naturalia, utut optima, teste S. Thoma & Suariorum (q) minimè sufficiunt expiandæ ex æquo vel unicæ ejusmodi offensæ.

III.
Nulla pura creatura illud condigna satisfactione expiare potest.

Pars I.

B

Quin

(q) S. Thomas 3. p. q. 87. a. 3. ad 3. Suarez Tom. 1. in 3. p. Disp. 4. Sect. 9. §. prima ergo sententia. Quam communissimam esse dicit Viva de pœnitentia. Part. 3. Disp. 2. Quæst. 6. a. 1. n. 1.

Quin imò finge, cunctos Cœlites
 Divinæ Justitiæ throno supplici gestu
 advolvi, ut Eidem pro unico, à te pa-
 trato, minori piaculo æquali expiatio-
 ne satisfaciant. Finge, Seraphinos
 suum amorem, Patriarchas suam fi-
 dem, Prophetas suam fortitudinem,
 Apostolos suas prædicationes, Marty-
 res sanguinem, Virgines castimoniam,
 Episcopos zelum, Confessores pœni-
 tentiam, denique Matrem Dei omnem
 suam sanctitatem læsæ Divinitati ap-
 pendere ideo solùm, ut commissum à
 te tenuem nævum æquata purgatione
 deleant. Et en! incassum sunt omnia:
 irritus omnis labor est & conatus.
 Nam (ut docet (r) purpuratum Ec-
 clesiæ sidus) nemo etiam justus, &
 gratia superna instructus, peccatum ve-
 niale *alienum* condigna placatione di-
 luere

(r) Lugo de incarn. Disp. 5. Sect. 8. n. 154.
*Ejus ratio est, quia de facto Deus non remittit
 culpam etiam venialem, nisi per aliquem gradum
 gratiæ sanctificantis, quem ei infundit. Cum au-
 tem purus homo non possit de facto acquirere alteri
 de condigno gratiam sanctificantem, neque potest sa-
 tisfacere de condigno pro culpa veniali alterius,
 ita Lugo.*

luere valet. (s) Imò nec proprium posse acriter tueretur Soto cum aliis. (t)

Hic animi vires jam collige, quicumque ejusmodi maculis fordes, ac verborum vim sensumque perpende. En! tuum hoc, quod ridens effutis, mendacium: tua hæc, qua leviter excandescis, iracundia: tuus hic, quo orans languescis, tepor tantæ impietatis ac nequitiae monstrum est, ut nec illo cœlesti Seraphinorum Trisagio æternùm continuando, (u) nec illorum viginti quatuor Seniorum sempiternis laudibus, (x) nec per illa, *quæ sanctorum orationes sunt, odoramenta in phialis aureis perpetuò offerenda*, (y) pari satisfactione aboleri possit. Adeò virulenta in se, terribilis & execranda pestis est etiam tenuis offensio Numinis.

B 2

Hanc

(s) Lugo loc. cit. (t) Soto loco superius cit. cujus sententiam sequuntur multi Recentiores teste Lugone de incarn. Disp. 5. Sect. 7. n. 122.
 (u) Isaïæ 6. v. 3. (x) Apoc. 4. v. 10.
 (y) Apoc. 4. v. 5.

Hanc veritatem ipse Deus Pater Beatam Catharinam Senensem docuit (utì legere est in ejus dialogis) addens, etiam huic peccato nequitiam quodammodo infinitam inesse; quia infinitum offendit Bonum. Hos autem dialogorum libros *cælestem doctrinam divinitus infusam* continere, declarârunt gemini Pontifices Christi que Vicarii Pius II. (z) & Urbanus VIII. (aa) Ipsa primæ Trinitatis Personæ verba hîc retulisse, operæ pretium erit; cùm magnum dictis pondus addant; sunt autem hæc: *an ignoras filia mea, quod omnes pœna, quas anima sustinet, vel sustinere potest in præsentî seculo, nullo modo condignæ sint ad culpam etiam minimam rite puniendam, vel expiandam? quoniam offensa, quæ mihi fit, qui sum Bonum infinitum, procul dubio satisfactionem exigit infinitam.* (bb) Omnia autem justorum, utì & Beatorum obsequia finita solummodo sunt ac circumscripti valoris. Ergo *non sunt*


(z) In Bulla Ejusdem Canonizationis. (aa) In Ejus officio divino lectione sexta. (bb) Lancicij opusc. Spirit. 10. c. 3.

sunt condigna, ad labem etiam levissimam ex æquo delendam.

O impiam igitur cæcitatem nostram! quibus hæc noxa tamen parvi momenti quid est; licet secundum probabilem Theologorum sententiam (cc) infinitate quadam malitiæ sca-teat, quæ nulla expiatione creata con-dignè abstergi possit.

IV. Præterea minuta hæc piacula ^{IV. Etiam est} sunt etiam causa cruciatuum ac mor- ^{causa cru-} ^{ciatum,} ^{& mortis} ^{Christi.} *O Angeli pacis denuo ama-* *rè flete, (dd) & iteratis gemitibus Di-* *vino funeri parentate. O peccator!* *audi! & contremisce. En! tua hæc,* *quæ ut minuta spernis, piacula sunt* *etiam causa cruciatuum & mortis Chri-* *sti. Nam (ut sacræ paginæ perhibent)* *ipse vulneratus est propter iniquitates no-* *stras etiam leves: attritus est propter* *scelera nostra etiam minora: (ee) mor-* *tuus est pro peccatis nostris etiam venia-* *libus;*

(cc) Lanc. l. c. ubi id citatis pluribus Aucto-
ribus tum Antiquioribus, tum Recentioribus ex
instituto fusè probat. (dd) Isa. 33. v. 7.
(ee) Isa. 53. v. 5. & 6.



libus; (ff) cùm pro his quoque æterno Patri per acerbam necem suam abundanti solutione satisfecerit.

Ita est ô peccattix anima! *vulneratus est* Agnus ille immaculatus etiam propter illas tuas locutiones vanas, mendaces, otiosas. *Attritus est* etiam propter illam tuam irreverentem, tepidam, distractamque orationem. *Cum sceleratis reputatus est* (gg) etiam propter illas tuas vanitates, invidias, distractiones, superbias & æmulationes. Verbô: *pertulit in corpore suo* (hh) pœnas criminibus tuis etiam leviusculis debitas.

Quoties igitur (heu! concussa tremant fundamenta terræ!) quoties, inquam, licet leviter solum peccâsti, toties posuisti id, quod aliqua ex parte fuit causa dolorum ac vulnerum Christi. Toties patrâsti illud delictum, quod eundem unâ cum lethalibus erratis funibus vinxit, catenis oneravit,
flagel-

(ff) 1. Cor. 15. v. 4. (gg) Isa. 53. v. 12.
(hh) 1. Petr. 2. v. 24.

flagellis discerpsit, spinis cruentavit, ac denique sacrilega tyrannide in furcam egit. Age jam, ad hæc quæ tibi mens? . . . ô infelix! hæc audis, nec tamen peccatum hoc execraris? audita etiam credis, nec tamen pectus tibi præ mæroris vehementia in frustra dissilit? O utinam modò cor saxum tibi foret, ut pariter medium cum illis Solymæ petris diffinderetur!

At nondum hîc sistit hujus vitii improbitas; necdum quiescit ejus Divino sanguine ingurgitatus furor; cùm illa feralis tragædia, cujus causa olim *obscuratus est sol, monumenta aperta sunt, & velum templi scissum est*, (ii) nostro etiam tempore, repetita rabie, instaretur. Nam sicut Salvator noster, docente Gentium Doctore Paulo, (11) per lethale crimen cruci denuo affigitur, ita ex mente SS. Patrum per veniale rursus conspuitur, vellitur, illuditur.

B 4

O rem

(ii) Luc. 23. v. 45. & Matth. 27. v. 52.

(11) Hebr. 6. v. 6.

O rem detestandam, ac vel auditu
terrificam! Ah! Divinus Servator per
veniale rursus conspuitur, vellicatur,
illuditur. Id asserunt Ecclesiæ Patres.
Et ausit humana temeritas ejusmodi
culpam leve quid dicere? O Coelites!
ergone leve quid sit, venerandam Chri-
sti faciem sputis foedare, colaphis cæ-
dere, crinibus vellere? O mi JESU!
ergone tibi insultare, probra ingere-
re, ostentui te habere, parum quid,
imò nihil sit? & hoc Christianis? . . .
O fulmina! quæ manus vos, quæ nu-
bes morantur?

*O Filii hominum mendaces in stateris ,
(mm) qui dicitis malum bonum, & bo-
num malum: ponentes tenebras lucem, &
lucem tenebras; (nn) ut quid ô miseri!
ut quid diligitis, imò & queritis men-
dacium? (oo) Ah! tandem aliquan-
do tot oraculis fidem habete, uno
ore enunciantibus, magnum in se, &
ingens omnino malum esse piaculum
etiam parvum, quod tamen non rarò*
(ô portæ

(mm) Psal. 61. v. 10. (nn) Isa. 5. v. 20.
(oo) Psal. 4. v. 3.

(ô portæ cæli desolamini vehementer!)
 (pp) quod, inquam, non rarò etiam
 Religiosi, quin & Sacerdotes sine hor-
 rore, sine metu, joci causa ridentes
 perpetrant. At væ! qui trahitis ini-
 quitatem hanc in funiculis vanitatis,
 & quasi vinculum plaustri peccatum leve.
 (qq) Væ vobis! quia vindex ultio ve-
 niens veniet, & non tardabit. (rr)

O Domine! *exitus aquarum dedu-
 cant oculi mei*, (ss) ut jugi dolore de-
 fleam, quæ *super capillos capitis* (tt)
 accumulavi delicta. *Peccavi!* & *ma-
 lum, malum grande* (uu) nimis, etiam
 venialiter peccando *coram te feci*. (xx)
 Sed doleo, & intimo corde doleo ob
 solum tui amorem. . . Territus enor-
 mi gravitate hujus culpæ, stat ani-
 mum ea haud ampliùs saltem ple-
 no cum assensu contaminare. *Vivit
 DEUS, in cujus conspectu sto; quia do-
 nec superest halitus in me, & Spiritus
 DEI in naribus meis, non loquentur la-*

B 5

bia

(pp) Jerem. 2. v. 12. (qq.) Isa. 5. v. 18.
 (rr) Habac. 2. v. 3. (ss) Jerem. 9. v. 1.
 (tt) Psal. 118. v. 136. (uu) Ezech. 16. v. 10.
 (xx) Psal. 50. v. 6.

bia mea iniquitatem, nec lingua mea meditabitur mendacium. (yy) Potiùs omnia perdam bona, & feram mala, quàm ut denuo etiam leviter *delinquam in animam meam.* (zz) Verùm cùm ex me nihil possim, nisi peccare, & perire, *confirma hoc DEUS, quod operatus es in me;* (aaa) & *quod dedisti velle, da & perficere.* (bbb)

§. II.

Malitia peccati venialis considerata in suis sequelis.

I. **A**ctus virtutum corrumpit. I. **M**agnum præterea malum est ejusmodi culpa in suis effectibus. Nam imprimis peccata venialia actus virtutum corrumpunt, dum eos venenata aspergine ita inficiunt, ut illis (quæ plurimum Theologorum concors opinio est) superni ordinis celsitate dejectis, cœlestem vim omnem merendi adimant penitus, auferantque; cùm sint illæ *muscæ morientes*, quæ teste Eccle-

(yy) Job. 27. v. 3. & seq. (zz) Eccli. 19. v. 4. (aaa) Psal. 67. v. 29. (bbb) August. Serm. 256, de tempore.

Ecclesiae perdunt suavitatem unguenti. (a)

Primum huic asserto fundamentum prabet illa Christi admonitio Matthæi 6. v. 1. dicentis: *attendite, ne justitiam vestram faciatis coram hominibus, ut videamini ab eis; alioquin mercedem non habebitis apud patrem, qui in cælis est.* Quibus verbis Divinus Magister apertè insinuat, justitiam ex vana gloria exercitam carere æterna mercede. Cum autem inanis ejusmodi gloriola leve solummodo piaculum sit, (b) jure infertur: ergo actus tali noxa infectus omni merito præmioque funditus exuitur, privaturque, ita quidem, ut testante Hieronymo, *martyrium ipsum, si ideo fiat, ut admirationem & laudem à fratribus habeamus, frustra sanguis effusus sit.* (c)

Idem

(a) Eccles. 10. v. 1. (b) Quod ibi Christus loquatur de vana gloria solum leviter culpabili docet S. Thomas 2. 2. q. 132 a 3. ad 1. item Tournely tract. de act. hum. cap. 6. sect. 2. Concl. 1. ubi is insuper docet, circumstantiam finis venialiter mali totum virtutis actum penitus corrumpere. (c) In cap. 1. Epist. ad Galat.

Idem expressè docet Theologorum phœbus Aquinas, 2. 2. q. 132. a. 3. ad. 1. ita differens: *opus virtuosum amittit vim merendi vitam æternam, si propter inanem gloriam fiat, etiamsi illa inanis gloria non sit peccatum mortale. Quam eandem doctrinam in 2. dist. 38. q. 1. a. 4. tradit, cum aliquis, inquit, vult dare eleemosynam propter inanem gloriam, hic est unus actus voluntatis, & hic actus totus est malus, licet non ab omni eo, quod in eo est, malitiam habeat.*

Adeoq̃ue licet ejusmodi actio *non ab omni eo, quod in ea est, malitiam habeat*; id est, licet adhuc bona sit secundum quid; (ut scholæ loquuntur) tamen quia non est bona simpliciter & secundum omnia rerum adjuncta, ex mente S. Doctoris non est meritoria cœlestis gratiæ nec felicitatis æternæ. Quod enim ejusmodi trunca bonitas minimè sufficiat ad superam merendi vim; sed quod actus ex omnibus & singulis, quæ confluunt, circumstantiis bonus esse oporteat, post Angelicum docent gravissimi Theologi.

gi. (d) Et ex his abunde constat, venialem nævum omnem virtutis actum, communicata lue, penitus inficere, perdereque; seque habere instar fermenti, quod totam, cui injicitur, farinæ massam corrumpit.

Proin ô bone! licet mysticæ contemplationi assiduè intentus viveres, summas opes in egenos profunderes, corpus variis cruciatibus emaciare. licet morum modestia angelum, concionandi ardore Seraphinum, in sacro tribunali charitate Samaritanum vinceret, ac heroica indentidem patientiæ, demissionis & obedientiæ facinora patraret; nihilominus ista, si vel modica veniali labe fuerint infecta; si
in

(d) S. Thom. 2. 2. q. 110. a 3. in C. ubi sic: *quia ad hoc quod aliquid sit bonum, requiritur, quod omnia rectè concurrant. Bonum enim est ex integra causa; malum verò est ex singularibus defectibus, ut dicit Dionysius cap. 4. de divinis nominibus.* Item 1. 2. q. 89. a. 1. ait: *peccatum veniale impedit actus virtutum.* Gonet. Disp. 4. a. 1. Rhodes Disp. 4. sect. 3. §. 2. Antoine tract. de act. hum. c. 3. a 3. Gervasius Brisacensis part. 3. tract. 1. de act. hum. Disp. 2. q. 1. a 3. Lancicius opuscul. 16. N. 73. Sylvester & alii; contra Lugonem,

in ea amor proprius, commoditatis studium, aut vana mentis gloriola subdolo pede vel tantillum irrepsit, actum est de eorum pretio ac dignitate. Mox omnes hi actus degeneri germine ex virtutibus, quæ esse potuissent, in vicia turpiter abeunt, non nisi castigatione digna. Et quamvis purissimam intencionem tuis operibus tempore matutino præmisisses, hacque industria ipsum etiam residuæ dici plumbum providè inaurâsles; si tamen postea vel unicus talis intercesserit nævus, mox reliqua omnia, abrupto protinus filo, præmio vacua erunt, & inania omnino, ac casta vilescunt.

Nam (ut bene docet S. Chrysostomus) *nil potest simul esse meritum & delictum*; (e) utque actio sit mala (verba sunt Aquinatis) *sufficit, ut aliquid desit; cum bonum sit ex integra causa.* (f) Quid autem illi actioni non deerit, quæ tali macula sordet? Unde sequitur, ejusmodi corruptos pietatis actus
nec

(e) Hom. 30. ad pop. (f) 1. 2. q. 18. a. 3. ad 3. Item 2. 2. q. 110, a 3. C.

nec meritorios esse nec supernos; cum veniale, æmulando illum *vermem*, qui *percussit hederam Jonæ*, (g) ipsam pariter boni radicem asperso tóxico enecet, corrodátque; ac *instar locustæ ac bruchi comedat omnem fructum*, (h) aliàs ex sanctioribus nostris operibus sub vitæ autumno decerpendum.

Jam age, ô anima! æquitatis tribunal conscende, & promeritam inde in reum, quem tibi sisto, sententiam pronuncia. En! servus hic tuus, infusa fellis gutta, plurimos mellis cados viaviavit: summi valoris monetam, immixta furtim scoria, adulteravit; suisque artibus ac dolis impedimento fuit, ne in singulos dies centum millia aureorum lucrareris. Edic: quid supplicii hunc meruisse jam censes? Vah! reus est mortis, exclamas, omniq̃ue odio ac execratione dignus. At ecce! offensa levis est ille prædo, qui tot gemmas ex tua cœlesti corona excussit: tot beatis æternitatibus te privavit, quot actus virtutum sua vafritie infecit, destruxit, ac depravavit. Et
hunc

(g) Jon. 4. v. 6. (h) Ps. 104, v. 34.

hunc latronem odisse non queas? quin
& amare, tueri, fovere possis? Apage
tantam impietatem! potius decreto illi
exilio, omnis ad mentem aditus ei
æternùm â te sit interdictus.

II.
*Charitatis
fervorem
diminuit.*

II. Verùm his non contenta, plus
ultra serpit levioris noxæ perversitas;
alia adhuc sunt, quæ inducit, nocu-
menta. Nam non solum corrumpit
hæc pestis supernos omnes probitatis
actus, ac invida calliditate impedit
augmentum omne meritorum; sed in-
super (ut nobis auctor est Angelicus
Doctor) *diminuit fervorem charitatis*, (i)
criticum in Dei servitio languorem in-
ducenda, creandoque rerum æterna-
rum insolens fastidium, quod tandem
ipsi divino cordi nauseam mover.

Et hinc B. Laurentius Justinianus
monet, *servo DEI etiam parva esse vi-
tanda delicta, ne charitas refrigescat*,
(1) ac animum occupet lethalis tor-
por; cùm etiam Religiosi (ut ait D. An-
selmus) *per modicarum contemptum cul-*
parum

(i) 3. p. q. 79. a. 4. ad 1.

(1) Vitæ cap. 9.

parum paulatim à fervore suo deficiant,
(m) & in teporem prolabantur. Te-
porem autem dum nomino, heu!
monstrum nuncupo, quod tum ob
malignitatem, qua scatet: tum ob
damna, quæ gignit, venenata malo-
rum Lerna jure appellatur.

In hanc verò nos sensim per mino-
res quoque labes præcipitari, tristis
experientia assiduè docet. Nam ani-
mo concipe hominem, ejusmodi næ-
vos temerè committentem; & en!
omnia in ejus corde torpido languore
marcescent: fatiscunt opera pietatis,
languebunt studia virtutis, torpebunt
exercitia voluntariæ afflictationis. Ni-
hil arduum aggredietur mens, exiguus
erit in cœptis conatus, & similis co-
natui sequetur effectus; nempe vel
nullus vel admodum imperfectus. Non
sapiet nisi terrena, cœlestia cum fasti-
dio audiet, tædium sentiet in oratione,
horrorem ab appetituum coërcitione,
nauseam in rerum spiritualium exerci-
tatione. Contrà verò ad opposita his

Pars I.

C

vitia,

(m) Lib. de simil. c. 122.

vitia, præcipuè ad carnis commoda, sensuumque illecebras toto pondere ferri se experietur. Quis ergo inficias ibit, per ista charitatis fervorem diminui, attenuari, restingui?

Quis verò hujus nocumenti malignitatem sat vivis coloribus adumbrabit? nam *diffusa in cordibus nostris charitas*, (n) seu immanens gratia tantæ excellentiæ bonum est, ut dignitate, pretio ac utilitate omnibus aliis ingenti intercapedine antecellat. Hujus autem teste S. Thoma (ô natæ coelis animæ ad damni, quæso, gravitatem attendite!) hujus, inquam, tanti tamque eminentis boni *diminutio dispositivè & indirectè fit per peccata venialia*. (o) Non quod per illâ cælestis gratia (quam sanctificantem vocant) ex anima statim expellatur, aut quasi ea gradatim imminuta decrescat; sed quia immisso in animum tepore ejus augmentum impediunt, utque etiam illa tandem perdatur, pedetentim disponunt; uti tradit Aquinas his verbis:

quam-

(n) Rom. 5. v. 5. (o) 2. 2. q. 24. a. 10. C.

quamquam charitas secundum se ac directè nullatenus diminui possit ; dispositivè tamen & indirectè per venialia peccata diminutionem admittit. (p) Licet enim charitatis lampades cœlesti Sponso sint lampades ignis atque flammarum ; (q) tamen si his venialium arenam copiosius injicias , sensim restingui eas , ac emori necesse est. Ad hæc autem quis non cohorrescat ?

III. Imò , ut docere pergit Theologorum Phœbus , hoc genus culparum *aliquo modo se-qualiter , etsi imperfectè separat hominem à D E O ; quia per illas deordinatur voluntas hominis ob immoderatam conversionem ad bonum creatum.* (r) O verè sententiam terrore plenam ! quid gravius , obsecro , quid aptius dici possit , ad incutiendum nobis hujus mali horrorem ? O amans Numinis mens ! en ! noxa levis te non quidem penitus , aliquo tamen modo separat à D E O : te saltem aliquatenus abstrahit ab ejus paterno sinu , teque ex providis ejus bra-

C 2

chiis

(p) Ibidem. (q) Cant. 8. v. 6. (r) 3.
P. 4. 87. a. 1. C.

chiis aliqua minimùm ratione avellic, dimovétque; dum te indignum reddit illa singulari providentia ac amore benevolo, quo is mala avertit, bona immittit, & peculiari affectu curat, *ut justis omnia cooperentur in bonum.* (s)

Hoc autem scuto exuta, quid ages, ô misera? Ah! hostium telis nuda patebis, & irruentibus undique tentationibus exposita, in omnem casum prona nutabis. Hujus quidem periculi magnitudinem & beneficii jacturam modò nihil admodum curas; quia tristes illius sequelas & hujus inæstimabile pretium parum oppidò ponderas; sed væ tibi! si id in altero primùm orbe docearis. Enimvero vel stupidus sit, vel amens oportet, cui ista hujus vitii odium non creant. Stupidus quidem, si tam immanium nocumentorum malitiam non agnoscit; amens autem, si ea cognita tamen veniale non timet, fugit, horret.

Præcipuè cùm insuper animam turpiter fædet, ac in oculis Divinæ Majestatis

(s) Rom. 8. v. 28.

jestatis valde deformem, fædam ac detestabilem reddat. Nam exigui etiam nævi à S. Basilio *sordibus comparantur, que animi splendorem exterminant, & nativo ejus decori officiunt.* (t) S. Augustinus eos appellat *scabiem, nostrum decus ita exterminantem, ut ab illius sponsi, qui speciosus forma præ filiis hominum est, castissimis amplexibus separant.* Cæsario Arelatensi sunt *pustule, que quidem animam non occidunt; sed eam tamen quasi horrenda lepra repletam, summo opere deformant.* (u) Bernardo Abbati *minima qualibet inobedientia turpis macula est.* (x) His similia habent Gregorius Magnus, (y) Leo Papa, (z) aliiq̃ue Patrum. Ut proin triplici ære circa pectus is rigeat necesse est, quem ista hujus monstri horrore non complent; quiq̃ue non ultro fatetur, magnum id malum esse ob tam noxios, quos gignit, effectus.

Heu! maculæ, sordes, pustulæ, scabies hæc piacula sunt, animam tetrum

C 3

in

(t) In cap. 4. Isa. (u) Hom. 8. (x) Sermon. de triplici custodia. (y) In cap. 5. cant. (z) Sermon. 4. quadrag.

in modum deturpantia ; & tamen iis mentem pro re nauci omni ex parte commaculamus ! O mortales ! tam enorme etiam unicum est tale delictum , ut maluerit Catharina Genuensis , se vivam in succensam fornacem conjicere : (aa) Anselmus se in orcum demergere , (bb) Chrysostomus â Cacadamone possideri , (cc) quàm vel unico ex illis minoribus erratis se contaminare , quæ nos in cordis penetralia , patienti porta , turmatim tam faciles admittimus.

O cœli ! ex sententia Patrum minus damnum est â damone nos insideri ,
côr-

(aa) Vitæ cap. 12. ubi sic loquitur : *certum habere , quod si quis cernebat , quàm enorme unum tantum peccatum sit , potius eligeret , anima , & corpore in succensa fornace vivus consistere , quàm in se peccatum tolerare . Et si universum mare ignis esset , ad effugiendum peccatum se in medium ejus usque ad fundum demergeret , neque inde unquam prodiret , si sciret , quod prodians , peccatum esset in se conspecturus .* (bb) V. de simil. n. 190. ubi ait : *Si hinc peccati pudorem , & illinc cernebam inferni horrorem , & necessariò uni illorum haberem immergi , prius me in infernum immergerem , quàm peccatum in me committerem .* (cc) Hom. 28. in Ep. ad Rom. & Hom. 29, ad pop.

corpus dirissimè cruciari, animam tartarorum incendiis torqueri, quàm eam veniali labe fædari. Et nos tamen has offensiones arenæ instar in acervos accumulamus; nihil solliciti, ne tandem earum mole etiam miseri opprimamur; licèt hic consuetus sit, isque terribilissimus, quem hæc pestis procreat, effectus. Cùm ex mente Theologorum (dd) variis modis deducat ad lethalem noxam, adeoque ad inferos.

IV. O effectum terribilem ! Audi ^{IV.}
 ô peccator ! quisquis hæc piacula su- ^{Ad letba-}
 perbo risu explodis ; audi, inquam, ^{lem nox-}
 effatum S. Thomæ Aquinatis, & con- ^{am dispo-}
 tremisce: homo, ait, *multoties peccan-*
do venialiter disponetur ad peccatum mor-
tale,

C 4

(dd) Nempe 1. minuendo timorem DEI. 2. inducendo rerum Religiosarum neglectum. 3. impediendo peculiaria quædam gratiæ cœlestis auxilia, quibus alioquin homo efficaciter à labe mortifera servatus fuisset. 4. Generando habitum, quo animus per iteratos in eadem materia minutos lapsus sensim inclinatur ad patranda etiam majora ejusdem speciei delicta. Vide Tannerum 1. 2. Disp. 4. q. 5. dub. 3. n. 55. & 56. Lessium L. 13. de perfectione, divin. c. 15. n. 23.

tale, (ee) quod ipsum S. Doctor eodem articulo quinquies repetit, & de-
nuo alibi (ff) clarissimis inculcat ver-
bis, duces secutus illustra orbis sidera
Augustinum, (gg) Chrysostomum,
(hh) Isidorum, (ii) Damascenum,
(ll) & Gregorium magnum, (mm)
concordi oratione idem asseverantes.

Itaque (heu! trepidate piæ mentes!)
itaque ex mente sanctorum Ecclesiæ
Doctorum, quin imò ipso etiam illo
Divi-

(ee) 1. 2. q. 88. a. 3. C. (ff) 2. 2. q. 43.
a. 7. ad 5. ubi ait: *Quamvis per peccatum veniale
gratia non tollatur, per quam est hominis salus, di-
sponit tamen ad mortale; & sic vergit in detrimen-
tum salutis.* (gg) Serm. 88. de tempore. ubi:
*dum homines negligenter despiciunt peccata sua, quæ
parva sunt, crescentibus minutis peccatis, addun-
tur etiam crimina, quæ cumulum faciunt, & de-
mergunt.* (hh) In cap. 1. Galat. ubi: *Quemad-
modum in corporibus vulnera quæ homines neglexe-
runt, febres gignunt, & putrefactiones, ac mor-
tem denique; itidem in animis, qui pusilla dissimu-
lant, majora invitant.* (ii) Isidor. Hispalensis
L. 2. sent. c. 19. *Contemptu minorum peccatorum
majora committantur.* (ll) C. 19. in vita Barla-
am, & Iosaphat, ubi: *Qui minima vitia, & pec-
cata nibili pendunt, graviora sibi invehunt.* (mm)
L. 31. mor. c. 9. al. 12. *In unoquoque lapsu à mi-
nimis semper incipitur, & succrescentibus defectibus
ad graviora devenitur.*

Divini Spiritûs oraculo : *qui spernit modica , paulatim decidet*, veniale disponit ad lethale. (nn) Enimvero cui hoc fulmen hujus mali horrorem non incutit , is ruinæ proximus est. Nemo repente fit pessimus ; quisquis damnatus est , is primò per leviora tanquam per gradus ad graviora , & inde ad tartara descendit. Verbô : damnatio æterna sæpe ex unico minori nævo tristi serie dependet. Non quasi ipse stygis incendia mereretur ; sed quia deducit ad mortifera æternis ignibus digna.

Exemplo sit S. Theresia , quæ perpetuis cruciatibus addicta fuisset , nisi tenuem defectum vitâset. Licet enim illa (uti ipsa de se scribit) *nullum unquam affectum habuerit ad ullum grave peccatum , & ab inhonestis naturaliter abhorruerit ; & licet nunquam à DEO fuerit separata per culpam mortalem ;* nihilominus ob otiosas & latas conversationes cum aliis immaturæ ætatis & virtutis hominibus institutas , *orans invenit*

C 5

se

(nn) Eccl. 19. v. 1.

se positam in inferno, ibique vidit locum, quem ei daemones preparaverant, (oo) & quò pervenisset, nisi hunc errorem correxisset.

O Coelites! tantilla labecula tam sanctam Virginem paulatim præcipitâsset in orcum! quid ergo agent tot alii nostri longè magis periculosi defectus? Quis ergo sibi ab ejusmodi maculis non timeat? O Religiose! fortè ex illa tua socordia in surgendo, ex illo tepore in orando, ex illa liberiori curiositate, aut lubrica familiaritate, ex illo respectu humano dependet tua perditio. Certè non minora hæc sunt ac illæ otiosæ colloctiones Divæ Theresiæ.

Nec dicas: fortassis non dependet beatitas mea ab exilibus ejusmodi rebus; nam fortassis dependet. Ergóne incerto eventui æternitatem, animam, cœlum expones? Profectò si S. Theresia sic argutata fuisset, miserè decepta æternùm periisset. Quod ergo S.
There-

(oo) In ejus vita ab ipsamet conscripta c. 2. & 32. Item Lancicius opusc. 16. c. 4. n. 58. & seq.

Theresiæ accidisset, cur nobis evenire non possit? Væ ergo nobis! si pusillas labes contemnere pergamus. Nam fortè ex illo ipso delicto, quod modò ut leviusculum spernimus, nostra pariter beatitudo dependet.

Vah! improvidam levitatem nostram! ut mortem caveamus, etiam ab iis abstinemus, quæ morbos creare solent. Et interim exigua piacula pleno haustu abligurimus; licèt per ea plano pede deducamur ad mortifera. Pudeat nos tandem aliquando, majorem gerere corporis, quàm animæ curam; ne admissum errorem etiam nos olim apud inferos deplorare cogamur. Proin timeamus, ac etiam venialia sollicitudine summa fugiamus. Viperarum enim genimina sunt, quæ si crescere sinantur, animæ lethales ictus certò infligent.

Heu! *vita mea inferno appropinquavit; & nescivi!* (pp) Ad orci marginem per hæc minuta deductum jam
jam

(pp) Ps. 87. v. 4. Item Ps. 72. v. 22.

jam afflaverat inde *ascendens fumus tormentorum*; (qq) & neglexi! Ah! nisi tu Domine! adjuvisses me, per illa leviora in gravia fors pridem lapsus, jam *habitarem cum igne devorante*: cum *ardoribus sempiternis*. (rr) Verum ô *custos hominum*! (ss) qui *odisti iniquitatem* etiam tenuem, (tt) *operi manuum tuarum porrige dexteram*, (uu) & de *portis mortis* (xx) *abstractum*, *deduc me super semitas justitiæ*, (yy) ut ambulem in eis, declinando â malo etiam parvo. Ante januam cordis mei *colloca Cherubim*, habentem *flammeum gladium*, atque *versatilem*, *ad custodiendam viam*; (zz) ne ad illud his *vulpibus parvulis*, *quæ demoliuntur mentium vineas*, (vv) ullus posthac accessus pateat.



§. III.

(qq) Apoc. 14. v. 12.	(rr) Isa. 33. v. 14.
(ss) Job. 7. v. 20.	(tt) Ps. 44. v. 8.
(uu) Job. 14. v. 15.	(xx) Ps. 9. v. 15.
(yy) Ps. 22. v. 3.	(zz) Gen. 3. v. 24. (vv)
Cant 2. v. 15.	

§. III.

*Malitia peccati venialis considerata
in suis suppliciis.*

I. **D**Enique peccatum veniale est malum magnum in suis, ^{I. Quis tum in hoc orbe,} quibus tum in hoc orbe, tum in altero multatur poenis. Quàm severa castigatione vindex Numen hoc culpæ genus in hoc adhuc mundo punire consueverit, documento nobis est *dilectus DEO, & hominibus Moyses*; (a) ille, inquam, Moyses, *quocum loquebatur Dominus facie ad faciem, sicut loqui solet homo ad amicum suum*: (b) quem *similem fecit in gloria Sanctorum, glorificavit in conspectu Regum*, (c) *constituitque DEUM Pharaonis*, (d) & cui *similis propheta non surrexit ultra in Israël*. (e)

Hic, inquam, *Principum Princeps & Sacerdotum Sacerdos Moyses*, (f) qui, ut ait Ambrosius, *viCTOR passionum omnium,*
nec

(a) Eccl. 45. v. 1. (b) Exod. 33. v. 11.
(c) Ecclesi. 45. v. 1. & seq. (d) Exod. 7. v. 1.
(e) Deut. 10, v. 10. (f) Gregor. Nazianz. orat. 22.

*nec ullis sæculi captus illecebris, cælestis puritate conversationis ad DEI similitudinem se perfectæ virtutis ubertate formaverat ; (g) Hic (obstupeſcite ô cæli!) ob levem diffidentiam, quam tamen non niſi venialem noxam fuiſſe Auſtorum (h) plurimi graviffimiſque reſtantur) ob levem, inquam, dubitationem & diffidentiam, qua percutiens bis virga ſilicem (i) teſte Auguſtino (l) timidus hæſitabat, an non forſitan ob ſcelera populi, promiſſa divinitus, aqua foret neganda ? hic propterea . . . ah ſtupet lingua ! ab irata Divinitatis Majeſtate audire debuit tremendum illud feralis ſententiæ fulmen: *Aſcende in montem Nebo, & morere in monte.* (m) *Non introduces hos populos in terram, quam dabo eis.* (n) *Videbis quidem terram; at non ingredieris in eam;* (o) ſed
*junge-**

-
- (g) Ambros. lib. 1. de Cain & Abel c. 22.
 (h) Aug. Tom. 4. q. 53. in lib. Num. Abulensis q. 5. & 14. in c. 20. Num. Bellarm. Serm. 5. de Juſt. Dei. Lorinus, Cornelius, Bonfrerius, Tyrinus in c. 20. Num. & plures alii citati à Lancicio opusc. 16. c. 7. n. 121. (i) Num. 20. v. 11.
 (l) Q 19. in Num. (m) Deut. 32. v. 49.
 (n) Num. 20. v. 10. (o) Deut. 32. v. 52.

jungeris populis tuis. (p) *Ascenditque Moyses, & mortuus est ibi.* (q) Adeò nullam tonantis jussà ferebant moram.

O fatum triste! hìc jam *ulula abies, quia cecidit cedrus.* (r) Et quidem cecidit ipsa Numinis excisa manu, in confiniis promissæ regionis, oculis jamjam usurpans, totoque mentis affectu amplexans terram, ah terram! *lacte & melle manantem:* (s) terram tot votis optatam, tot annis quæsitam, tot laboribus ac ærumnis inventam; idque ob unicum, heu! unicum tamque exile piaculum. Et cecidit. (quod stupendum!) inter plurima, quæ supplicium hoc aggravabant, rerum adjuncta.

Nam, ne Moyfes iram Nemesis suis precibus mitigaret, DEUS, ne roga-
ret, vetuit, dicens ei: *nequaquam ultra loquaris de hac re ad me:* (t) ne ille spe veniæ dolorem solaretur, immu-
rabile

(p) Deut. 32. v. 50. (q) Deut. 34. v. 1.
& 5. (r) Zach. 11. v. 2. (s) Deut. 6. v. 3.
(t) Deut. 3. v. 26.

tabile Numen latam mortis sententiam jurejurando firmavit: *juravit, ut non transirem Jordanem; (u)* utque vulnus exulceraretur, etiam æmulus nominabatur, qui ejus loco terram *Israëli* sorte divisurus esset: *non tu ingredieris illuc, sed Josue, & quidem Josue Minister tuus, ipse intrabit pro te. (x)* denique ad augendam multæ acerbilitatem, cacumen Phasga ascendere, & oculos ad Occidentem, & ad Aquilonem, Austrumque & Orientem circumferre *(y)* jubetur cum dicto: *hac est terra, pro qua juravi Abraham, Isaac & Jacob: vidisti eam oculis tuis, & non transibis ad illam. (z)* O graves profectò, quæ hoc funus circumstant, animi plagæ! ô verba acerbo sensu plenissima! *vidisti, & non transibis: non tu, sed Josue Minister tuus ipse intrabit pro te.*

Ah! *ne, quæso, indigneris Domine, si loquar ad te, cum sim pulvis & cinis. (aa)* En! servus hic tuus, quem ob
tenuem

(u) Deut. 4. v. 21. (x) Deut. 1. v. 37. & 38.
(y) Deut. 3. v. 27. (z) Deut. 34. v. 52.
(aa) Gen. 18. v. 27. & 30.

tenuem adeò culpam tanta affligis poena, est ille Moyſes, qui negavit ſe eſſe filium Pharaonis, magis eligens affligi cum populo DEI, quàm temporalis peccati habere jucunditatem: (bb) qui arripieus vitulum aureum combuſſit, & contrivit uſque ad pulverem: (cc) de cujus ſpiritu tulifti, ut ſeptuaginta Rectoribus communicares. (dd) Eſt ille Moyſes, qui erat vir mitiſſimus ſuper omnes homines, qui morabantur in terra, (ee) quadraginta annorum ſpatio tres milliones hominum, & quidem duræ cervicis hominum, inſigni patientia ſuſtinens: qui calumniis laceſſitus, opprobriis irritatus, lapidibus appetitus, tamen læſam dignitatem non ſolùm non vindicavit, ſed inſuper pro rebellibus eo ardore interceſſit, ut exclamârit: aut dimitte eis hanc noxam, aut dele me de libro, quem ſcripſiſti. (ff) Eſt denique ille Moyſes, quem ipſe tu ſervum tuum in omni domo tua fideliffimum vocâſti, (gg)

Pars I.

D

&

(bb) Hebr. 11. v. 24. (cc) Exod. 32. v. 20. (dd) Gregor. M. 2. part. Paſtoral. c. 5. Item Num. 11. v. 17. (ee) Num. 12. v. 3. (ff) Exod. 32. v. 32. (gg) Num. 12. v. 7.

& hic, ô *DEus clemens* ! (hh) hic talis, tantusque Propheta â Te, . . . cujus misericordiæ non est numerus, & bonitatis infinitus est thesaurus, ob unicam hanc offensiunculam nullam veniæ gratiam, imò nec castigationis prolationem mereatur? soline ergo illi non parcas, qui toties â te, ut aliis parceres, impetravit? memento, quæso, memento Domine mansuetudinis tuæ!

At frustra sum: *juravit Dominus, & facti non pœnitebit eum.* (ii) Fixum est; his insuper habitis, moriendum Moyfi, viro tot miraculis claro, tot meritis illustri, tot virtutibus prædito; moriendumque ob modicum adeò nævum; & quidem in monte Nebo; unde tristis, qui dolorem exasperaret, prospectus in subjectam promissionis terram patebat. Ut nempe posteri ex supplicii magnitudine venialis offensæ gravitatem metirentur.

Heu!

(hh) Jon. 4. v. 3. (ii) Ps. 109. v. 4.

Heu ! miseros nos ! *si hæc in viridi ligno, in arido quid fiet ?* (11) Si hæc Moyfi, & quidem ob unicum, eumque tam parvum errorem, quid nobis eveniet ? nobis ? . . . qui tot, tamque maligna indies accumulamus delicta ? O *Superi !* (exclamat Sanctus Basilius) *cum videam Moysen summum illum veri DEI cultorem veniam deprecari, nec tamen consequi ; cum videam huic post tot, tamque egregia facta nullam veniam dari, planè perspicio, illam severitatem Cæli, quam describit Apostolus in sua ad Romanos epistola, dicens : time : si enim Dominus naturalibus ramis non pepercit ; time, ne fortè nec tibi parcat.* (mm) idque eò amplius time, cum ultori DEO frequens sit, in hoc mundi theatro ejusmodi tragædias orbi spectandas dare,

Fugacem solummodo mentis obtutum in obvias Syriæ plagas defige, & multiplex mortis scena mox lumina feriet. Hic enim videbis septuaginta duo millia virorum peste consumpto-

D 2

rum ;

(11) Luc. 23. v. 31. (mm) Orat. 3. de peccato.

rum ; (nn) ibi quinquaginta millia Bethsamitarum. repentina nece punitorum ; (oo) illic *omnes thesauros domûs DEI, & domûs regia, omnem Jerusalem, & omnes fortes exercitûs, ipsum Regem cum matre, uxoribus & liberis in captivitatem de Jerusalem in Babylonem* (pp) abduci cernes, abstrahique.

Jam verò in hos cadaverum cumulos , in illas Solymæ ruinas , in hæc captivorum agmina si oculi intendantur ; si tot viduarum , ac pupillorum lacrymæ , & lamenta attendantur ; an non jure suspicari quis posset, Hebræos denuo vel vitulos adorâsse ? vel rebelles contra Dominum murmurâsse ? aut iterata remeritate gravissimas leges conculcâsse ? vel certè alia quæpiam gravioris notæ facinora perpetrâsse, quæis cœlestes iras adeò exasperârint ?

Et en ! non nisi levis superbia Davidis, vana ostentatio Ezechiaë, præceps irreve-

(nn) 2. Reg. 24. v. 15. (oo) 1. Reg. 6. v. 19.
(pp) 4. Reg. 24. v. 13, & 15.

irreverentia Bethsamitarum tot calamitatum, tantæque stragis unicus fons & origo fuit. Quæ tamen piacula solum venialia fuisse Auctores communiùs antumant; (qq) *misit enim Dominus pestilentiam in Ifraël*; (rr) quia David iusserat Joabum *numerare populum, ut sciret numerum ejus*. (ss) *Bethsamitas percussit, eo quòd vidissent arcam Domini*, (tt) eamque curiosiùs inspexissent. *Ablata denique sunt omnia, quæ erant in domo Regis, & non remansit quidquam*; (uu) *eo quòd non nihil exaltatum fuisset cor Ezechia*. (xx) Hisque poenis teste sacro Codice gemini hi Reges, eorumque subditi fuerunt castigati, non obstante, quòd David aliàs fuerit *vir secundum cor DEI*: (yy) *quòd non fuerit similis Ezechia de cunctis regibus Juda*: (zz) *quòd Bethsamitæ obtulerint*

D 3

hola-

(qq) Ita Ambrosius lib. de poenit. c. 9. Gregor. M. in 1. Reg. c. 4. sub finem. Theodoretus q. 14. Salianus A. M. 3324. Num. 32. & 33. Serarius in 4. Reg. & 2. Paral. Lancicius Opusc. 16. c. 8. n. 133. & c. 12. n. 210. (rr) 1. Paral. 21. v. 14. (ss) 2. Reg. 24. v. 2. (tt) 1. Reg. 6. v. 15. (uu) 4. Reg. 20. v. 17. (xx) 2. Paral. 32. v. 26. (yy) 1. Reg. 13. v. 14. & Act. 13. v. 22. (zz) 4. Reg. 18. v. 3. & seq.

holocausta, & immolaverint victimas illa ipsa die Domino. (w) Quis hîc, ô DEUM immortalem! quis justitiæ Divinæ rigorem non admiretur, & pertimescat? quis parvæ etiam noxæ malignitatem inde non colligat, & excretur?

At dices: tantúmne ergo criminis sit, infirmum hominem lubrico pede in levem quandoque nævum incurrere, ut propterea mox cœlum in iras, aër in fulgura, nubes in tonitrua erumpere debeant? Apage tot fulmina! leniora Creator fovet sensa; *ipse enim cognoscit figmentum nostrum.* (aaa) Nec habemus Pontificem, teste Apostolo, qui non possit compati infirmitatibus nostris. (bbb) Magna supplicia magna supponunt crimina; minora ejusmodi non merentur.

Enimvero ita si est, ergo Divinus Judex gravis injustitiæ se reum fecit, Moysen, Ezechiam, Davidem, Bethsamas, & Ozam ob tenuem culpam tam severè puniendo. Ergo iniquus
morum

(w) 1. Reg. 6. v. 19. (aaa) Psal. 102. v. 14.
(bbb) Hebr. 4. v. 15.

morum is censor fuit, uxorem Loth ob famineam curiositatem, duos & quadraginta parvulos ob puerilem petulantiam, re omnium terribilium terribilissima nempe subita morte afficiendo; dum illa *versa est in statuam salis*, quia respexit post se; (ccc) hos verò, egressi duo ursi de saltu laceraverunt; (ddd) quia Elisæo illuserunt. Ergo in nova etiam lege rigidè nimis, injustèque orbis Moderator egit, dum Abbatem Moysen, quem Cassianus *singularem, & incomparabilem virum* appellat, ob prolatum in quadam disputatione contra Abbatem Macarium paulò durius verbulum, tam diro confestim tradidit dæmoni possidendum, ut humanas egestiones orì suo, ab eo impulsus, ingereret; (eee) licèt hic linguæ lapsus leve piaculum non excesserit? tam blasphema pectore sensa quis foveat?

Absit, ait Hussæus Vates, *absit ab Omnipotente iniquitas*. (fff) *Verè enim*

D 4

non

(ccc) Gen. 19. v. 26. (ddd) 4. Reg. 2. v. 24.
 (eee) Cassianus collat. 7. c. 27. (fff) Job. 34.
 v. 10.

non condemnat frustra. (ggg) Potius venialis delicti immanem malitiam ex vindictæ hujus rigore metiri discamus, indeque arguamus, magnum omnino, & execrandum esse malum oportere etiam exile peccatum; cum id *miseri- cors ille & clemens, patiens & multa mi- serationis DEUS* (hhh) in hoc adhuc mundo tam horrendum plectat, casti- gétque.

II.
Tum in
altera
plectitur.

II. Quod ipsum magis elucet ex pœ- nis, altero in orbe propterea infligi solitis; utpote quæ numero plurimæ, acerbitate maximæ, diuturnitate lon- gissimæ sunt. Nam cruciamenta pia- cularis carceris sunt innumera, & atro- cissima; quia plura & fæviora omni- bus tormentis Martyrum, omnibus suppliciis latronum, omnibus morbo- rum cruciatibus simul & collectim sumptis. Non mea hæc, sed Sancto- rum Augustini, (iii) Anselmi, (lll) & Venerabilis Bedæ sententia est, di- centis: *purgatoriæ correctio gravior est, quam*

(ggg) Job. 34. v. 11. & 12. (hhh) Exod. 34. v. 6. (iii) In Psal. 37, (lll) In 1. Cor. 3.

quàm quidquid unquam passi sunt latrones, vel sancti Martyres, vel quidquid homo gravius potest excogitare. (mmm)
 Cui altipulatur S. Julianus Archiepiscopus Toletanus, ita loquens: *gravior est ignis purgatorii, quàm quidquid homo potest pati in hac vita. (nnn)*

O voces terrore plenas! heu! ex mente Patrum ille ignis gravior est, quàm *quidquid unquam passi sunt latrones à iudicibus, Martyres à Tyrannis, ægrotantes à morbis. Quin imò gravior est, quàm quidquid homo potest pati in hac vita. Et proh! quantum non potest pati homo, vitalem respirans auram? Quis nostrum in digitos mitteret omnia afflictionum & miserationum genera, quibus mortales in hac lacrymarum valle obrui possunt, ac torqueri? solum intremus insanabilium nosocomia, visitemus Venetos carceres, intueamur Anglorum equuleos, ô quàm multiplices & horrendi cruciatus humana hic corpora affligunt!*

D 5

Enu-

(mmm) Tom. 5. l. 3. exposit. in Lucam.
 (nnn) L. 2. prognost, c. 19.

Enumerat Gallenus plura millia disparium inter se dolorum, à quibus unicum caput vexari valeat. His si addantur illi, quibus reliquum corpus, præsertim secretiores ac intimæ hominis partes cruciari possunt, quantus afflictationum exercitus conflabitur? Et tamen (ut asserunt gemina Ecclesiæ lumina Sancti Cæsarius, & Thomas) non æquabunt vel minimam illius ergastuli poenam. *Ille ignis purgatorii* (ait Arelatensis) *durior erit, quàm quod potest pœnarum in hoc sæculo aut videri, aut cogitari, aut sentiri.* (ooo) Aquinas verò affirmat, *pœnam minimam purgatorii excedere maximam hujus vitæ.* (ppp)

Mentis, quæso, hinc vires collige, quisquis hæc legis ac verborum sensa attentius perpende. O Superi! ergone possibile sit, ut *minima ibi pœna excedat præsentis vitæ maximam? ut ille ignis durior sit, quàm quidquid pœnarum in hoc sæculo excogitari potest?* Et tamen ita est. Omnes excogitandi cruciatus
in

(ooo) Hom. 8. ad populum. (ppp) In 4.
d. 21. q. 1. 2. 1. q. 3.

in ejusmodi animam velut ad centrum confluent, eamque torquebunt sine levamine, continenter sine ulla intermissione. Id est, purgans anima eo doloris genere pro ratione culparum cruciabitur, qui æquabit omnes illos, queis ferendis tum corpus mortale in suis sensibus & organis: tum anima in suis facultatibus capax est; iisque cruciabitur diuturna plurium annorum intercapedine. Ad ista edicite! cui, quæso, præ horrore non rigeant artus? At pergamus.

Et hæc numero plurima, acerbitate maxima, duiturnitate longissima lustrici illius rogi supplicia infliguntur ob veniales culpas . . . heu! ob veniales culpas! . . . ob mendaciolum, levem iracundiam, modicam distractionem, verbum otiosum, ob perditæ temporis momenta. Ah! ob illas ipsas veniales culpas, quarum nos innumeras de die perulanter admittimus, per jocum effutimus, cum halitu proflamus.

Et

Et infliguntur (contremisce ô peccator!) mentibus polo destinatis, spon-
 sis Christi, filiis & hæredibus cœli; &
 quidem infliguntur à DEO justissimo,
 qui peccatum ultra meritum punire
 non potest; quique animas illas te-
 nerrimo, & infinito amore prosequi-
 tur; idque (quod horrendum) conti-
 nuato per plures annos supplicio. O
 Cœlites ! his tam infandis doloribus
 ob unicum non rarò & levem nævum
 animæ electæ summæque dilectæ à mi-
 tissimo Numine torquentur non una
 vel altera horula, sed continuato per
 plures annos cruciatu. Agite ! ex his
 quid jam concludimus?

Ergo (sequelæ vis perpendatur) er-
 go vel DEUS injustissimus & crudelissi-
 mus est tyrannus (quod blasphemum
 foret vel suspicari) vel parva etiam no-
 xa prorsus tremendum, & execrandum
 est malum. Ita est ô Religiose ! ô Sa-
 cerdos ! aut DEUS crudelissimus est ty-
 rannus, aut illa tua vana gloria, men-
 tis evagatio, impatientia prorsus tre-
 mendum & execrandum est malum.

O Supe-

O Superi! hæc credimus, hæc etiam alios docemus; & tamen peccamus. Scimus vel unicam tenuem offensam mereri lustrales flammæ; & tamen peccamus. Non auderemus vel leviter delinquere, si certò sciremus, nos post unum vel alterum tale erratum vivos in foro comburendos esse. Ah! credimus nos ob illas ipsas, quas committimus leviores maculas in illis ignibus arfuros, & tamen eas tam audacter augemus, & *iniquitatem velut aquam bibimus*. (qqq) Quæ hæc infania? Ah! tandem meliora sapiamus, & his veritatibus convicti, magnum semper horrorem ac implacabile odium omnis piaculi etiam exigui animo foveamus.

O DEUS! ego pugillus cineris te Dominum dominantium post collatas mihi tot gratias offendi, & quidem toties . . . idque per risum . . . pro re tantilla . . . ex mera petulantia; ubi nulla penitus boni spes, aut mali metus impellebat. Ah! nec pro obtinendo

(qqq) Job. 15. v. 16.

nendo totius mundi imperio, nec pro
evitando etiam gravi morbo aut ipsa
morte, decuisset Te Summum Bonum
vel levissimè offendere; hæc scivi, &
tamen innumera per diem à mane ad
vesperam usque continua serie venia-
lia accumulavi; idque jocando. O Cœ-
li! jocando DEUM . . . Ah! DEUM
meum ac Patrem optimum . . . ob
vile commodum, ob inanem gloriam,
animi exhilarandi causa offendi. Ad
confinia lethalis noxæ, & orci margi-
nem per leviuscula deductus, salutis
prodigus etiam risi, & debitas iis in lu-
strico carcere pœnas nihili feci. O cæ-
citatem sanguineis lacrymis dignam!

Sed pœnitet. . . . doleo . . . dete-
stor omne etiam minimum peccatum.
Insculpta cordi adamantino stilo aurea
illa adhæreat tessera, nulla unquam
oblivione delenda; *malo mori, quàm
fadari etiam levi labe.* Illumina Do-
mine, ah! *illumina tenebras meas,* (rrr)
ut clariùs indies agnoscam venialis cul-
pæ gravitatem! *spiritum rectum innova*
in

(rrr) Psal. 17. v. 29.

in visceribus meis, (sss) ut ingenti horrore fugiam, & averfer, quidquid etiam leviter Divinæ tuæ displicet Majestati.

§. IV.

*De practico peccati venialis odio,
ejusque sedulo vitandi studio.*

Cùm fructus ex hætenus dictis colligendus, non consistat in sterili solum cognitione enormis malitiæ venialis noxæ, sed potius 1. in practico ejus odio, 2. illiusque serio cavendi studio, præsentî paragrapho utrumque animis altiùs inferere conabor; & quidem variante stilo, more investigationis rem tractabo, ut sacræ collectioni triduò vacaturis, pro examine statûs servire queat. Id quod plerumque etiam deinceps in quovis ultimo cujusvis capituli paragrapho observabitur.

I. Itaque salutis studiose Lector, postquam levioris etiam piaculi malignitatem in se ipsa considerâsti, eamque adhuc magis ex funestis ejus sequelis,

I.
De practico
ejus odio.

(sss) Psal. 50. v. 12.

quelis, horrendisque suppliciis exhorrescere didicisti; examina modò, quàm firmus igitur menti dominetur *horror* offensæ venialis saltem deliberatæ, & pleno cum assensu admissæ?

Perpende, an seriò credas, *ab uno minori delicto majus malum advenire, quàm à toto simul tartaro?* (a) & longè meliùs esse, corpus ac omnia corporea pervire simul, quàm ladi animam in re etiam minima? (b) adeoque multò intolerabiliorem esse DEI offensam quamlibet exiguißimam ipso *Luciferi inferno?* (c) Perpende, inquam, an hæc, & qua fide credas? num certa, & constanti? an verò dubia solùm, aut debili?

Insuper inquire, num tanto & pari mœrore affligaris, si fors labi te in ejusmodi piaculum contingat, quo, & quanto conficitur bonus alioquin ac teneræ mentis Christianus, qui casu fortuito in crimen mortiferum prolabitur? An cum S. Anselmo malis te

in

(a) S. Theresia in vita à se scripta c. 25.
 (b) S. Dorotheus Serm. 20. (c) B. Catharin, Genu, cap. 27.

in orcum demergere, quàm talem culpam committere; ac potius purum, & innocentem gehennam intrare; quàm peccatū hujus sordis pollutum cælorum regna tenere? (d)

Percontare ex temetipso: quid si levi mendacio lethalem morbum, gravem infamiam, ferale supplicium à me amoliri; aut honorificum quoddam munus, vel centum aureos acquirere, aut erumpens subitò propriæ domûs incendium extinguere possem, an non mentirer? si aut leviter peccandum, aut re valde amata carendum foret, quid agerem? Ad hunc lapidem lydium illud, quo ejusmodi naves averfari, odium periclitare; & cum Eleazaro fortiter decerne, *præmitti te malle in infernum*, (e) quàm levi etiam noxa fœdari. Secus *manum Omnipotentis nec vivus, nec defunctus effugies*. (f) Nam *peccata etiam parva impunita esse non possunt*. (g)

Pars I.

E

Pro-

(d) Lib. 1. cur DEus homo c. 21. (e) 2.
 Machab. 6. v. 23. (f) Ibid. v. 26. (g) S.
 Prosper in sent. S. Aug.

Proin cura, ut semper animo altè immissus insideat horror omnis peccati venialis saltem deliberati, præcipuè illius, 1. in quod frequentius labe- ris; nam crebriùs nos infestans mor- bus primam Medici exposcit manum. 2. Quod aliorum defectuum fons est & origo; succisa enim radice, sua sponte arescent stolones rami. 3. Quod ad lethalia proximius deducit; qui enim præcipitium seriò timet, etiam fœnitam, quæ eò ducit, horret. *Non citò ad majora progreditur*, ait Hierony- mus, *qui parva formidat*. (h) Cura ergo *levia, quoad levia sunt, ne graviora fiant*; (Sancti Dorothei monitio est) *facile enim ab his parvis ad magna com- mittenda delabimur*. (i) Nam (ut ob- servat S. Gregorius Papa) *in unoquoque lapsu à minimis semper incipitur, & suc- crescentibus defectibus, tandem ad mortifera devenitur*. (l)

II.
De sedulo
ejus vi-
tandi stu-
dio.

II. Verùm non sufficit ingens hu-
jus monstri concepisse odium, nisi
huic

(h) Epist. 14. ad Paulinum. (i) Serm. 5.
(l) L. 31. Moral. c. 9. al. 12.

huic solers pariter, in eo vitando, societur studium; quod quatuor capita complectitur, nempe firmum propositum, assiduam vigilantiam, promptam repugnantiam, & charitati junctum orationis fervorem. Cùm verò *propositum* cavendi futura, nequeat esse *firmum*, nisi ardens de admissis præcesserit dolor,

1. Examina, quàm incensus is esse soleat? Nam teste V. F. Alphonso Rodriguez *etiam unicum tale delictum meretur, ut tota vita defleatur.* (m) Proinde, an & quàm fervens sit illa detestatio, quam de commissis levioribus erratis examini nocturno subjungere, & sacræ exomologesi præmittere assuevisti? Si quæ interdum leviter te labi contingat, num mox doleas, vel dicendo cum Regio Psalte: *peccavi*; (n) vel exclamando cum illo cæco: *Jesu Fili David! miserere mei*; (o) vel ingemiscendo cum illo publicano: *DEus propitius esto mihi peccatori.* (p)

E 2

Præter-

(m) In Ejus vita l. 1. c. 3. (n) 2. Reg. 12. v. 13. (o) Marc. 10. v. 47. (p) Luc. 18. v. 13.

Præterea inquire, quàm firmum tunc & efficax sit, illa deinceps cavendi decretum? an semper unum aliquod singillatim designes, in posterum usque ad proximam tui in sacro tribunali accusationem peculiari cura corrigendum? Numque hoc confessionis propositum renoves horis succisivis, quibus aliàs latens triticea sub nube DEus adorari à te consuevit? quot jam hujus generis noxias per toties repetitas conscientiae expiationes emendaris? vae illi, cujus vitio coeleste hoc pharmacum vertitur in toxicum.

Ut autem memoratus dolor debito cum fervore deinceps eliciatur, dictumque propositum optata efficacitate non careat, ea, quæ de levis piaculi malitia hucusque prioribus §§is fuerunt inculcata, vivaci memoria erunt retinenda, & vel sub meditatione, vel aliàs sæpius recolenda. Sicut enim (ut docet S. Thomas) *omne peccatum contingit ex defectu cognitionis*, (q) qua ejus turpitudine, gravitasque rite
cogno-

(q) 1. 2. Q. 77. 2. 2.

cognoscitur; sic é contrario ejus perspicua notio potens, & efficax est, quo à peccando retrahimur, frænum. Et sicut cognitio veneni, quo turgēt serpens, efficit, ut eo vel longiùs viso, statim quis pedem referat, declinetque; ita vicissim *tanquam à facie colubri fugiet peccatum* (r) etiam pusillum, quicumque ejus foeditatis perspicaci jugique notitia prædictus fuerit. Et hinc S. Edmundus Archiepiscopus Cantuariensis, hac quia claruit, *in rogam ardentem insilire maluit, quàm delictum ullum sciens admittere.* (s) Contrà verò nos (Chrysostomi verba sunt) *quia non celeriter animæ lucernam accendimus, qua illustrati hujus vitii malignitatem inspiciamus, singulis diebus offendimus.* (t)

2. Nihilominus nec ista quidquam proficient, nisi accesserit *perpetua* quædam *vigilantia* & sollicitudo assidua, ne à nobis ullo pacto offendatur DEUS. Hoc remedio S. Patriarcham Ignatium suo singulari emolumento usum fuisse,

E 3

testa-

(r) Ecclesi. 31. v. 2. (s) In Ejus vita.
(t) Hom. de S. S. Martyribus.

testatur Maffejus , sic de eo scribens :
*erat in perpetua quadam vigilia contra
 omnes rerum mortalium illecebras & otio-
 sam mentis evagationem ; nec minùs ac-
 curatè animum ab omni labe tuebatur ,
 quàm qui pretiosis ornati vestibus via lu-
 tulenta coguntur incedere. (u) Aurea*
*certè, & peraccomoda hæc à vesti-
 mentis petita similitudo est ; sicut enim*
(ait Macarius senior) si socors aliquis &
ignavus per loca spinis & luto plena noctu
*gradiatur , vestisque ejus hinc inde ne-
 glectim defluat , ea vel spinis lacerabitur ,*
vel luto polluetur ; ad eundem ferè modum
anima nostra cum corpore suo transiens per
spinas , & lutum hujus vitæ , nisi ex omni
parte cum studio & diligentia coërceat se
ipsam , mox spinis & luto variorum defe-
ctuum fœdabitur , & ledetur. (x) Præ-
terea cùm (ut enunciat Chrysostomus)
hostem habeamus perpetuum , ac fœderis
nescium ; manifestum est , magna nobis
vigilantia opus esse , ut ejus fraudes vin-
cere possimus. (y)

Itaque

(u) L. 3. c. 1. (x) Rosveid. in vit. Patrum.
 (y) Hom. 60. in Gen.

Itaque examina, qua providentia quinque sensibus, ac tribus animæ facultatibus invigiles? An cautè (ut monet idem Macarius) *oculum avertas, ne prava videat? aurem subducas, ne noxia audiat? linguam refranes, ne vana loquatur? cor denique conserves, ne cogitationes aut desideria per mundum impune volutentur.* (z) Quid enim mirum, quod hinc atque illinc in offendicula impingas, si cunctis appetitionibus & phantasiis liber accessus ad te ac transitus pateat? si illos animi proditores (sensus intelligo) licenter vagari sinas? præsertim oculos & linguam; nam *vitiis nostris per oculos via est*, ait Quintilianus; (aa) *eósque cor nefariè sequi solet.* (bb) Per illos veluti per fenestras mors furtim in animam intrare, ei que gratiæ thesaurum diripere consuevit. *Lingua verò, teste Apostolo Jacobo, ignis est: universitas iniquitatis est, qua maculat totum corpus: inquietum malum est, plena veneno mortifero.* (cc) Ut ergo

E 4

mens

(z) Loc. supra cit. (aa) Declamat 1. pro cæco. (bb) S. Greg. Nazianz. (cc) Jacob. 3. v. 6.

mens munda in cogitatione servetur, monitore Hieronymo, deprimendi sunt oculi, quasi quidam raptores ad culpam. (dd) ori verò tuo pone custodiam, & ostium circumstantia labiis tuis, ne cor tuum declinet in verba malitia, (ee) præcipuè in murmuraciones, stultiloquia, detractiones, litigia, fusurraciones, mendacia & alia his similia viperarum genimina.

Juverit etiam sub meditatione, vel post exomologesin, aut sacram Synaxin animo revolvere occasiones & illicita peccandi leviter; v. g. illa loca, personas, negotia, quæ uberiores ejusmodi lapsibus ansam præbere consueverunt; seque prævio horrore, ac præmissio dissensu, aut fugæ proposito contra lapsonem obarmare. Nam teste Chrysostomo *consideratione laqueorum, in quibus incedimus, peccata vitantur. (ff) Insidiantis enim culpæ evadere gladium nequeunt, (Gregorii Magni effatum est) qui non sollicito quotidie timore*

(dd) In cap. 3. Thren. (ee) Psal. 140. v. 3. & 4. (ff) Hom. 15. ad pop.

more contra ista mentem muniunt. Facilis est enim animus vinci imparatus, si haud accinctus derepente ineat certamen. (gg) Expedit ergo praevidere pericula, quae formides, ut egregiè pramunitus prodeas in aciem. Ita Sanctus Theodor. Studita. (hh) Considera igitur, quomodo circa ista te habeas?

3. Præcipuè verò, an mox primordiis *prompta repugnantia* obnitaris, & ipsa etiam piaculorum initia providè vites? Age, *scrutare Jerusalem in lucernis*, (ii) & vide, an non subin tentationi semi-plena voluntate succumbas? inter assensum & dissensum dubius titubes? & aliquid saltem hostis intra cordis castellum admittas? O temerarie! si animæ te cura, si cœli te amor tenet, per tuam te salutem obtestor, vel umbram fuge: ipsa etiam tuta time: ad primum inimici conspectum mox ad arma conclama. *Jubet enim Dominus*, (ait Palladius) *ut observemus caput serpentis; contrito enim ejus capite totum corpus est*

E 5

mortu-

(gg) In Jobi c. 9. (hh) Serm. 116. (ii) Soph. 1, v. 12.

mortuum. (ll) Quisque principiis audax obstiterit, is indubié victor erit.

Rationem dat B. Laurentius Justinianus, sic scribens: *quia, quò quisque magis strenuè ab initio pugnaverit, eò robustior evadet, majoribúsque auxiliis à DEO adjuvari solet.* (mm) Secus (crede mihi) neglecta scintilla, magnum excitabit incendium. Levem negligentiam turpis sequetur lapsus. *Sicut enim parva (Oris Aurei comparatio est) in vestimentis facta scissura, nec resarcita, magnam facit disruptionem; & sicut torrentes, si vel minimum ceperint ingressum, mox totum introducunt fluentum;* (nn) ita quoque cerastes stygius, modò per rimulam caput immittere fuerit permissus, mox reliquo corpore sinuosa fraude secutus, omnium potietur. Nempe nimiùm vaser est: anguilla glabrior est: fisti, teneri impatiens est; si vel digitum ei porrexeris, mox totam admordebit manum; victusque

(ll) In Historia Lausiaca c. 51. (mm) Lib. de instit. & regim. Prælatorum cap. 4. (nn) S. Chrys. hom. 19. ad pop.

Etusque certò cades, nisi assultùs primordiis generosè restiteris.

4. Id autem ut fiat, *multa & ferventi oratione, DEique amore muniendus est animus*, (ait S. Isidorus Pelusiota) ne à dæmone per peccata suggesta vincatur. (oo) Oratio enim est illud armamentarium, unde opportuna vincendis hostibus arma depromuntur. Amor DEI verò est ille focus, ubi illa ancipiti acie instruuntur, & magis exacuuntur. Nam, nisi charitas bellicos ardores indiderit, nostra omnis pugna languebit. *Et nisi magnis precibus gratia in nos implorata descendat, nequicquam vincere conamur errores & tentationes; cùm pares nos ad eis resistendum, non liberum arbitrium, sed DEI solum facere possit auxilium;* (pp) quod tamen non datur, nisi oranti.

Inquire itaque, quàm ardenter etiam tu cum Machabæo ores, *ut Dominator cælorum mittat Angelum suum bonum ante*

(oo) Lib. 2. Epist. 164.
Papa ad Conc. Carthaginense.

(pp) S. Innoc.

*te te in timore & tremore magnitudinis
brachii sui? (qq) An imiteris Judam,
& Socios ejus, qui invocato DEO per
orationes, cum suis hostibus congressi sunt,
manu quidem pugnantes, sed Dominum
cordibus orantes. (rr)*


Indaga, an per selectos, & certis
temporibus eliciendos charitatis actus,
contra frequentiores, magis periculosos
& familiares tibi lapsus præmunire te
labores? ex. gr. audito horologii pul-
su, dicendo: *amo te mi DEUS! super
omnia; & hinc malo infamari, agrotare,
mori, quàm fœdari veniali navo, præser-
tim isto N; aut contestando: ô Do-
mine! etiamsi possem levi iracundia, men-
dacio, distractione crurifragium, infamiam, morbum, aut mortem declinare,
vel summam mihi scientiam, æstimationem hominum & amorem procurare, nollem delinquere.* Ejusmodi affectus &
vibrata cœlum versùs charitatis spicu-
la, contra DEI offensas etiam minores
potens antidotum esse, testatur S. Pro-
sper,

(qq) 2. Mach. 15. v. 23. (rr) Ibid. v. 26.
& 27.

sper, dicens: si DEUM ex toto corde diligamus, nihil erit in nobis, unde peccati desiderijs serviamus. (ss)

Itaque descripto superiùs odio, si levium etiam noxarum *malitiam* execrati fuerimus; si relatis quatuor remediis usi, illas evitare constanter studuerimus, beati erimus; quia mundi corde. Nec erit, quod nobis ab earum effectibus aut suppliciis timeamus.

(ss) Lib. 3. de vitæ conf. c. 15.



CAP. II.

CAPUT II.

DE TEPORE.

Cùm animi languor levis offensa spuria proles sit, & mali corvi malum ovum audiat; jure suo primum à veniali locum in tristi hac obstaculorum serie sibi vendicat. Sicut enim gravior corporis agritudo gressum omnem pedum moratur, ita & animæ tepor omnem virtutis progressum sistit. Ex quo abunde patet, eum post minuta peccata impedimentorum esse maximum, ac veluti prinipilum. Verùm I. illius malignitas, II. ejus effectus potens incitamentum erunt, hanc pestem nostra ex mente ocyus excutiendi.

§. I.

Teporis Malignitas.

I. **O** tepide! tu es ille *ager hominis pigri*, (a) quem *totum repleverunt urticæ indomitæ affectionum*; tu

I.
Tepidus
similis est
agro bo-

(a) Proverb, 24. 7. 30.

tu illa vinea viri stulti, (b) *cujus superficies operuerunt spinæ innumerabiles* ^{minis pigri, &c.} per diem defectuum, continua serie admissorum; tu illud vinetum, *cujus maceria lapidum*, nempe collectio animi, & peculiaris tutela Numinis, ablata penitus, atque *destructa* est. (c) Dominans menti tepor est ille *aper de sylva, & singularis ferus*, (d) *qui depastus est animam tuam* ita, ut cordis intima ingressus, temetipsum stupere cogaris totum diversum ab illo, qui olim tyro fuisti.

Ficulnea illa *stans secus viam*, non habens *nisi folia tantum* simulatæ virtutis, quæ diris devota à Christo, *arefacta est continuo*, (e) animæ tuæ penitus aridæ, sterilis, languidæ infelix typus est. Hæc enim est illa *terra*, quæ sæpe *venientem super se bibens* gratiarum *imbrem*, non profert nisi vitiorum *spinas ac tribulos*, (f) & quæ propterea *maledicto proxima* est. Hæc similis est illis
sepul-

(b) Ibid. v. 30. (c) Ibid. v. 31. (d) Psal. 79. v. 14. (e) Matth. 21. v. 19. (f) Hebr. 6. v. 8.

sepulchris de albatis, (g) quæ à foris parent hominibus speciosa, veste scilicet & nomine Religiosi; intus autem plena sunt ossibus mortuorum & omni spurcitia.

O si conscientiam hominis tepidi diducto sipario inspectare daretur, eveniret nobis, quod Ezechieli, per foramen in templum inspicere jussio; nempe attoniti *videremus abominationes pessimas reptilium & animalium in circuitu per totum.* (h) Quid enim aliud sunt falsa illa principia, quæ ille nixus mentis aculeos sopire conatur? quid aliud illa mordax lingua, & litigiosa: illæ aversiones, invidiæ, æmulationes, & superbiæ: ille spiritus murmurationis, & acrimoniæ: occultus ille amor proprius, qui tacitè serpendo, omnes actiones suo veneno inficit, & corrumpit? quid aliud illa peccata occulta, quibus tepentis animus instar putridæ carnis acervatim verminat?

II. Et profectò videre ejusmodi hominem Sacris operantem, vel mensæ Eucha-

Ejus vita est series

(g) Matth. 23. v. 27. (h) Ezech. 8. v. 9, & 10.

Eucharisticæ accumbentem, idem est, *continuo-*
 ac videre *abominationem desolationis, stan-*
tem in loco sancto. (i) Nam incubans *rum de-*
festum.
 animæ languor ex oculis, vultu, mo-
 ribus, ex ipso gressu, & voce tristi fri-
 gore promicat. Tremantibus præ re-
 verentia Cherubinis, & ardentibus præ
 amore Seraphinis, ille inter hos me-
 dius indecoro gestu stupidum mentis
 gelu undique proflatur; ac illo ipso tem-
 pore, quo mystica verba profert, aut
 coelesti pane reficitur, cum vanis co-
 gitationibus velut cum totidem catel-
 lis pueriliter ludic, omni pietatis sen-
 su destitutus.

Conscientiam sacra exomologesi
 mundaturus, ejus generis preparatio-
 nem, tam oscitanter deproperatam,
 præmittit, ut hæc ipsa expiatio iterata
 confessione sit expianda; & instar *ca-*
nis, qui revertitur ad vomitum, (1) post
 horam denuo perpetratur, quod paulo
 ante se vitaturum promissit. Ea corpo-
 ris immodestia, linguæ volubilitate,
 spiritûs inertia, & dissipatione voca-

Pars I.

F

les

(i) Marc. 13. v. 14. (1) Proverb. 26, v. 11.

les preces persolvit, ut accersita sibi Regii Psaltis maledictione, *ipsa oratio ejus illi fiat in peccatum*; (m) dum attentius ludit, quàm orat; Deumque irritat illa ipsa actione, qua ejus iram placare deberet.

Præscripta Religionis exercitia, quæ sine nota omitti nequeunt, solum ex consuetudine, respectu humano, aut dura necessitate compulsus, non nisi in speciem, oculis illusurus, obit cum summa languentis animæ nausea. Confiteri sine emendatione, accedere ad synaxin sine devotione, vacare sacris collectionibus animi sine fructu, opera quotidiana sine debita intentione, methodo, ordine, solum ex impetu, comodo, alióve vitioso fine, ac modo peragere, usitatum ei est.

Unde fit, ut cum illo ægroto *triginta & octo annis* hæreat penes *probaticam piscinam*, assidens fonti gratiarum, quin tamen *ab infirmitate sua* (n) unquam sanetur. DEUS illi desipit,

(m) Psal. 108. v. 7.

(n) Joan. 5. v. 14.

ſipit, exerrat à ſemitis Divinæ Providentiæ, à ſeiſſo exulans, horret in ſeiſſum reverti. Verbô: ſemper effuſus in externa, rarò ſibi & DEO præſens, laboris fugiens, nec niſi commoda, otium, & oblectamenta preſans, eadem facilitate venialiter DEUM, quam muſcam lædit; idque ſine ullo angore, ob *fragmen panis*, (o) jocando, ridendo.

III. Tanta ergo cùm teporis malignitas ſit, quid mirum, quod tepidus ^{III. In eo eſt, ut à DEO cum nauſea evomatur.} maledicto proximus, ac in eo jam ſit, ut ex divino corde rejectus, à DEO cum nauſea evomatur. Et certè nil maniſteius execrabilem hujus peſtis malitiam ob oculos ponit, ac illud Sacræ Paginæ fulmen: *quia tepidus es, incipiam te evomere ex ore meo.* (p) O poenam terribilem!

Audite vilia teporis mancipia, & totis artubus contremiſcite! En! DEUS vos ex ore ſuo evomere incipit; ille, inquam, DEUS, qui ipſos etiam pec-

F 2

cato-

(o) Ezech, 13. v. 10.

(p) Apoc. 3. v. 16.

catores sollicitè quærit, amanter recipit, cum eis amicè manducat; is tepidos tanquam cibum sibi omnino contrarium, quem sibi aptare non possit, nauseat; & quidem tanto cum horrore nauseat, ut eos illata cordi (amoris sedi) violentia, ex ore suo evomere paret. Quid horribilius de fervoris remissione dici possit? nam res quæ evomitur, præcordia gravat, creat dolorem, extinguit sui amorem, inducit sui odium, tandemque ex ore projecta, tanto omnibus est horrore, ut non solum labiis nunquam amplius admoveatur, sed nec oculis usurpetur.

Et hæc est ô tepide! viva tui statûs imago. Sordes evomitæ, quarum vel memoria stomacho fastidium mover, testante Sacro Codice, tui ectypa sunt. O infelix! cordi divino molestiam creas; nec doles? paterna illa charitatis viscera ad tui nauseam commoves; nec times? in eo jam es, ut à DEO cum quadam pectoris sui violentia evomaris; nec trepidas? O miser! nil propius est, quàm ut toti Curiae cœlesti

lesti instar rei, per vomitum ejectæ, execrabilis evadas; nec horres? Quin imò hæc legis sine ullo sensu aut motu; lecta etiam credis, quin tamen animi tui gelu liquefiat, ac in poenitentiae lacrimas diffuat; ipsam hanc considerationem languidè peragis. O piger! quid tandem torporem excutiet, si hæc tonitrua torpentem non excitant?

Et hoc denique est, quod hujus status execrationem auget; quia ejus curationem tanquam mali difficulter sanabilis vix non desperare jubemur à S. Paulo, scribente, *impossibile esse* (id est valde difficile) *eos, qui semel sunt illuminati & prolapsi sunt, rursus renovari.* (q) Certè S. Bernardus (r) rem prodigio accenset. Et hinc licèt status frigiditatis, nempe peccati lethalis, sit omnis miseriæ, & infelicitatis detestabile centrum, tamen languori suo modò præhabendus videtur. Quia quamvis prior suapte na-

F 3

tura

(q) Hebr. 6. v. 4.
Abbat, Fontanum,

(r) In Epist. 96. ad

tura majus sit malum , est tamen minus ob tristiores quosdam, quos alter parit, effectus. Hanc ob rem ipse DEUS ingemiscendo exoptat: *utinam frigidus esses!* (s) quo abunde prodit, quanta hanc spiritûs inertiam aversione excretur; cùm illam cum vomitu, re omnium foedissima, comparet, & nos potiùs frigidos peccatores esse, quàm tepidos cupiat.

Proin ô anima! perspecta horribili hujus statûs malignitate mentis desidiâ excute, tempus redime, instaûra fervorem , ac *memor, unde excideris, age pœnitentiam, & prima opera fac;* sin'; time, ne ultor DEUS *veniat tibi, & moveat candelabrum tuum de loco suo,* (t) teque à se projiciat non ampliùs assumendum.

O DEUS *miserationum!* (u) ah! *ne projicias me à facie tua;* (x) *à facie enim frigoris tui quis sustinebit?* (y) Fateor; ego

(s) Apoc. 3. v. 16.
(u) 2. Esdr. 9. v. 31.
(y) Psal. 147. v. 7.

(t) Apoc. 2. v. 5.
(x) Psal. 50. v. 13.

ego sum illa sterilis *ficulnea*, (z) ille aridus *palmes*, (aa) succidi, & foras mitti jam pridem meritus. Ego illa *ficus mala*, *mala valde*, (bb) quæ Te ad amaritudinem adduxit, (cc) evomi pridem digna. Verùm saluari timore & tanti mali horrore perculsus, pristinum teporem constanti fervore compensabo. Tu, qui *ignis consumens es*, (dd) dissolve mentis glaciem, & in me amoris tui flammæ accende, ut deinceps Tibi serviam cò ardentius, quò serius.

§. II.

Teporis effectus.

I. PRIMUS, quem animi remissio producit, effectus est sanationis difficultas. Nam ut quis malo medicamen afferat, opus est, ut ejus malignitatem agnoscat. Jam autem anima tepida non credit se esse tepidam; vel saltem ægritudinis malitiam non

I.

*Hic mor-
bus diffi-
cillimè
sanatur.*

F 4

fac

-
- (z) Luc. 13. v. 7. (aa) Joan. 15. v. 6.
(bb) Jerem. 24. v. 3. (cc) Job. 27. v. 2.
(dd) Hebr. 12. v. 29.

fat apprehendit ; cùm cœcitas mentis sit individuus comes teporis , & hujus agnitio jam supponat fervorem. Versatur in summis periculis , & securam se censet : mala est , & bonam se putat : agra est , nec sentit vim mali , sanam se judicat ; & hinc de applicandis morbo medelis nunquam cogitat. Cumque quotidiana pietatis exercitia tamen adhuc , quamvis segniter peragat , & subinde aliquid boni , licet male agat , falsa virtutis specie illusa conscientiae miseriam non introspicit : unde fit , ut sibi nec de medicina prospiciat ; quod ipsum ejus curationem difficillimam reddit.

2. Præterea etiam si aliquod malo antidotum adhibeat , tamen ejus generis ægrotus est , cui stomachi vitio ipsa etiam medicamentâ sunt venenum. Nam meditationes , examina , confessiones , sacrificia & synaxes , sacrique secessus ab ejusmodi sine fructu , quia negligenter obeuntur ; & sic efficacissima pellendi torporis , & acquirendi fervoris adjumenta à tepido in animæ dispen-

dispendium convertuntur. Ipsemet non rarò, licèt totus frigeat, in hanc pestem é suggestu invehitur. alios animat ad praxin virtutum, quibus ipse caret. dissuadet vitia, quibus ipse sordet. præscribit remedia, quæ ipse negligit. Similis est ligneo viarum indici, qui dum aliis viam monstrat, ipse eidem loco semper affixus hæret; eò magis reus, quod viam fervoris calleat, nec tamen ineat.

Hinc affirmat S. Bernardus, longè faciliùs esse ad frugem convertere hominem mundanum quantumvis sceleratum, quàm desidem Religiosum; (a) eò quod gravissimi non rarò peccatores, solo aspectu imaginis Christi é cruce penduli, sola mortis memoria, rigore judicii, inferorum æternitate subito permoti, seriò resipiscant. Cùm é contrario ejusmodi ignavus, utpote æternis his veritatibus obiter

F 5 medi-

(a) Epist. 96. ad Abbatem Fontanum, ubi ait: multò facilius reperies multos saculares converti ad bonum, quàm unum quempiam de tepidis Religiosis transire in melius.

meditandis jam assuetus, his æquè parum tangatur, ac illi moribundorum aspectu moventur, qui eisdem quotidiani assistunt. Quis ergo neget, huius morbi sanationem difficillimam esse?

3. Denique ultima huic malo panacea foret singularis quædam gratia, cujus victrici impulsu inveteratus hic torpor excutiat. Verùm torpida mentis segnities etiam huic remoram ponit; cùm enim anima languida, utpote in externa plerumque effusa, præ cupiditarum tumultu ad excitantes gratias animum non advertat, vel eas surda aure prætereant; quid mirum, si tandem DEUS eam stimulare desinat, & ultricibus tenebris infelicem indormire sinat?

Accedit, quod talis etiam bona agendo, malè agat, sicque continuò peccet; quo fit, ut omnem singulari ejusmodi gratiæ viam præcludat. Et licèt subinde mentis cœcitatem cœlestis quidam radius illustret, ac animi
gelu

gelu liquefaciat ; tamen momentanei hi fervores mox iterum evanescent ; nec citius plerumque tepor , quàm vita deponitur . O effectum verè funestum , còque terribiliorem , quò crebriorem !

Superi ! cui tanta sanationis difficultas pestiferi hujus morbi horrorem non incutiat ? At non despero ; nam *omnia possibilia sunt credenti*. (b) O JESU ! cùm Lazarum é tumulo jam foetentem suscitaveris , tuæ omnipotenti gratiæ confisus , me quoque redivivo ardore animandum spero. *Ignem venisti mittere in terram ; nec aliud vis , nisi ut accendatur*. (c) Igitur accende cor meum , ut , quod hactenus fuerat sterile senticetum , deinceps ut mysticus ille *rubus ardeat perenni fervoris flamma* , quin unquam deficiat. (d)

II. Alter effectus est periculum valde propinquum , labendi in gravem culpam. Cùm enim ejusmodi anima
II. Inducit in periculum pec-
 defe-

(b) Marc. 9. v. 23. (c) Luc, 12. v. 49.
 (d) Exod, 3. v. 2.

*candi
graviter.*

defectibus assueta vivat, venialia sine angore committat, de lethiferorum gravitate, & motivis inde absterrentibus rarò, & etiam tunc solùm oscitanter cogitet; in illa paulatim piaculi mortalis horror ita imminuitur, ut cum eo conscientia sensim cicuretur. Hinc fit, ut dein cum tentationibus etiam impuris secura ludat, inter assensum & dissensum temerè titubet, de admissa delectatione solùm obiter dubitet, sensibus nimium periculosa permittat, variaque sibi principia former, vel potius effugia fingat, *ad excusandas excusationes in peccatis.* (e) Donec tandem superveniente vehementiori impulsu in lethalem noxam tototensu præceps agatur. O si Iusticiæ, aut stygii carceris fauces apertas cerneremus, quot inde voces audituri essemus, hanc veritatem confirmantes, & suæ ignaviæ maledicentes.

Qui spernit modica, (æternæ Veritatis oraculum est) paulatim decidet. (f) Quis autem proterviùs hæc negligit quam

(e) Psal. 140. v. 4.

(f) Eccl. 19. v. 1.

quàm tepidus ? *Nullus diu tutus est*,
 (ait Hieronymus) *periculo proximus*.
 (g) Quis autem proximior tepidô?
 Ergo nemo pariter illo vicinior lapsui,
 æternoque exitio est. Documento sic
 Apostolorum Princeps Petrus; is post
 neglectam in horto orationem, *seque-*
batur Christum à longè, (h) & ancil-
 lis immixtus foco affidebat; *quia fri-*
gus erat, (i) magis animæ ejus quàm
 corpori infestum. Verbô: in teporem
 inciderat. Et en! antequam gallus bis
 cantavit, Jesum ter negavit. Infame
 hoc monstrum vel ipsam Ecclesiæ co-
 lumnâ in ruinam impulit.

Quicumque ergo mortiferam Divi-
 næ Majestatis offensam, & pedisequam
 orci pœnam horres, excute, ah! ex-
 cute torporem; secus in utramque
 prono pondere rues. Audis ô tepide!
 (nam veterioso fortius, & repetitò
 inclamandum est) nisi hunc languo-
 rem animo expuleris, præceptis in grave
 peccatum, & inde in tartarum ibis.
 Enim-

(g) Hieron. Ep. ad Fammachum. (h) Matth.
 26. v. 58. (i) Joan. 18. v. 18.

Enimvero cui hoc fulmen mentis desiderium non excutit, is in eo jam est, ut lethalibus noxis quietus indormiat, ac tandem immoriatur. O cœli! si tepor vel ipsas cedros sternit, mihi abieti quid fiet? Heu! *dissipata sunt ossa mea secus infernum*, (1) ad cujus fauces execranda hæc pestis me perduxit. Sed *respice in me Domine DEUS meus*, & gratia tua torpentem excita, *ne unquam obdormiam in morte.* (m)

III.

Et obeundam parumpiam.

III. Tertius denique effectus, qui ex hac malorum sentina profluit, est discrimen obeundæ mortis parum piæ. Mors est echo vitæ. Miraculum proinforet, si fervidè moreretur ille, qui tepidè vixit. Cùm talis nullo cœli desiderio teneatur, nec nisi terrena sapiat, ab his avelli per lethum horret, cujus vel mentionem ingessisse, eum contristasse est. Et licèt, de instanti agone admonitus, vires deficere ipse advertat, tamen se jam nunc fatis concessurum minimè putat. Imò pauculis non rarò ante obitum horis temeraria

(1) Psal. 140. v. 7.

(m) Psal. 12. v. 4.

raria spe de multa sibi canitie adhuc blanditur. Et hinc residua fugientis vitæ momenta non procurandæ bonæ morti, sed recuperandæ sanitati præposterè impendit. Cùm amor sui, cuticulæ commoda, sensuum oblectamenta unicum ejus studium fuerint; morbi molestias ea impatientia perfert, qua majori nec Brasilius posset, qui de Christi doloribus nil unquam audivit. Rebelles animi motiones, utpote nunquam sub jugum missæ, liberiori tunc ac unquam aliàs tyrannide dominantur. Mens ejus, commotis humoribus, tumultuans Euripus est; adeò omnia displicent, & incommodant: offendunt, & turbant.

Sacerdotem, pios affectus præeuntem, ob defectum prævii hac in re exercitii vel non assequitur, vel ob mentis intemperiem, ac dolorum vehementiam ad eorum sensum non attendit; vel pro inveterata consuetudine ita segnitè eosdem elicit, ut meritò dubites, an eorum vel unicus salutaris sit, & superni ordinis celsitatem attingat.

Hor-

Horror est videre, quàm frigidè, quàm sine ullo devotionis sensu sacris mysteriis, ac ultimis religionibus (nisi tamen illis in pœnam teporis frustretur) animam procuret. Conscientiam expiat, ut nunquam languidius. Agnum DEI, qui tamen leonem mox induet & judicem, ita cordis hospitio excipit, ut inertius nec hæreticus posset. Sacro Oleo ita inungitur, ut vel delirus nesciat, quid agatur: vel dormitans non attendat: vel deses non curret. Et tamen præcipua hæc salutis remedia sunt, & quidem ultimò applicata, quæ proin nunquam majori cum fervore ac in hoc rerum articulo usurpari deceret.

Demum agoni & æternitati propinquat totus ad cœlestia stupidus, conscientiae stimulis turbatus, præteritorum dolore, futurorum metu summè anxius; donec tandem post mortem parum religiosam, quæ adstantes jure sollicitos habet, terribili judicio sistatur, inde si non in orcum, saltem in purgantes flammæ præcipitandus; ubi in-

nume-

numeri eum, atroces ac diuturni cruciatus manent. Et hi sunt tristes effectus detestandi languoris, ad quos si omnis tibi sensus occaluit, time, ne id serpentis jam gangrænæ indicium sit, proximi interitûs prænuncium.

O ferventium animarum amator DEUS ! agnosco fœdam malignitatem & horrendos effectus teporis. Cohorreo totus, prospectans horribilia periculorum præcipitia, in quæ funestum hoc monstrum me adduxit. Ah ! ea segnitie tibi, ô Rex Regum ! servivi, quam nec rusticus in servo tulisset. Ea inertia orando tecum egi, qua socio colloqui puduisset. Immenso amorì, quò me in Eucharistia complecteris, non nisi gelu rependi; licèt, Te redamanti, ingentes gratias sponderes.

Tu ipse, quamvis dominantium Dominator, & neminis indigus sis, mihi tamen continuò servis, me conservando, in actiones meas influendo, necessaria ministrando, & matris instar sinu fovendo; idque facis amore infi-

Pars I.

G

nito,

nito, sempiterno, gratuito; & ego . . .
 (vah! frigus ultoribus rogis dignum)
 in tuo servitio tepens langueo; & eo
 ipso tempore langueo, quo laboribus
 vanis, amore rerum creatarum, ob
 nihil vires consumo.

At poenitet! . . . Stat, residuos vitæ
 dies sancto ardori impendere. Vos
 cœlorum Principes, qui vestrum illud
 trifagion irrequieta voce æternum con-
 cinitis, Seraphico alarum motu mutui
 amoris flammæ in me succendite, ut
 posthac cor meum lampas sit, perpetuo
 fervoris igne animata.

§. III.

De signis, & remediis teporis.

AT verò ne fors vanè tibi blandia-
 ris, hætenus dicta nihil ad te
 pertinere; cùm tepidum te esse mini-
 mè credas; breviter modò & obiter
 hoc tibi monstrum delineabo. Est er-
 go tepor animi species quædam, &
 infelix partus capitalis illius vitii, ace-
 dia dicti. Nam, ut docet S. Thomas,

acce-

acedia importat quoddam tædium bene operandi, & est torpor mentis bona negligentis, inducens quandam tristitiam, qua ita gravat, & deprimit hominis animum, ut nihil boni ei agere libeat. (a)

Ut ipsi omnia exercitia spiritûs & virtutis quasi cruda & insipida videantur, atque in grave fastidium convertantur. Quis autem teporem, juratum illum omnis sanctimonix hostem, in hac tabella depictum non videat, horreatque? quis suis eum coloribus expressum non discernat?

Est enim is ex sententia S. S. Patrum vehemens quidam lethargus, quo oppressa anima, & in perfectionis semita pigre confidens, tota languet, tabescit, torpet. Est febris hæctica spiritum lenta tæbe sensim depascens, eumque ad omnes pietatis exercitationes enervem reddens. Est aër morbidus, creans fatalem coelestium nauseam, & spuriam terrestrium famem. Ab hoc ergo tam pestilenti morbo, ut te vel liberes, vel immunem serves,

G 2

I. sig-

(a) 2. 2. Q. 35. a. 1. C.

1. signa, quibus dignoscatur: 2. remedia, quibus fugetur, suppeditabo.

^{I.}
Ejus
fig-
na.

I. Signa, quibus dignoscatur, enumerat S. Bernardus, dum tepidos ita describit: *est invenire in claustris homines pusillanimes & remissos, deficientes sub onere, virga & calcaribus indigentes ob pigritiam; quorum brevis & rara collectio & compunctio spiritus; quorum animalis & sensualis cogitatio, immodesta & scandalosa conversatio; quorum obedientia sine devotione, sermo sine circumspeditione, oratio sine debita attentione, lectio sine sui consideratione; quos vix gehenna metus inhibet, vix pudor cohibet, vix frænata ratio, vix disciplina coercet. Hæc Abbas mellifluus. (b)*

Clariores adhuc notas assignat Casianus; cum ait, *tepidos religiosos facile laborare horrore & odio loci, in quo habitant; fastidire cubiculum, confratres aspernari, inertes esse ad operandum, frequenter vagos esse extra domum, neglectum rerum spiritualium non apprehendere,*
neque

(b) Serm. ad Fratres.

neque curare: sensualitates sectari, ad externa facile effundi, impertinentibus negotiis occupari, confabulationibus otiosis esse addictos, monitiones agrè suscipere, & contra eas in malo magis obfirmari: impatientes esse disciplina, patriam & cognatos inordinate amare, familiaritatibus periculosis misceri. (c) His consideratis, æquus in teipsum ac serius arbiter inquire, an in aliquo prædictorum reum te conscientia arguat?

Præcipuè verò investiga, 1. qua attentione meditationi vaces, cœlesti victimæ lites, aut ejus litationi assistas? Quo rigore tua dicta & facta quotidie gemino examine tum generali tum particulari discutias? Quo ardore vocales consuetas preces, præcipuè Sacerdotales, persolvas, sacra exomologesi mentem expies, synaxique reficias? Has enim pietatis actiones si obiter tantum & negligenter obeas, argumentum minimè dubium erit, ad illorum te classẽ pertinere, quos DEUS jam jam *incipit evomere ex ore suo.* (d)

G 3

2. Per-

(c) Collatione 22. (d) Apoc. 3. v. 16.

2. Perquire, an non etiam tibi familiaria sint laxa quædam tepidorum axiomata, quibus ii synteresis stimulos sopire conantur? qualia sunt: *non sum amplius tyro; licet aliis, cur non & mihi. Concedendum aliquid juvenæ. Ultronea sui vexatio nocet valetudini. Præstat cum multis errare, quàm solum sapere. Instituti sanctimonia est pia speculatio. Propria fortune suus quisque sit faber; hinc aulico ritu colendi sunt illi, qui nobis prodesse possunt, vel obesse; horum affectionem eblanditus si fueris, reliquis elato supercilio insultes, licet. Quisque seipsum curet, quia non est, qui curat; ideo vitanda sedulò, & dextre in alios conjicienda illa sunt munia, quæ commodiori vitæ, altiorive graduî obstaculo sunt. Et quæ alia his similia mutuata ab Epicuro apophthegmata sunt. Enimvero ex tepentium te numero esse, quicumque ita loqueris, loquela tua manifestum te facit; (c) cùm hæc ethica prudentiam carnis sapiat, non spiritum.*

3. Denique indaga, an non otium, prolixior somnus, cuticulæ amor, aut
nimia

(c) Matth. 26, v. 73.

nimia commodorum cura; an non inordinata esculentorum & poculentorum, variarumque recreationum appetentia, aliaque paria his monstra in tuo corde stabulentur? Ita si est, ne dubita; *quia tepidus es.* (f) quia magnus ille jacens in terra ægrotus es, qui magno pariter medico indiget, à quo salutaria ei remedia præscribantur. Quorum primaria sunt fervens manè meditatio, pia quotidie lectio, brevis quovis mense collectio. Dixi: *primaria*; sua enim efficacia minimè carent sequentia, nempe fugere laxos, conversari cum fervidis, amare cubiculum, loqui religiosa, castigare corpus, crebriùs visitare Numen Eucharisticum, ad horologii pulsum, uti & aliàs certos elicere virtutum actus. His nihilominus prætermisiss, de tribus solùm prioribus tanquam de præcipuis hìc agere est animus. Nam

II. Sicut inter præcipuas perniciosissimi teporis causas censetur esse neglectus orationis seu meditationis quotidiana.

II.
Ejus re-
media.

G 4

tidi-

(f) Apoc. 3. v. 16.

tidianæ; ita inter prima præstantissimæque, pellendi hoc malum, antidota est constans & indefessum hujus exercitationis studium. Cum sine illa æquè parum fervor spiritûs, quàm sine alimentis vita corporis conservari queat. Augustini hæc comparatio est, dicentis: *sicut ex carnalibus escis alitur caro, ita ex spiritu orationis & alloquio DEI interior homo nutritur, & pascitur.* (g) Qua similitudine apertè indicat S. Doctor, quemadmodum corpori sustentando, pane quotidiano nihil sit conducentius; ita mentis ardori fovendo, nil magis proficuum esse assiduo meditationis exercitio. Quia imò ut summam ejus vim clariùs nobis ob oculos poneret Hypponensis Præsul, mox subdit: *nec quicquam aliud est, quod vivere faciat animam rationalem, quàm cum DEO per orationis studium jugiter conversari.* (h) Quibus verbis inevitabilem ejus necessitatem luculenter demonstrat. Nam hoc ipso, quod ipso teste nil aliud sit, quod animam vivere

re

(g) Serm. 112, de tempore. (h) Loc. cit.

re faciat , sequitur , solam orationem esse id , per quod ea vivit.

Id quod, propria experientia doctum se esse, regius Vates testatur, dicens: *aruit cor meum, quia oblitus sum comedere panem meum.* (i) En! quamprimum ac isto nutrimento caruit, continuo animus aruit. Nempe quod nervi sunt corpori, sanguis animali, aurum potabile cordi, id ô anima! meditatio est tibi; ita quidem, ut *sine illa* (asserente id Augustino) *omnis via ad vitam spiritualem occlusa sit.* (l) Huic effato ipsa quoque ratio suffragatur. Nam ut animi fervor indemnis servetur, necesse est, ut intellectus veritates æternas identidem rimetur; voluntas verò ad eas in praxin deducendas perpetuò animetur; id autem fieri nequit, nisi per eam, quæ mente peragitur, orationem; quæ propterea à S. Ambrosio *anima nostræ vitalis substantia* appellatur. (m) Inde patet, quàm præstans ea, quamque necessarium pellendo tepori adjumentum sit.

G 5

Vide

(i) Psal. 101. v. 5. (l) Tract. in Joan. c. 21.
(m) Serm. 7. in Psal. 118.

Vide igitur , an quotidie mediteris *integrè* quoad tempus: *reverenter* quoad situm: *serventer* quoad applicationem, ut vocant. Insuper indaga , an debitam huic exercitio præparationem præmittas , eoque finito illius succèssum breviter examines ? Num conceptum in eo propositum interdiu renoves, statisque horis illius tesseram repetas ? Si te aliquo in puncto deprehendas defecisse, errata mox corrige. Cœterùm uberiores hac de re institutionem invenies parte 2. Cap. 2. §. 3.

2. Præterea inquire, an suum quovis die quadrantem piæ lectioni consecres ? An non etiam tu ex illorum numero sis , qui *oculos habent , & non vident* ; (n) id est (uti hæc Psalmi verba exponit Victorinus à S. Richardo) qui iis non utuntur ad evolvendos tractatus pios. (o) Quorum neglectio sicut teporis pestilens scaturigo est ; ita è contrario eorum diligens tracta-

(n) Psal. 113. v. 5. (o) De sommo Nabuchodonosor.

tractatio, torpori fugando, potens remedium est.

Nam volumina Ascetarum ex mente Patrum sunt conscientiae morumque specula, quae corrigendas animae labes exhibent: sunt submissae coelis litterae, digito DEI conscriptae, quae salutis monita continent: sunt in hoc mundi aequore phari amicae, quae latentes scopulos & scyllas fido lumine detegunt. Denique sunt monitores, vitia liberè carpentes: Medici, pharmaca dextre aptantes: Archistrategi, nos armis sollicitè munientes. Verbò: pio hoc exercitio tentatis fortitudo, tepidis fervor, justis profectus, fervidis constantia communicatur; praecipuè verò meditandi praxis mirè juvatur, ac promovetur. Quis ergo neget, sanando teporis malo, excellens id antidotum esse? Et tale cum sit, quis eo uti pigretur?

Præcipuè cum Paulus Timotheum expressè moneat: *attende lectioni*; (p)
&

(p) Tim. 1. v. 4.

& Hieronymus ad Celantiam scribat :
*unum , illud tibi præ omnibus prædico ,
 & repeto ; illud iterum iterumque moneo ,
 ut animum tuum sacra lectionis studio as-
 siduè occupes ; maximum enim ad omnem
 justitiæ perfectionem medium est. (q)*

Optatum autem ut inde referas fru-
 ctum, perpende sedulò, quales & quo-
 modo perlegas libros. Nam non qui-
 vis, cuivis, ad quodvis propositum
 semper idoneus & conveniens est. Sin-
 gulari proin delectu hic opus erit. Illi
 præ aliis sunt eligendi, qui præsentī,
 qua potissimum laboras, necessitati cu-
 randæ, aptiores sunt: qui plus habent
 unctionis quàm eruditionis; id est,
 qui non tam intellectum delectent, &
 ingenium pascant; quàm affectum in-
 flamment, & moveant voluntatem.
 Qui appetituum coërcitionem persua-
 deant, vitiorum odium ac virtutum
 amorem instillent.

Nam (ut monet Bernardus) *qui ad
 legendum accedit, non tam querat, oportet*

(q) Epist. ad Celantiam.

tet scientiam quàm saporem. (r) Ratio-
nem assignat S. Hieronymus dicens :
finis enim legendi pia & sacra , non est
scire , sed agere : non loqui , sed proficere ;
nihil enim prodest , agenda didicisse ; si qua
didicimus , non agamus. (s) & DEUS
(Augustino teste) legem suam non solum
vult sciri , sed etiam adimpleri. (t) Un-
de bene concludit Thomas à Kempis ,
sic scribens : potius ergo debemus quærere
utilitatem in scripturis quàm subtilita-
tem. (u)

Quare mihi non admodum proban-
 tur adversaria , seu vulgò notata , quæ
 ex lectis Ascetarum libris , tempore
 iisdem evolvendis destinato , excerpun-
 tur. Id enim plus habet de litera quàm
 de spiritu , redditque lectionem potius
 scholasticam quàm spiritalem. Lege,
 ut fias sanctior , non ut doctior. Nam
 (ut appositè notat Hugo Victorinus)
Philosopho Christiano lectio debet esse ex-
hortatio , non eruditio. (x)

Porro

(r) In speculo Monach. (s) Epist. ad Celant.
 (t) Epist. 143. ad Demetr. Virg. (u) L. 1. c.
 5. n. 1. de imit. Christi. (x) Lib. 3. de claustr.
 animæ 6, 12.

Porro ad legendi modum quod attinet, huic actioni vacandum erit *attentè, religiosè, constanter*. Qualis quantaque attentio eandem animare oporteat, declarat Augustinus, dicens: *optimè uteris lectione divina, si eam tibi adhibeas speculi vice, ut ibi anima velut ad imaginem suam respiciat, & vel fœda quaque corrigat, vel pulchra plus ornet.* (y) Id autem ut fiat, illud ipsum quod à DEO Joanni, etiam tibi dictum existima: nempe *accipe librum, & devora illum*, (z) atque in viscera tua demitte. Hoc autem ut rite præstes, auctore Gregorio Magna duo requiruntur, 1. *ut consideratè legas*, 2. *ut lecta tibi aptes.* (aa)

Imprimis ergo ejusmodi volumina non festinanter & cursim, instar canis Nilum lambentis, sunt percurrentia; sed expendenda sunt cum magna mentis consideratione, & cum aliqua subin interposita quiete, gallinas bibentes imitando, ut divinæ motioni locus detur.

(y) Epist. 143. ad Virg. Demetr. (z) Apoc. 10. v. 9. (aa) In Apoc, c. 10.

tur. Dein documenta inde hausta insuper nobis applicanda, nostrosque usus derivanda erunt, practica inter legendum, lectisque consentanea concipiendo proposita, eaque ordinando nunc ad hos vel illos virtutum actus exercendos: modò ad hos vel illos defectus emendandos; aut ad officia nostra & munia perfectiùs obeunda.

Scrutare jam, quomodo circa ista te habeas? Examina, num tua lectio more lenis pluviae sensim humectando mentem foecundet? vel an non potius torrentis instar sterili strepitu memoriam solùm inundet? An cum matura quadam perceptæ rei discussione te identidem reflectas, quomodo data ibi monita sint executioni mandanda? In summa: perpende, an non etiam tu similis sis viro consideranti vultum nati-
vitatis suæ in speculo, qui, postquam consideravit se, abiit, & statim omnium oblitus, manet, qualis fuit. (bb) Saltem cave, ne talis modò sis, dum hac legis.

Qua

(bb) Jacob. 1. v. 23.

Qua verò corporis modestia & mentis pietate exercitatio hæc obeunda sit, ut *religiosè* peragatur, iterum docet Augustinus, dum ait: *ita scripturas sanctas lege, ut semper memineris, DEI illa verba esse.* (cc) *Sunt enim quasi litteræ de patria nostra nobis submissæ.* (dd) Quin imò teste S. Ambrosio, ipsum Christum nobis loquentem audimus, cum divina legimus oracula. (ee) Hinc situ modesto, levatoque in cœlos animo huic negotio vacandum erit; variique affectus pii sanctaque desideria ei identidem immiscenda.

Denique, *constans* sit hoc exercitium, oportet tum quoad *modum*, tum quoad *tempus*. Inprimis cavendum, ne instar apìs ab uno volumine aut voluminis folio ad aliud desultoria levitate transiliamus. Sed unus idemque liber ab initio ad calcem usque constanter evolvendus erit. Secus plus distractionis quàm utilitatis inde hauriemus. Fastidien-

(cc) Epist. 143. ad Virg. Demetr. (dd) Sermon. 56. ad Fratres in eremo. (ee) Lib. I. Offic. c. 20.

stidentis enim stomachi indicium est, ait Seneca, multa & varia degustare.

Dein certum *temporis* spatium, quod huic functioni stata lege nulla non die sacrosanctè impendas, cogitatò designa. Eandem mox meditationi subjunxisse, consultissimum erit. Quadrantem verò eidem impendisse adeò nimium non est, ut Hieronymo potius nimis parum videatur, utpote qui summam hac in re assiduitatem petit; cùm cupiat, *ut tenenti Codicem somnus obrepat, & cadentem faciem pagina sancta suscipiat.* (ff) quamvis hæc verba cum grano salis sint intelligenda; cùm ex ejus mente vitandus hìc alius quoque scopulus occurrat, videlicet ut legendi aviditate abrepti, non æquo prolixiùs eidem inhæreamus; ne scilicet satietas fastidium pariat. Hinc idem S. Doctor monet, *ut sit lectio temperata, cui finem consilium, non lassitudo imponat.* (gg) Itaque determina, quàm attentè, religiosè, constanter, quamdiu & qua hora sacræ huic occupationi deinceps vacare sta-

Pars I.

H

tuas,

(ff) Epist. ad Paulam.

(gg) Ep. ad Eulioch.

tuas, utpote quæ aptissimum, fugando languori, remedium est. Cùm S. S. Patres illam orationi æquiparent, concioni præhabeant, cibum animæ, lumen & vitam nominent; eamque nobis S. Patriarcha Ignatius velut rem maximi momenti summo verborum pondere commendet, inculcetque.

3. Denique cùm brevis quolibet mense animi collectio ex mente Ascetarum ac experientia teste sit optimum, profligandi teporis, & acquirendi fervoris, subsidium, animo constitue, an & quo die hoc tam salubri adiuumento uti decernas? Geminas horas (nam plures non peto, unam scilicet pro consueta aliàs matutina meditatione; alteram verò partim pro instituendo pridie examine statûs, partim pro obeunda altero die accommoda consideratione) duas, inquam, has horulas, reliquis negotiis subtractas, DEUS meliori eorundem successu, aliisque cœlestibus beneficiis certò & abunde compensabit. Ne igitur te pigeat, paucula hæc momenta animæ, æternitati,
DEO

DEO consecrare, qui tot dies, menses & annos corpori, nugis & otio tam prodigè impendis.

Plura hìc argumenta, quibus id persuadeam, hujusque recessus medicam vim demonstrem, referre supersedeo; cum hanc materiam parte 2. cap. 6. separatim tractem. Plurimum quidem adhuc hanc in rem conferret, & ad exterminandum languorem, conducere generosa sui & spontanea corporis castigatio; cum hoc genus armorum mira virtute polleat, ad fugandum hujus ægritudinis fauctorem orcum. Verum cum negotium mihi cum tepido sit, cui sola horum mentio horrorem creat, ab eorum tractatione prudens abstineo.

Cæterum relata superiùs documenta, qui in usum redegerit, is ab omni tepore liber, insuper tartaro se formidandum reddet. Nam (Abbatis Pimenii sententia est) *sicut ad succensam ollam muscæ non appropinquant; si verò tepida fuerit, insident in ea, & faciunt*

vermes ; ita & animam, divini amoris igne succensam, & ferventem fugiunt dæmones ; tepidam verò illudunt, & insequuntur. (hh) Quicumque ergo stygi ludibrio esse horret, mentis torporem excretur, & allatis remediis ita utatur, ut nulla hujus pestis signa in illo unquam notentur.

(hh) Ruffin. l. 3. n. 204.



CAPUT III.

DE GRATIARUM ABUSU.

QUOD cibus corpori, id gratia est animæ. Sicut ergo alimentorum neglectio est hominis perditio; ita & neglectus gratiæ virtutis exterminium est. Nisi enim intellectus supernè illustretur, & voluntas cœlitus excitetur, in perfectionis semita nec passum promovebis. Indè colligere licet, quàm magnum earundem abusus acquirendæ sanctitudinis obstaculum sit. Ne igitur tam potenti remora in cœpto cursu retardemur, rei I. indignitas, II. pœna nobis terrori erunt, & horrori.

§. I.

Ejus Indignitas.

I. **S**UMMA est gratiæ *necessitas* ad par- I.
trandum quodvis opus salutare, *Summa est*
quod mercedis sempiternæ meritorium *gratiæ ne-*
H 3 *cessitas.* sit.

fit. Dogma id fidei est contra Pelagianos & Semi-Pelagianos ab Ecclesia definitum , (a) fundatumque in illo Christi enuntiato: *sine me* , nempe sine meo excitante auxilio , *nihil potestis facere* , (b) quod vitam æternam promereatur. Idem Philipenses & Corinthios docet gentium Doctor Paulus, eisdem scribens in hanc sententiam: *DEUS est , qui operatur in vobis & velle , & perficere pro bona voluntate.* (c) *Non quod sufficientes simus cogitare aliquid à nobis , quasi ex nobis : sed sufficientia nostra ex DEO est.* (d)

Quibus verbis secundum interpretationem Patrum (e) Apostolus orbi signi-

„ (a) Conc. Arausica. II. ca. 7. cuius hæc sunt
 „ verba : *Si quis per natura vigorem bonum ali-*
 „ *quod , quod ad salutem pertinet vita æterna , cogita-*
 „ *re , aut eligere posse confirmet absque illuminatione*
 „ *& inspiratione Spiritus Sancti , hæretico fallitur*
 „ *spiritu.* Item Conc. Trid. sess. 6. cau. 3. *si quis*
 „ *dixerit sine praveniente Spiritus Sancti inspiratio-*
 „ *ne , atque ejus adjutorio hominem credere , spera-*
 „ *re , diligere , aut pœnitere posse , sicut oportet , ut*
 „ *justificationis gratia conferatur , anathema sit.*

(b) Ioan. 15 v. 5. (c) Philip. 2. v. 13.
 (d) 1. Cor. 3. v. 5. (e) S. Hierony. l. 3. contra
 Pelag. S. Greg. M. hom. 9. in Ezech. S. Aug. l.
 de gratia Christi cap. 26. ubi ait: *nihil omnino boni*
sine gratia fieri posse , non dubites.

significat, nos sine interna præveniente gratia non posse velle, agere, vel etiam incipere ullum naturæ vires superans opus. Quin imò, testante Augustino, (f) sine ea proprio Marte ne quidem orare pro ea, nec ad eam nos disponere possumus. Tanta, tam universalis & absoluta divini auxilii necessitas est. Illud ergo qui oblatum negligit, remedium summè necessarium ad salutariter operandum, temerè abjicit.

Proin ô improvide! dum ejusmodi motionem rejicis, clavem projicis, qua sola (secundùm speciem spectata) cœli janua aperitur: talentum prodigis, quo solo immortalis corona comparatur: gemmam dilapidas, qua sola ipse DEUS emitur. Et rides? eoque tempore rides, quo de neglecto tenui lucro, de perduto vili numismate, de jactura rei supervacaneæ doles. At veniet hora, quo tam impudentem abusum amarè deflebis, triste ingemiscendo: *cùm petui, nolui.*

H 4

Ec

(f) Aug. Epist. 194. n. 16.

Et profectò quæ hæc temeritas! scire, sine actu salutari neminem ad ultimum fore salvandum: fateri, nullam ejusmodi actionem sine cœlesti adjutorio elici posse: hæc omnia fide divina insuper credere; & tamen unicum hoc remedium, summè necessarium hoc adjumentum, ultro oblatum, quin & obtrusum negligere, averfari, repellere; idque per risum, nemine minis impellente, ex mera oscitatione; hæc certè ejus generis indignitas est, quæ DEI pupillam lædit, & infinitæ largitatis fontem jure obstruit.

O *Pater luminum!* (g) heu!, quid feci, illi dum instinctui rebellis restiti? Ah! ego sedens *in tenebrosis & umbra mortis*, (h) illam lucem repuli, qua sola lethales tenebræ fugari poterant. Ego; percussus *ulcere pessimo à planta pedis usque ad verticem*, (i) illud pharmacum respui, quo solo sanari quiveram. Radium æternitatis, pretium sanguinis Christi, pignus beatitudi-

(g) Jacob. 2. v. 17. (h) Psal. 87. v. 7.
(i) Job. 2. v. 7.

tudinis æternæ imprudens contempsi.
At poenitet! Fac ô Domine! ut
saltem præsentì huic, quæ fors ultima
est, gratiæ constanti fidelitate respon-
deam.

II. Insuper summa est gratiæ *dignitas*. II.
Nam est bonum, immensum excedens *Summa
est ejus
dignitas.*
omnes terrenas opes; & præstantius
quid omni illo, quod DEUS aut di-
vinum non est. Merces est laborum,
vulnerum, ac mortis Christi: nostro-
rum meritorum felix principium est,
incrementum & præmium: est semen
gloriæ æternæ; justus enim, qui tran-
seunti auxilio docili mente obsecun-
dat, is cum illo supernæ virtutis actum
exercendo, novum inhærentis gratiæ
additamentum acquirit; cuilibet au-
tem ejusmodi gradui respondet quo-
que gradus gloriæ sempiternum dura-
turæ. (1) Quilibet ergo immissus à
coelo radius est auspiciatum initium to-
tidem æternitatum omnis excogitandæ

H 5

felicì-

(1) Conc. Arausic. II, can. 18; Trident. sess. 6.
c. 16. & can. 32.

felicitatis. Quid augustius sublimius-
que dici possit?

In cumulum conjice omnes totius
orbis excellentias, principum diade-
mata, regumque majestates. His pre-
tium adde omnium terra marique la-
tentium gemmarum ac thesaurorum,
istis præterea adjuuge omnem solis, au-
roræ, ac stellarum lucidissimam pul-
chritudinem; & en! minima cœlestis
illustratio, unica mentis divina motio
eminenti intervallo longè excellentius
quid, pretiosius ac pulchrius est. Quid
ergo indignius, quàm inæstimabile hoc
donum, æthereum hunc fructum, in-
comprehensam hanc gloriæ sementem
tam prodigè abjicere; idque propter
nihil, sine remorsu, per jocum, plus
dolendo de jactura vilis reculæ quàm
gratiæ?

Si dæmonibus vel unicum ex innu-
meris illis, quæ nos tam protervè con-
temnimus, auxiliis concederetur, quan-
ta fidelitate eidem auscultarent? Pro eo-
rum unico mille inferos lubedine ma-
xima

xima tolerarent , si his illud mercari possent. Soli nos mortales , licèt hujusmodi donorum summè indigi simus , illorum tamen maximè incuriosi vivimus , & ultro obtrusa obstinato contemptu negligimus.

Et hoc agunt (obstupeſcite ô cœli!) non educati in ſylvis barbari , qui de his rebus nil unquam audierunt ; ſed Chriſtiani, imò & Religioſi, qui *enutriti verbis fidei*, (m) ſciunt , & credunt ſummam eſſe non ſolùm gratiæ neceſſitatem , ſed inſuper præſtantiam & excelſitatem. At væ nobis ! ſi ejus meritum tunc primùm æſtimare inceperimus , quando ea carebimus.

O cœleſtis Samaritane! ego ille infelix ſum, qui Jerichuntem profugus *incidi in latrones , ſemivivus plagis impositis relictus*; (n) ego ille *cæcus ſedens ſecus viam* juſtiſſiæ , (o) *qui lumen cœli non video*; (p) tu vulneribus oleum , oculis collyrium , & quidem pretio in-

fini-

(m) 1. Tim. 4. v. 6. (n) Luc. 10. v. 30.
 (o) Luc. 18. v. 35. (p) Tob. 5. v. 12.

finitum, utpote tuo sanguine comparatum, ultro idque sæpius offers, & ego, vah probrum! medicam usque pertinax repello manum, meis miseriis imputrescere malens.

Sed meæ me pudet malitiæ. Tu Domine, qui *amictus es lumine sicut vestimento*, (q) *illumina oculos meos*, (r) ut agnoscam excitantis gratiæ divinam dignitatem. Fac, ut *præponam illam regnis & sedibus, & divitias nihil esse ducam in comparatione illius*. Da, ut firmiter credam, *quoniam omne aurum in comparatione illius arena est exigua, & tanquam lutum æstimem argentum in conspectu illius*. (s)

III.]
Magna
ejus est co-
pia, &
efficacia

III. Præterea gratiæ nobis collatæ sunt *magnæ*, nempe vocatio ad fidem Romanam, statumque Religiosum: electio ad sacerdotij dignitatem & animarum curam: nec non tyrocinium, annuus octo dierum secessus, geminæ quot annis animi collectiones, frequens

(q) Psal. 103. v. 2. (r) Psal. 118. v. 15.
(s) Sapient. 7. v. 8. & 9.

quens adeò sacrorum mysteriorum usus, haustusque inde fructus. Insuper sunt *continuae*, quotidiana scilicet sacrificia, meditationes, examina, lectiones, exempla, adhortationes, & horarii instinctus interni.

Denique sunt *efficaces* in se & quoad suam, ut Theologi loquuntur, congruitatem spectatæ; cum hæ ipsæ numero gratiæ, si aliis collatæ fuissent, maximos ex iis sanctos effecissent, ac convertendis ad frugem sceleratissimis hominibus efficienter suffecissent; quæque ideo solum in nobis suo effectui carituræ à DEO sunt provisæ, quia liberè à nobis repudiantur. Proin auxiliis tam magnis, tam continuis, & in se tam efficacibus tamen resistere: eaque propter nihil, ex mera petulantia, per jocum contemnere: viliori loco cœlestes has gemmas ac vitrum habere; id enimvero, eorum abusum malitiosissimum reddit.

Itaque *væ tibi Corozain! væ tibi Bethsaida! væ tibi Religiose! quia si in aliis factæ*

facta fuissent virtutes, quæ facta sunt in te, ad magnam perfectionem pervenissent. (t) In die judicii *venient ab Oriente & Occidente* (u) Turcæ & hæretici; surgent tui illi discipuli, pœnitentes & auditores tui, quos ad fidelem gratiæ usum animasti; surgent, inquam, & accusabunt te de tam horrendo earundem despicatu. Vindictam à te exiget suo fine frustratus sanguis Christi, utpote quo is tibi tot spretas à te illustrationes & instinctus comparavit.

O miser! quid olim respondebis Divino Judici, dum orbem universum contestando, minaci voce dicet: *nunc ergo habitatores cœlestis Jerusalem, judicate inter me & vineam meam. Edicite, quid est, quod debui ultra facere vineæ meæ, animæ huic, & non feci? post tot impensos illi favores, an non jure expectavi, ut faceret uvæ? & en! fecit labruscas.* (x) Tot curis, laboribus, & vigiliis non nisi vepres ingrata pendit.

(t) Luc. 11. v. 13.

(u) Matth. 8. v. 11.

(x) Isai. 5. v. 4. & 5.

pendit. Ad hæc quæ tibi tunc mens erit ?

O Domine, *ne intres in iudicium cum servo tuo !* (y) Fateor, ego sum illa infelix terra, arida, petrosa, spinis horrida, cui hætenus immissum gratiæ semen *vel conculcatum* evanuit, *vel natum aruit*, *vel ab exortis simul spinis suffocatum* interiit. (z) Ego illa sterilis ficulnea, (aa) assiduè culta, sollicitè rigata, tot radiis fota, & tamen fructibus semper vacua. At illusum fatis est. Tandem finem faciam resistendi, ne Tu initium facias puniendi. *Da ergo servo tuo cor docile*, (bb) *ne in vacuum gratiam posthac recipiam.* (cc) Fac, ut deinceps illius semen cadat *in terram bonam*, & *ortum faciat fructum centuplum.* (dd)



§. II.

-
- (y) Psal. 142. v. 3. (z) Matth. 8. v. 5.
 (aa) Luc. 13. v. 7. (bb) 3. Reg. 3. v. 9.
 (cc) 2. Cor. 6. v. 1. (dd) Luc. 8. v. 8.

§. II.

Ejus pœna.

I. *Gratia subtractio est pœna terribilissima.* I. **P**œna, gratiis merè sufficientibus abutenti, infligi solita, est efficacium subtractio. Et hæc est ultimum omnium terribilissima, justissima, ordinaria. Inprimis est *terribilissima*; quod sic ostendo. Castigatio omnium in hoc mundo terribilissima & maxima est illa, quæ nos omnium maximè abducit à summo Bono nempe DEO; & quæ nos omnium proximè conjungit cum summo malo nempe peccato & orco. Id autem facit gratiarum efficacium subtractio; hæ enim ex Numinis decreto sunt medium simpliciter necessarium ad operandam salutem, sine quo nunquam possidebitur DEUS, nec vitabitur tartarus. Cum merè sufficientibus possumus quidem salvari; sed reipsa nunquam salvabimur, certò peccabimus, certò damnabimur. Ergo priorum ademptio nos à Summo Bono nempe DEO ac cœlo omnium maximè abducit; contrà verò summo malo scilicet peccato

cato & inferis proximè conjungit, sociatque; adeoque est omnium terribilissima maximaque in hoc mundo poena. Nam ipsa etiam mors in gravi noxa, quæ procul dubio omnium in hac vita calamitatum facilè princeps est, jam involvit negationem auxilii efficientis, ut quis per prævium dolorem vel amorem fiat amicus DEI.

Accedit, quod omnium judicio illud supplicium censeatur esse gravissimum, quod hominem in malitia magis obfirmat, excœcando scilicet illius intellectum, ne periculosum animæ statum agnoscat; & ligando voluntatem, ne ex illo se extricare velit: quod ex una parte peccatori potentiora respiscendi remedia subtrahit; contrà verò viam ad maxima scelera complanat, facilem & expeditam reddit. Jam verò id facit dictorum luminum motuumque negatio.

Nam, quando nos Numen infamia premit, morbis cruciat, vexationibus affligit; plaga quidem est, sed summa

*Pars I,***I****non**

non est; quia his nos à malo avertere, & ad se convertere satagit; patrem tunc, non judicem aut vindicem agit, qui peccantis correctionem per peccati ultionem intendat. At verò dum intellectum peccatoris in sua cœcitate obfirmat, & voluntatem in sua pravitate indurat; dum illustrationes negat, quæ vitii foeditatem detegant; & divinos instinctus adimit, qui ad illud detestandum moveant; dum (ut ait Augustinus) *spargit pœnales cœcitates super illicitas voluptates eorum, & illos tradit in desideria cordis eorum: in passiones ignominia;* (a) tunc enimvero sævit quasi *ursa raptis catulis;* (b) tunc omnipotens furor ejus *plaga insanabili,* (c) *plaga inimici, castigatione crudeli percussit;* (d) & quidem tali, qua terribiori in hac vita punire haud posset.

O verè pœnam horribilem! O iracundiam sine misericordia, *cujus consummatio in combustionem!* (e) O DEUS ultio-

(a) Rom. 1. v. 24. & 26. (b) Osee 13. v. 8.
 (c) Isa. 14. v. 6. (d) Jerem. 30. v. 14. (e)
 Hebr. 6. v. 8.

ultionum! (f) Ah! *ne in hac ira tua corripias me.* (g) ure hîc, & seca, afflige, & crucia; dummodo gratiam tuam non auferas à me. *Volo, irascaris mihi, Pater misericordiarum! sed illa ira, qua corrigis devium, non qua extrudis de via.* (h)

II. Præterea est poena *justissima*. Nam gratia amoris tessera est, qua cœlestis Sponsus, stans ad ostium cordis humani, amicè pulsat, intromitti petens, ac urgens. Non aperis, ejus voci aures occludis, ingressum negas. Fessus tandem pulsando Dominus urgere cessat, & contemptus abit. Quid justius? Gratia fax est lucens, & ardens, cujus lumine DEUS intellectum illustrare, & radiis voluntatem inflammare cupit. Tu cordis fenestras claudis, non nisi umbras quæris, ac instar noctuæ ejus calorem & lucem fugis. Ergo tandem Justitiæ Sol, votis toties frustratus, lucere desinit, ac radios occulit. Quid æquius?

I 2

Gra-

(f) Psal. 93. v. 1. (g) Psal. 6. v. 2. (h) Bernardus Serm. 42. in Cant.

Gratia est donum inæstimabile : est gemma coronæ Christi : est pignus æternæ gloriæ. Divinus Pater ultro id offert , quin & obtrudit ; ut acceptes , etiam flagitat , idque repetitò , post iteratas repulsas. Tu verò hoc donum respuis , hanc gemmam accipere renuis , hoc pignus flocci pendis. Tandem ergo Divinitatis Majestas toties spreta illud offerre desinit , & obtrudere cessat. Quis iniquum id dicet ? An non ergo gratiæ toties abjectæ privatio justissima ultio est ?

O vindex Numen ! est utique , est justissima. Millies eam promeritus sum. Ego enim sum illa infelix Jerusalem , quam toties voluisti congregare , *quemadmodum gallina congregat pullos suos sub alas* , (i) & nolui. Hinc jure vereor , ne tandem & *mea domus mihi relinquatur deserta*. (1) Hoc salutare timore confixus à tribunali Justitiæ confugio ad thronum Clementiæ. Parce meliora spondenti. Quacunque alia volueris plaga , solùm ista ne punias me. III. Est

(i) Matth. 23, v. 37. (1) Ibid. v. 38.

III. Est denique *ordinaria*. Nullum III:
Ordina-
ria.
supplicii genus irata Nemesis in sacris
paginis per Moysen, Vates & regium
Psalten sæpius interminatur, quàm
hanc ipsam cœlestis adjutorii adem-
ptionem: *dimisi eos secundum desideria*
cordis eorum: ibunt in adinventionibus
 suis: (m) excæcavit oculos eorum, &
induravit cor eorum, (n) ut videntes
non videant, & audientes non intelligant:
(o) auferetur à vobis regnum DEI; (p)
hæc & similia divini furoris fulgura in
sacris literis passim in legentium ocu-
los incurrunt. Ipsa, quæ sacri Histo-
riographi recensent, exempla abunde
probant, hanc auxiliorum efficacium
negationem in veteri & nova lege
communem, ordinariam ac nimis
quàm frequentem fuisse. Quin imò
etiam nunc frequentissima est.

Sæpe miramur, quod omnituens
Numen tot tepidos tam patienter su-
stineat, qui insuper habitis tot mediis,
tamen tam parum adimplent obliga-

I 3

tiones

(m) Psal. 8. v. 13. (n) Joan. 13. v. 40.
(o) Marc. 4. v. 12. (p) Matth. 21. v. 43.

tiones sui statûs ; suisque dissolutis moribus domesticis probro , - exteris offendiculo sunt. Ah! ait Augustinus, DEUS secreta eos ultione punit , eò graviori , quò occultiori ; dum gratias iis subtrahit , ac suo tepori quietos indormire finit.

Unde fit , ut illi ipsi , quos olim vel umbra noxæ terruit , modò neglectui habeant periculosas cogitationes , tactus & aspectus ; ut inter levia numerent animi aversiones , amicitias , familiaritates , odia , susurrationses , iras , & detractiones , de quibus jure dubites , an non sint lethales ; ut graves injuncti muneris neglectiones , votorum violationes , & ortos inde aculeos tanquam inanes scrupulos explodant , & varia sibi sophismata forment , quibus dolosè oblatrantem conscientiam sopire conantur. Mentēs , quæ olim ad bonum fuerant cereæ , & quovis pio motu flexiles , nunc petra duriores & silice sicciores novissimorum memoria , DEI judiciis , Ecclesiæ religionibus nil anguntur , moventur , emendantur.

Uti-

Utinam hæc satis ordinaria etiam in cœnobiis esse, tristis experientia non doceret. O quoties etiam ibi ingemiscere licet: heu! *quomodo obscuratum est aurum, mutatus est color optimus: en! qui nutriebantur in croceis, amplexati sunt stercora: &, qui erant Nazaraei candidiores nive, ah! quomodo denigrata est super carbones facies eorum.* (q) Solùm oculos nonnihil circumferamus, ac plurima eaque viva allatæ veritatis testimonia conspiciemus. Et demum prò dolor! quid aliud sunt illi graviores lapsus & ruinæ; quid illæ Ordinum desertiones ac subin omnino defectiones à fide, quàm totidem tristia subtrahæ gratiæ monumenta, à divina Nemese nostra ætate, ut nobis terrori forent, hinc atque illinc erecta?

Nos ipsi mentis intima scrutemur, & videamus, an non etiam nos hanc auxiliorum subtractionem variis in occasionibus jam experti fuerimus? Argumento sint sacra exercitia, animi

I 4

collecti-

(q) Thren. 4. v. 1. & seq.

collectiones, tyrocinii curriculum, alii-
 que ejusmodi dies salutis; an non fa-
 teri cogimur, plurimas nunc nobis
 illustrationes piasque motiones ab illo
 tempore fuisse ademptas, ex quo unà
 cum illis operari negleximus? Nempe
DEUS non irridetur; (r) deferentes
 se, tandem & ipse deserit.

Proin cave ô anima! ne quod aliis,
 etiam tibi eveniat. Nam *ultor Domi-
 nus (s) arcum suum jam tetendit, (t)
 & exacuit sicut fulgur gladium suum.*
(u) Forsitan res in eo jam est, ut de-
 stinata tibi favorum catena, virtutis
 stola, & gloriæ corona à te ablata,
 alteri conferatur digniori te. Itaque
 time; nam *DEI judicia abyssus multa;*
(x) licet enim hæc castigatio omnium
 terribilissima sit, ordinaria tamen,
 simulque justissima est. *(y)*

O *DEUS magne & terribilis! timor
 & tremor venerunt super me. (z)* Metuo,
 ah!

(r) Gal. 6. v. 7. (s) Jerem. 51. v. 56.
 (t) Psal. 7. v. 13. (u) Deut. 32. v. 41. (x)
 Psal. 35. v. 7. (y) Dan. 9. v. 4. (z) Psal.
 54. v. 6.

ah! metuo, ne me eodem quo Saul-
lem fulmine feriendo, etiam mihi di-
cas: *pro eo quod abiecisti sermonem meum,*
abieci te, (aa) & tui loco alium qua-
sivi mihi virum juxta cor meum, (bb)
paratamque tibi donorum seriem tra-
didi proximo tuo meliori te. (cc) Ve-
reor, ne in pœnam tam projecti abu-
sûs auferatur à me regnum DEI, detur-
que genti, (animæ) facienti fructus
ejus. (dd) Ah! quis non totis artu-
bus contremiscat? dum Heli Samue-
lem, Sauli Davidem, Judæ Mathiam
in regno gratiæ subrogatos legit. Nam,
si hæc in viridi, quid in arido? (ee)
si hæc pontifici, regi, discipulo? quid
mihi fiet? Vah! infelix momentum,
quo illi impulsui restiti. Ah! inæsti-
mabilis thesauri irreparabilem jactu-
ram feci.

*Quis ergo dabit oculis meis fontem la-
crymarum,* (ff) quæis defleam tam flagi-
tiosum divinæ bonitatis contemptum?

I 5

Uti-

(aa) 1. Reg. 15. v. 23.	(bb) 1. Reg. 13.
v. 14. (cc) Ibid. v. 28.	(dd) Matth. 21.
v. 43. (ee) Lucæ 23. v. 31.	(ff) Jerem. 9.
v. 16.	

Utinam neglecta redirent lumina ! ô
quàm fidelius his auscultarem ! Indi-
gnus quidem sum, ô *DEUS miserationum* ! (gg) cui vel unicum denuo au-
xilium conferas. Quia tamen etiam
tunc, *cùm iratus fueris, misericordia re-*
cordaberis, (hh) spero ab infinita cle-
mentia tua victricem gratiam, quæ
vitæ priori finem, & sanctiori ini-
tium faciat.

§. III.

Regula divinos instinctus dignoscen-
di, iisque auscultandi modus.

GRatiarum abusûs quàm horrenda
indignitas, quàmque terribilis
sit, qua plecti consuevit, pœna, pau-
lò ante, mutuatis ex orco carbonibus,
ita adumbravi, ut nullus dubitem,
quin firmiter decreveris, divinis ejus-
modi vocibus morigeras posthac au-
res te præbiturum. Proinde solùm su-
pèresse videtur, ut te paucis edoceam
1. artem eas dignoscendi, 2. modum
docili

(gg) 2. Esdr. 9. v. 31. (hh) Habac. 3. v. 2.

docili mente iisdem obsecundandi;
3. adjectis hunc in finem novis inci-
tamentis.

I. Primò itaque ut faciliùs divinos I. ^{Regulæ di-}
instinctus rite cognoscas, sequentes ad- ^{vinos in-}
hibe industrias. Inprimis animi col- ^{stinctus}
lectioni interdum stude, ut represso af- ^{dignos-}
fectionum tumultu, Divini Pneuma- ^{cendi.}
tis susurros faciliùs percipias. Quàm
parum enim ac *in malevolam animam*,
æquè parum in dissipatam *introibit sa-*
pientia, (A) Spiritûs Sancti magiste-
rio docenda; nec Jairi filia excitantem
Christi vocem priùs audit, quàm
is ejectionem domo *turbam tumultuantem*
vidit. (a) Dein geminos eosque jura-
tos cœlestis afflatûs hostes nempe cu-
ticulæ amorem & animi teporem pro
viribus excute. Ille enim intellectui
nebulam objicit; hic voluntati com-
pedes injicit; quo fit, ut gratiæ du-
ctum nec ille cognoscat, nec hic se-
quatur. Denique sæpius præsertim
sub meditatione, & post exceptum
cordis hospitio Numen Eucharisti-
cum

(A) Sap. 1. v. 4. (a) Matth. 9. v. 21.

cum , cum Saulo exclama : *Domine , quid me vis facere?* (b) Ne dubita ; grandia non rarò verba tibi loquatur DEUS , quibus notam faciet voluntatem suam.

Ne verò hoc in negotio *transfigurans se Satanas in Angelum lucis*, (c) bonique larvam prætexens , fallaces tibi pedicas struat , illud Joannis Apostoli monitum tibi habeas apprimè commendatum : *nolite credere omni spiritui ; sed probate spiritus , si ex DEO sint.* (d) Idcirco regularum de discernendis spiritibus hoc tibi compendium habe.

1. Attende , num hi , quibus impelleris , motus animum consolatione , lætitia , pace repleant , magisque te ad sectandam perfectionem accendant ? vel num è contrario potius mentem distractionibus , turbatione , nausea , tædio , tristitia obruant : pravas motiones excitent , teque in virtutis studio

(b) Act. 9. v. 6. (c) 2. Cor. 11. v. 14.
(d) 1. Joan. 4. v. 1.

dio tepescere faciant? Posterioris notæ impulsus dæmonem habere auctorem in comperto est. Nam teste Elia *non est in commotione Dominus*; (e) *cùm sit DEUS consolationis, DEUS pacis, (f) formans lucem, & fugans tenebras. (g)*

2. Adverte, num sentias tibi ab Omnipotente promitti tantum pecuniæ spiritalis seu virium, quantum ad exequendum, quod moliris, opus exigeretur; *ne, posteaquam posueris fundamentum, & non potueris perficere, omnes, qui vident, incipiant illudere tibi, dicentes: quia hic homo cæpit edificare, & non potuit consummare. (h)* Ejusmodi autem superna pollicitatio, opisquæ suffecturæ spes divinæ vocis indicium est.

3. Nota, num hi instinctus perseverent, pergantque semper & constanter te incitare ad bonum? Nam inconstantia signum mali est & levis spiritûs, *qui similis fluctui maris à vento movetur, & circumfertur. (i)*

Præ-

(e) 3. Reg. 19. v. 11. (f) 1. Cor. 1. v. 3.
 Item cap. 13. v. 11. (g) Isa. 45. v. 7. (h)
 Luc. 14. v. 29. & 30. (i) Jacob. 1. v. 6.

Præterea (ut Author nobis S. Ignatius est) observabis quoque principium, medium, & finem horum animi motuum. Eorum *initium* seu originem quod attinet, animadvertes, num eosdem sentire incipias, quando fervore accensus, consolatione perfusus, pace beatus, suavi malacia fruëris? vel num assurgant tempore amaritudinis, tristitiæ, teporis vel alterius prævæ affectionis, quæ rebelli tumultu animi regnum turbet. Item num tempore non suo, sed impertinente in animam irruant? dum nempe alio opere vel negotio, ab obedientia instructo, occuparis, quocum hæ motiones non solum nullam habeant connexionem, sed nec combinari queant; ita ut ei rite exequendo, impedimento sint? Præposterus ejusmodi impetus è cœlo non est; cum nil cœleste heteroclyton sit.

Dein *medio* tempore, quo tales impulsus durant, observa, num interiori quiete voluntatem tranquillent, & intellectum superna claritate illustrent? vel

vel an potiùs hunc tenebris obscurent; illam verò radiis inquietent? Denique sub eorum *finem* attende, num menti infixum relinquunt salutarem stimulum, qui te impellat ad perfectionis semitam alacriùs decurrendam, ad actiones quotidianas perfectiùs peragendas, ad refrænandos sensus, mentisque collectionem accuratiùs conservandam? vel num te cœlestium nausea, virtutis fastidio, tristicique acedia afficiant, dissipent, affligant, tepidumque reddant? Primum boni erit genii; alterum verò mali indicium.

Nam (ut sapienter notat S. Bernardus) *anima bono spiritu interiùs afflata, sancta inspirationis certa habet indicia, fervorem scilicet, pacem & humilitatem.* (1) Si enim demissum te, ferventem, pacatum & magis indifferentem reddant, genuinum id aurum esse indubius judica. Præterea cœlestes instinctus Sacræ Paginæ & Theologiæ placitis, receptis Ecclesiæ moribus, familiæ religiosæ usibus, statûs nostri obligationo-

(1) Serm. 32. in Cant.

gationibus & ministeriis consentanei sunt ac conformes. Idem quoque nostræ indoli & ingenio, naturæ viribus & habilitati, nec non conditioni, officio, ætati semper accomodati sunt, & aptati. Quæ ipsa Divini Spiritûs comis adeò facilitas, benignaque humanitas nos reos amplius magisque inexcusabiles reddit, si *dura cervice & incircumcisis cordibus & auribus* eidem nihilominus *resistere* pergamus. (m) His ergo regulis usus, si *separaveris pretiosum à vili, quasi os DEI eris*; (n) & *spiritus mendax non decipiet, nec prævalebit adversum te*. (o)

II.
Iis auscul-
tandi mo-
dos.

II. Porro postquam his industriis cognovisti, divinitus te instigari, divinæ voci auscultabis 1. *promptè*, vitando omnes moras: 2. *generosè*, rumpendo omnes remoras: 3. *constanter*, cavendo omnem in bene cœptis remissionem. Inprimis præcipitandæ sunt omnes *mora*; *hilarem enim datorem diligit DEUS*. (p) Morosus quantopere

(m) Aët. 7. v. 51. (n) Serm. 15. v. 19.
(o) 3. Reg. 22, v. 22. (p) 2. Cor. 9. v. 7.

copere Ei displiceat, experta est illa Sulamitis, (q) quæ, quia pulsanti non statim aperuit, lentam cunctationem diu multumque luere debuit. Nempe grandis nimium & excelsa Domini exercituum, regumque Regis majestas est, quàm ut à vili vermiculo, ad quem suâ gratia invisere dignatur, repulsam inultus ferat. Accedit, quod hac dilatione favor cœlestis minuatur, difficultas augeatur, summumque anima discrimen incurrat, ne postea perficere ob defectum opis & occasionis haud amplius queat, quod, cùm potuit, agere in tempore noluit.

Dein perrumpendæ sunt omnes *remora*. Si enim aliquando, cur non modò? Idem, qui post sæcula, jam hodie regnat DEUS, æquè munificus in munerando, ac rigidus in puniendo. Si res, quæ à te exigitur, difficilis non foret, merito præmioque careret; quò gravior tui victoria, eò major erit gloria. Age ergo, pavorem pone, generosa in ausa assurge; Tobix piscis est,

Pars I.

K

quod

 (q) Cant 5. v. 6.

quod expavescis, & times. Solùm audacter *apprehende branchiam ejus*, (r) & vicisti. Mox cum timore omnis etiam labor evanescet.

Denique bene cœptis *constanter* insistendum est. Quid enim juvat incepisse, & iterum à proposito resiliisse? Quid prodest ædificasse, si quod dextra exstruxit, sinistra iterum destruat? Quid juvat lapidem in montis verticem protrusisse, si remota manu eundem denuo ad ima devolvi sinas? Hæc inconstantia non nisi majori pœna te dignum reddit; cùm cognitioni non respondeat effectus, nec talentis negotiatio.

Igitur sedulò inquire, quid DEUS à te repetitis impulsibus cumprimis petat? cujus appetitionis victoriam, qualis rei sacrificium, cujus vitii fugam iteratò exigat? qualem virtutis actum exerceri à te, quod opus bonum patrari, qualem corporis afflictationem assumi urgeat, optetque? In summa:
quid

(r) Tob. 6. v. 4. & s.

quid fieri à te, quid omitti impensius postulet? Hic jam suspenso gradu ac vigili aure, quid mens reponat, ausculta, & (quod Apostolus monet) *noli negligere gratiam, quæ est in te, & quæ data est tibi.* (s) Secus cave, ne etiam tu cum illo servo nequam, *qui acceptam mnam abiens fodit in terram, & abscondit,* (t) *ejiciaris in tenebras exteriores.* (u)

III. Ejusmodi enim gratiarum prodigos Nepotes perdendæ salutis criticum discrimen incurrere, palam enuncio. III. *Incitamenta eos sequendi.* Asserto veritas ex mox dicendis constabit. Nam primò coeantes hæ motiones divinitus immissæ, sunt illa subsidia, quibus æterna Bonitas nos à *via lata ac spatiosa, quæ ducit ad perditionem,* abducere; & ad *arctam alteram angustamque semitam, quæ ducit ad vitam,* adducere consuevit. (x) His ergo spretis, quid aliud superest, quàm ut teporis veterno immersi, tandem evomamur ex ore DEI, nostrisque in-

K 2 fruni-

(s) 1. Tim. 4. v. 4.

(t) Matth. 25. v. 18.

(u) Matth. 22. v. 13.

(x) Matth. 7. v. 14.

frunitis appetitibus perditè relictī, sinamur *abire post vestigia gregum.* (y)

Præterea qui media negligit, etiam finem respuit. Nos religiosi qui sumus, sub lethali noxa tenemur tendere ad perfectionem nostro statui congruentem, utque in virtute progrediamur, saltem conari. Jam verò adjumenta præcipua id exequendi, dictumque conatum exercendi sunt sancti hi impulsus ac illustrationes. His ergo qui passim & temerè abutitur, gravi huic obligationi suæ non satisfacit; id est, ad perfectionem non seriò tendit; adeoque in eo statu versatur, in quo salutis periculum incurrit; cùm illa subsidia abjiciat, quibus solis res hæc, graviter præcepta, rite expleri queat.

Ad hæc sine supernis fidei, spei, & charitatis actibus, per vitæ cursum elicitis, cœli gloriam adulatorum nemo acquireret; & sine pari ejusdem ordinis dolore criminum condonationem peccatorum nullus obtinebit. Hi autem
actus

(y) Cant. I, v. 8.

actus sine præviis cœlestibus auxiliis elici nequeunt. Ergo qui ista sibi oblata petulanter rejicit, dictos actus nunquam eliciet; adeoque æterna beatitudine nunquam potietur. Item: actum est de reo, quem, veniam rogantem, iratum Numen non exaudit. Atqui teste Gregorio Magno non exaudiet te, quicumque ejus voci rebelles usque obturas aures. *Qui DEO interiùs inspiranti, & monenti non obedit,* (S. Gregorii verba sunt) *is noverit, se ad DEUM in suis precibus aspirantem, non audiendum, nec exaudiendum.* (z) Inde jam conclude, in quàm magno tales sempiternæ perditionis discrimine versentur.

Denique sine dono perseverantiæ finalis, ut ajunt, perdita est anima etiam sanctissima. Illa autem ex sententia Patrum & Doctorum sæpe habet (æterna Mente rem ita ordinante) secretam miramque connexionem cum memoratis impulsibus divinis; ita quidem ut his protervè neglectis, non ra-

K 3

rò

(z) L. 4. Moral. c. 1.

rò etiam illam subtrahat ille ipse ultor
 DEUS, cujus judicia sunt abyssus
 multa; in pœnam scilicet crassi illius,
 quem hæc neglectio involvit, immen-
 sæ Bonitatis despectûs.

Itaque, ô prodige gratiarum con-
 temptor! his territus deinceps melio-
 ra decerne; cumque vindex illud Nu-
 men identidem *conterat multos, & sta-*
re faciat alios pro eis, (aa) time, ne
 eodem turbine etiam tu involvaris.
 Certè Hebræis Gentes, Græcis Lati-
 nos, Hæreticis Europæis Americanos
 & Japones substitutos miramur. Quod
 integris nationibus contigit, cur non
 etiam tibi evenire possit? tibi, inquam,
 quem tam pertinax tot auxiliorum
 abusus alijs nocentiorum reddit. Præ-
 fertim cùm subtractio gratiarum pœna
 non minùs frequens quàm terribilis
 sit. Quin imò & justissimam esse Au-
 gustinus enunciat, dicens; *justissimum*
est, ut amittat unusquisque illud, quo
bene uti noluit; &, qui sciens rectum, id
tamen

(aa) Job. 34. v. 24.

tamen non facit, æquum est, ut amittat etiam scire, quod rectum est. (bb)

Proin, ô mortales ! *hodie adhuc si vocem Domini audieritis, nolite, ah ! nolite obdurare corda vestra. (cc)* Sed (quod Bernardi monitum est) inposterum loquenti interiùs DEO duas aures commodate, unam scilicet intelligentiæ, alteram obedientiæ ; unam, qua cum Elia in sibilo auræ tenuis humiliter audiat, *que sit voluntas DEI bona, beneplacens & perfectæ ; (dd)* alteram, qua fideliter auditis obsequamini. (ee)

(bb) S. Aug. de lib. Arbitr. (cc) Psal. 94. v. 8. (dd) Rom. 12. v. 2. (ee) In Epist.



CAPUT IV.

DE DOMINANTE AFFECTIONE.

Aperitis asceseos Magistris jure hæc pestis (quæ vulgari voce passio prædominans appellari consuevit) inter præcipua virtutis solidæ impedimenta numeratur, illique *draconem magno ac rursus assimilatur*, qui, *habens iram magnam, persecutus est mulierem* illam à S. Joanne in sua Apocalypsi depictam. (a) Nam etiam dominans menti affectio animam crudeliter vexat, perpetuò insectatur, & coronata tyrannide premit, tristissimasque in ea strages identidem patrat. Hæc enim est ille *fortis armatus*, qui ira *custodit atrium suum*, ut raro fortior eo superveniens eum vincat; (b) cum ejus notæ inimicus sit, quo non nocentior alter, nec favior. Id autem ut clariùs

(a) Apoc. 12. v. 3. & seq. (b) Luc. 11. v. 21.

rius pateat, I. ostendam ejus nocendi vim, II. proponam ejus detegendi artem.

§. I.

*Dominantis affectionis summa
nocendi vis.*

I. **I**N primis ejus nocendi vis est *uni-*
versalis; nam omnia universim, *Est hostis*
 & omnes dira rabie aggreditur. Ne- *universa-*
 mo quippe mortalium est, quantum-
 vis perfectus, suis quem insidiis non
 appetat: nullum vitæ genus aut con-
 ditio, cui suum virus non afflet. Dein
 non est locus, quò non penetret: non
 virtus, cui bellum non moveat: nul-
 lum est opus adeò sanctum, cujus vel
 initium, vel saltem finem, aut me-
 dium aspersa labe non corrumpat: ubi-
 que se insinuat: nullam inferendæ cla-
 dis occasionem negligit. Omnium de-
 nique, quæ animam fœdant, noëvo-
 rum: maximarum, quæ orbem in-
 undant, ærumnarum infelix fons est
 & origo.

Verbô : ejusmodi vehemens ac rerum potens cordis commotio non solum viciat omne bonum , sed insuper creat omne malum ; non est noxa , cujus mater , nutrix , aut patrona non sit. Quin imò nec dæmon (id quod notari speciatim cupio) imò nec dæmon , licet stygia accensus fame , diu noctuque , *tanquam leo rugiens , circumeat , quærens , quem devoret* , (c) nocere nobis posset , nisi illa , rectè colludendo , nos proderet. Tanta tamque universalis ejus nocendi est vis. Singula depromptis ex S. Codice factis dilucidemus.

1. Primò non est hominum genus , quod hæc lues non infestet. Vel ipsos Servatoris discipulos eò impulit , ut inter se ambitiosi contenderent , *quis eorum videretur esse major ?* (d) Ipsum , de se nimium præsumentem , Petrum reddidit perjurum. Proprio judicio plus justo deferentem , Thomam effecit incredulum. Judam argenti nimis cupidum eò adegit , ut ex
Aposto-

(c) 1. Petr. 5. v. 8. (d) Luc. 22. v. 24.

Apostolo in proditorem, homicidam
& orci titionem degenerârit.

In summa: nec principum throni,
nec præfulum peda, nec pontificum
thiaræ à pestiferis ejus insidiis immu-
nes sunt. Sub ipsa etiam veste religio-
sa non rarò abdita delitescit. Adcò
nulli mortalium hæc pernicies parcit;
cùm nemo unus in orbe sit, cui pra-
va quædam affectio non dominetur,
vel saltem imperitare non tentet.

2. Præterea nullus est locus adedò
sublimis aut sanctus, quo impudens
hæc lena non irrumpat. Cum Helio-
doro in ipsum Solymæ templum, the-
sauros direptura, profiliit. (e) Cum
Jeroboamo ipsum altare in Bethel pro-
fano pede calcavit. (f) Cum Ozia ip-
sum *thuribulum*, ut adoleret incensum, fa-
crilega manu arripuit. (g) Quin imò
in ipsum usque cælum *super astra DEI*
rebellis ascendit; ubi cum Lucifero
similis altissimo esse, & in monte testa-
menti

(e) 2. Mach. 3. v. 23. (f) 3. Reg. 13. v. 1.
(g) 2. Paral. 26. v. 19.

menti in lateribus Aquilonis sedere, superba contendit. (h)

Inde verò in præcepta acta, ipsam postmodum Christi sanctitatem (furore caustidicum agente) gravissimorum scelerum postulavit; dum eundem ut potatorem vini, populi seductorem & everforem Templi publico in foro accusavit, traduxit, infamavit. Adeò locus est nullus, quò non irreat: sanctitudo nulla, quam maledico dente non laceßat: virtus nulla, quam inficere aspersa fuligine non nitatur hæc tartari progenies.

3. Nec his contenta, maximorum insuper, quæ orbem corruerunt, criminum tristissimarumque calamitatum infelix causa est & scaturigo. Hæc enim Italiam Vandalis, Mauris Hispaniam, Asiam Turcis diripiendam prodidit, & ferro tradidit flammisque depopulandam. Hæc Græciam & Angliam à centro unitatis diro schismate separavit. Hæc Cainum ad Fratris necem,

(h) Isa, 14, v. 13, & 14.

cem, Davidem ad adulterium, Salomonem ad idolorum cultum, Jezabellem ad Nabothi lapidationem, Herodem ad infantium cadem duxit, impulit, præcipitavit. Imperans eorundem animis malevolentia, ambitio, luxuria, avarities horrenda hæc monstra progeniuit.

Dominans Jacobi natis invidia erat illa *fera pessima*, *qua devoravit Joseph*, (i) & patrem ingenti luctu prostravit. Dominans Aaroni timor fuit ille nefarius artifex, qui *opere fusorio fecit vitulum conflatilem*, quem adoraverat Israël. (1) Dominans Pharisæis livor, Sacerdotibus odium, Pilato respectus sacrilegus ille carnifex fuerat, qui Christum duos inter latrones medium è cruce suspendit. Verbô : ut paucis complectar omnia ; imperitans hæresiarchis superbia, dynastis libido, curionibus intemperies, religiosis tepor, Europam hæresibus, miseriis regna, paræcias offendiculis, religiones defectionibus implevit, afflixit, functavit.

(i) Gen. 37. v. 33. (1) Exod. 32. v. 4. & 8.

stavit. Inde jam, hujus mali universalem nocendi vim dimetiari, licet, utpote à cujus malignitate status hominum nullus, virtus nulla, aut locus sat tutus est ac immunis, cui subdola orcino rictu non inhiet.

Et tamen, ô futurorum improvide! & tamen hoc monstrum tuo in corde non solum quietè nidulari, sed & impunè leges tibi dare permittis; quamvis magistra experientia doctus, inflicta tibi vulnera, illataque ab eodem damna ipse sentias, lugeasque. Verùm edic, quousque tandem impio huic dominatui famulum subdes colum? quamdiu adhuc tam vili tyranno noxiam adeò servitutem servies? quousque feres, ut appetitus rationem, servus dominam, *filius ancille filium liberae* tam iniquo mancipatu premat; utque *is, qui secundum carnem natus est, persequatur eum, qui secundum spiritum?* (m) Age ergo, martios in æstus exardesce. Memento, quia *non sumus ancilla filii, sed liberae*; & tandem

(m) Gal. 4. v. 29,

dem aliquando excute , & solve jugum
ejus de cervicibus tuis , (n) ut tristi hac
tyrannide exemptus , fruaris libertate ,
qua Christus nos liberavit. (o)

O Domine ! qui liberâsti Daniele
de lacu Leonum , (p) eripe me quoque
â prava morione mihi dominante ;
cùm hæc omni tygride sævior sit. Da ,
ut perfectò odio oderim , (q) & nunquam
cicuranda aversione detester hanc ma-
lorum Lernam. Hæc est enim illa (id
tua luce illustratus , nunc clarè agno-
sco) hæc , inquam , est illa â Daniele
conspecta in visione noctis , bestia terri-
bilis & fortis nimis , dentes ferreos ha-
bens magnos , quibus omne virtutis ro-
bur comedit , comminuitque , & reliqua
pietatis semina pedibus suis proterva
conculcat. (r) Proin cœlestes , quæso ,
suffice vires , queis roboratus , huic
tam exitioso hosti bellum victricibus
armis ita inferam , ut & ego olim me-
rear stare inter eos , qui vicerunt bestiam ,
haben-

(n) Gen. 27. v. 40. (o) Gal. 4. v. 31.
(p) Dan. 6. v. 27. (q) Psal. 148. v. 22. (r)
Dan. 7. v. 7.

habentes citharas DEI, & cantantes canticum agni. (s).

II. *Subdolus, & perti-*
nax; II. Præterea modus, quo perniciosus hic adversarius nos impugnât, valde callidus est, ac summè pertinax. 1. Instar Vertumni varias induens formas, & virtutis larva se regens, nunc zelum se esse, modò charitatem, nunc discretionem mentitur. Profusionem, ambitum, lasciviam, sorditiem, iram & alias hujus furfuris noxas libertatis, justitiæ, urbanitatis, temperantiæ, magnanimitatis pallio vafre obnubit; seque *transfigurans in angelum lucis*, (t) intellectui ut licitum depingit, quod tamen ipse in aliis ut vitium damnat. Et quamvis voluntatem crudeli tyrannide per invia & devia impotens rapiat, ac animæ subdolum proditorem alter Sinon agat; tamen amicam se ac innoxiam miris artibus fingit. Quin ipsam quoque rationem ita infatuare novit, ut etiam ea subin, quæsitis coloribus, illius oblinere fœditatem, ac malitiam tutari, cæca laboret.

Hujus

(s) Apoc. 15. v. 3. (t) 2. Cor. 11. v. 14.

Hujus fraudulentia monumenta in sacris paginis obvia passim occurrunt. Unum vel alterum delibasse sufficiat. Cogitabat *Nabuchodonosor Rex omnem terram suo subjugare imperio*; cumque nationes exteræ omnes uno animo contradicerent, indignatus juravit per thronum & regnum suum, quod defenderet se de omnibus regionibus his. (u) En! quàm altum impudentiæ gradum imperans affectio non conscendat, si liberè dominari sinatur. Ambitiosus ille regnorum helluo injustè alios ipse impugnabat, & tamen se lacescitum conqueritur. Ille jubet incolas omnes occidi, omnia sata succendi, omnes arbores & vineas incidi; (x) & cum ipse hæc agat, cogi se jurat, ut defenderet se; licet à nemine nec hilo fuerit latus. Insaturabili suæ ambitioni & cruentæ rapacitati justæ sui tutelæ titulum obtendit. Injustissima aggressio æqua illi defensio fuit. Quod manifestum fuerat scelus, regalis illi virtus erat. Adeò vafre imperans motio illudere, ac vulpinari novit.

Pars I.

L

Huic

(u) Judith. i. v. 7. & seq.

(x) Ibid. v. 17.

Huic simile factum in libro Numerorum legere est. Ibi *surrexerunt contra Moysen Dathan & Abyron, alique filiorum Israël ducenti quinquaginta viri, omnes procures synagoga.* (y) Ratio rebellandi teste Ecclesiastico livor erat & ira; nam propter invidiam circumdederunt illum & in iracundia. (z) Hæc duo monstra in eorundem animis sceptrum rotabant. Et tamen his æquitatis ceruissam illinunt, iniquum, quem Moyses sibi arrogaret, dominatum prætexentes. Quod impia seditio erat, zelans ipsis religio fuit.

Ananias conscia uxore sua fraudavit de pretio agri à se venditi, & afferens solum partem quamdam, ad pedes Apostolorum posuit. (aa) Et en! quod turpe mendacium fuerat & sordidum proprietatis vitium, illi sapientem curam & futurorum providam sollicitudinem interpretabantur. Judas suam ex avaritia natam indignationem, qua Magdalenam, ob infusum Christi pedibus unguen-

(y) Num. 16. v. 2. & seq.
v. 22.

(aa) Act, 5. v. 2.

(z) Eccli. 45.

unguentum, reprehendit, misericordiæ velo palliavit, dicendo, *potuisse venundari, & dari pauperibus.* (bb) Furandi cupiditatem pauperum amorem appellabat. Nempe adeò callidè subdolus hic hostis virtutem mentiri novit, ac pietatis larva noxias fraudes occulere, ut acuto sit opus oculo, quo doli detegantur.

2. Nec minor hac vafricie illius quoque, qua nos usque impugnat, pertinacia est. Hujus nobis vestigia Jonas Propheta in se expressa reliquit. Inordinatus proprii honoris amor ejus animum altè infederat. Timor perdendæ, aut minuendæ saltem famæ, nî prædictioni eventus responderit, eum compulit, *ut fugeret in Tharsis à facie Domini*, qui jussit eum ire in *Niniven civitatem grandem, & prædicare in ea.* (cc) At ecce! vindex Nemesis passibus æquis fugientem insequitur. Fit tempestas magna in mari: cadit fors super Jonam: mittitur in mare: deglutitur à pisce: post triduum ab eodem denuo

L 2

evomi-

(bb) Matth. 26, v. 9. (cc) Jon. 1, v. 2, & 3.

evomitur in aridam. Quis hìc non judicâsset, eum jam sapere doctum, mox citato gradu volaturum *in Niniven civitatem magnam, & predicaturum in ea predicationem, quam Dominus fuerat locutus ad eum?* Et tamen, (vah ! pervicacem pravæ affectionis morbum) & tamen non priùs illuc concesserat, nisi postquam *factum est verbum Domini ad eum secundò.* Tunc primùm *surrexit Jonas, & abiit in Niniven.* (dd)

Nec hìc stitit obstinatum animi malum. Iterato assultu suam exeruit nocendi vim. Cùm enim Ninivitæ ejus hortatu permoti, essent *conversi à via sua mala, & misertus eorum DEUS,* urbem non subverteret, *afflictus est Jonas afflictione magna, & iratus est adeò vehementer,* ut petiverit animæ suæ mori, & dixerit: *Domine tolle, quæso, animam meam à me; melior est enim mihi mors quàm vita.* (ee) Superi ! quæ, obsecro, causa tanti mœroris exstiterat? Audiat terra, & imperitantis appeti-

(dd) Jon. 3. v. 1. & seq. (ee) Jon. 4. v. 1. & seq.

petitûs pervicaciam admiretur. Ratio haud alia fuerat, quam eadem nimia, ut ipse Jonas fatetur, (ff) propriæ existimationis cura, qua doluit ob non secutam, quam prædixerat, civitatis ruinam falsum modò se vatem audire.

Vah ! indomitum hujus pestis virus, quod neque per tumidos æquoris fluctus, neque per projectionem in mare, nec per vivum in ceto carcerem expelli poterat, ac sanari. Quin imò Domino sibi dicenti: *putásne, bene irasceris tu ? reponere est ausus : bene irascor ego usque ad mortem.* (gg) Videlicet verissimum est illud S. Augustini effatum : *nulli irascenti sua ira videtur injusta.* (hh) Usque adeò pertinaciter prædominans passio intimis inhæret fibris, ut etiam efficacissima, quæ ei curandæ adhibentur, non rarò eludat pharmaca.

Nempe mandatrix hæc motio eo ex agmine hostis est, qui nec ceden-

L 3

do

(ff) Jon. 4. v. 2.
(hh) Epist. 100,

(gg) Jon. 4. v. 9, & seq.

do emollitur, nec blanditiis mitefcit, nec annis enervatur: qui ex ipsis, quas retulit, plagis vires & incrementa capit: qui centies victus, millies ad pugnam redit: quocum lucta non nisi cum vita finitur; imò nunquam periculosiùs cum eo, quàm in ultimo agone decertatur; cùm illius operâ tunc daemon utatur, ut in assuetum nos vitium faciliùs propellat. Quis ergò insidiatorem tam universalem, subdolum, & pertinacem non excretur?

III.
*Et tamen
amatus.*

III. Et tamen (quis non ingemiscat?) is ipse est, quem tenerè fovemus, & perditè tutamur: cujus notitiam acquirere, & fraudes detegere, simulata cæcitate, subterfugimus: à quo decipi, vinciq̃ue gaudemus: à quo inflicta nobis vulnera etiam amamus. Quin oculos insuper claudimus, ne videant præcipitia, in quæ incautos nos hæc perniciēs inducit: aures obturamus, ne audiant remordentis conscientiæ latratus, & internam Numinis vocem percipiant, qua discriminis admoneamur.

Et

Et hoc est, quod ejus debellandi difficultatem, nostriq̃ue periculi magnitudinem tantopere auget. Antagonista enim, qui placet, & diligitur, nunquam seriò laceffitur? leni semper brachio feries, cujus internecionem times. Nempe similes sumus ægroto, cui morbus in deliciis est; qui non nisi dulcia, licet parùm salubria, admittit medicamenta, mallens cum suavisibus ægrotare, quàm per amara sanari. Interea malum altiores semper radices agit, firmatoq̃ue robore, suum quotidie dominatum profert; contra verò indies voluntas languidior, gratia debilior redditur.

Inde patet, quanta sit necessitas, hoc monstrum sine mora in apricum producendi, & continua castigatione domandi. Id enim nî feceris, nullos facies in virtute progressus: veteri semper limo infixus hærebis. Proin generosa surge in ausa, bellum dēnuncia, arma expedi, classicum insona, *quis ut DEUS?* militaris tibi tessera sit. Age, noxias quid moras nectis? . . .

L 4

Sub

Sub te erit appetitus ejus , & tu dominaberis illius ; (ii) id cœlum jubet. Post concupiscentias tuas non eas ; (ll) id ratio vetat.

Excute igitur impii tandem dominatûs jugum, ac animam debitæ libertati restitue. Imperans hæc menti affectio *tortuosus ille coluber est*, (mm) qui, quò leniùs habetur, eó amplius sævit; quò plus ei ceditur, eó magis insolescit : quò feriùs, eó difficiliùs curatur ; cùm carcinoma sit , latius identidem serpens. Ergo ad rem, vindices exere vires, hodie adhuc securis ad radicem ponatur. Animosè incepisse, erit vicisse. Secus, *si præstes anime tuæ concupiscentias ejus, faciet te in gaudium inimicis tuis.* (nn)

Sit ergo ô fortissime DEUS spirituum universa carnis ! (oo) tua fretus gratia ego servus tuus vadam, & pugnabo adversus Philisthæum hunc. Et licèt ille

(ii) Gen. 4. v. 7. (ll) Eccli. 18. v. 30.
 (mm) Job. 26. v. 13. (nn) Eccli. 18. v. 31.
 (oo) Num. 16. v. 32.

ille ad me veniat in gladio & hasta & clypeo; ego veniam ad eum in nomine DEI exercituum. (pp) Nec prius infesta illi signa inferre desistam, donec superbus hostis cristas posuerit, & victus obedire didicerit. Tu Domine, virtus salutis meae, obumbra caput meum in die belli, (qq) ut post gloriosum certamen victor acie excedam.

§. II.

*Dominantis affectionis detegendae
Ars.*

I. Porro methodum, viperinum hunc ^{I.} nidum excutiendi, docebunt sequentia. Quæ, ut planiora fiant, ^{Quid, & quotuplex sit animi motio?} prius breviter declarandum erit, quid, & quotuplex motio, seu (ut vulgus loquitur) animi passio sit? Hæc Doctori Angelico est motus sensibilis potentie appetitivæ (seu irrationalis animæ) ob imaginationem boni, vel mali proveniens. (a) Nam opinio boni movet ad ejus desiderium & amorem; opi-

L 5

nio

(pp) 1. Reg. 17. v. 32. & 45 (qq) Psal. 139. v. 8. (a) 1. 2. q. 22. a. 3.

nio verò mali ad ejus odium & fugam. Eodem Auctore dantur in appetitu concupiscibili tres conjugationes passionum, scilicet amor & odium, desiderium & fuga, gaudium & tristitia. Similiter in irascibili sunt tres, scilicet spes & desperatio, timor & audacia, ac ira, cui nulla alia passio opponitur; & sub his omnes passionibus continentur. (b)

Jam verò tria præcipuè celebrantur illecebrarum genera, quæ appetitus concupiscibilis (ut ajunt) solet amare, desiderare, & de iis præsentibus gaudere; nempe divitiæ, honores, delicia. Quæ ipsa etiam appetitus (ut vocatur) irascibilis sperat, audacter prenfat, & de iis obtinendis subin desperat. Item tres numerantur miseriarum species, quæ appetitus concupiscibilis consuevit odisse, fugere, & de iis, si ingruant, tristari; nempe egestas, contemptus, dolores. Quæ pariter appetitus irascibilis timet; & ob ea, si depelli nequeant, irascitur.

II. Qui

(b) 1. 2. q. 23. a. 3. C.

II. Qui ergo cupit venire in notitiam affectionis animo imperantis, ei subjunctæ adhibendæ erunt industriae. II. *Varia industria detegendi affectionem dominantem.* Prima est, ut si quis tristiores se sentiat, aut solitò lætiores, sedulò inquirat, quodnam illud sit malum, ob quod intensius dolet; vel quodnam illud sit bonum, cujus causa vehementius gaudet. Illud enim incommodum, ob quod angitur, etiam timebit, fugiet, & odio habebit; ob illud quoque irascetur. Adeoque horum id affectuum origo erit.

Contrà verò blandimentum illud, quo quis delectatur, etiam desiderabit, adeoque & amabit, sperabit, & audacter prensabit; vel, si obtineri nequeat, de eo acquirendo desperabit. Igitur, quod consequens est, horum id motuum fons erit. Nam (ut docet S. Thomas) omnes cordis motiones solent *terminari*, seu ultimò desinere in *tristitiam*, vel *gaudium*. (c) Lætatur enim, si malum, quod fugimus, timemus, odimus, securi evadamus;

(c) 1. 2. q. 25. a. 1. C.

damus ; aut si bonum consequamur , quod speramus , diligimus , optamus . Si verò illud effugere , hoc adipisci nequeamus , contristamur .

Proin solerter indagâsse in illud , ob quod quis vel mœrore deprimitur , aut lætitia effertur , efficax subsidium erit , retrogrado per reliquos affectus gressu detegendi passionem , quàm vocant , prædominantem . Ita ex. gr. qui de laudum encomiis , delatis honoribus , vel speciosis muneribus impensius exultat ; aut ob sui despectum , vituperationem , aut ludibrium animo nimium deicitur , facile colliget , superbiam , usurpato temerè imperio , mentis clavum moderari .

Sic dum Jonas tristatur , quod Dominus Ninivitarum poenitentiâ placatus , prædictum à se , urbi excidium non intulerit ; causa hujus tristitiæ fuerat nimia proprii honoris cura , ex superbia suam originem trahens . Contrà verò dum ob projectam ab hedera umbram valde lætatur , & ob eam
dein

dein exsiccatam vehementer irascitur, fons harum affectionum erat inordinatus sui amor, immoderatè de commodis gaudens, ac de molestiis dolens.

III. Alterum remedium est, ut diligenti examine perscrutemur, cuiusnam rei amor, vel odium, desiderium vel fuga, spes aut timor nos pelliciat ad comittenda illa peccata, quæ ordinaria confessionum nostrarum materia esse solent? an non cupido aliqujus honoris, commodi, aut voluptatis? an non horror subeundi cujusdam laboris, molestiæ, aut contemptûs? . . . & facili negotio deprehendemus, plerumque nimiam curam propriæ existimationis vel conservandæ, vel augendæ: aut minùs ordinatum amorem cuticulæ ac commoditatum vitæ geminam scaturiginem esse, ex qua quotidiana piacula largo impetu profluunt.

Ex primo enim, nempe ex superbia emanat illa jactantia & ostentatio:
illa

illa alienæ famæ invidentia & obrectatio: ille ambitus, odia, rixæ. Ex altera, scilicet ex philautia, prorumpunt illa acediæ, libidinis, & gulæ vitia: illa mendacia, contentiones, murmura: illa furta occulta ac votorum violationes, nec non aliæ hujus geniminis viperæ, quæ omnia nimio ad gloriam & carnem affectui suam genesin debent.

IV.
*Subsidium
tertium.*

IV. Tertium ac primo affine subsidium est, ut attendamus, quam de re frequentius cogitemus: quam potissimum res anxios nos & timidos, lætos & cupidos, inquietos, tristes & turbidos reddat. Sic ex.gr. qui animo plerumque versat sensuum & corporis oblectamenta; vel quem timor invaletudinis, aut molesti muneris vehementius angit; aut quem aliorum defectus & mores sapius turbant; indicium est, huic nimium sui studiosum amorem proprium dominari, per fas & nefas omnia incommoda averfantem, cunctisque commodis avidè nimis inbiantem. •Contrà verò qui
non

non nisi applausus & honores somniat, quem successus disputationis ex. gr. aut concionis, vel alterius negotii nimis sollicitum habet; qui officia & loca minùs honorifica horret; huic ambitionem imperare palam est.

Quodsi dein ulteriùs nostra indagine perrexerimus, & promotò gradu ad singularia descenderimus, mox comperiemus, ex illa captandæ ab aliis vanæ laudis cupiditate tacito ortu scaturire famosam illam omnis boni perniciem, respectum nempe humanum cum suo timido orbis idolo: *quid dicent homines?* Ex illa verò illecebrarum, quæ sensibus blandiuntur, appetentia pariter pullulare noxiam illam in manè surgendo pigritiam, quæ ambo inveterati teporis, innumerorum per diem defectuum, ac gravium non rarò lapsuum fœcunda mater consueverunt esse. Quod biceps monstrum cùm plerumque sceptrigero dominatu animi throno insideat, ac propterea inter primaria virtutis solidæ impedimenta meritò recenseatur, in illud postmodum

dum singillatim calamum stringere
constitui.

V.
Industria
quarta.

V. Quarta denique industria hunc latentem in herba colubrum in meridiem producendi consistit in eo, ut advertamus animum ad tacita quædam, quæ se prodere solet, indicia. Nam 1. instar aëris undique, semper, & in omnia toto se nisu intrudentis, etiam dominans affectio in omnes præcipuas saltem actiones seseingere, easque si non imperare, saltem promoveri consuevit. Ubique se insinuat: omnes eventus suum in commodum vertit: nullibi non, quo pacatur, invenit. Sic ex. gr. cujus cordi superbia consulari potestate præest, is in omnibus sibi mirè complacet: cuivis colloquio semper aliquid ad sui commendationem immiscet; ipsos errores dextrè suam in laudem detorquere novit: ipsa sui contemptione intumescit: in ipsa abjectione se erigit. Vel ipsi Servatoris discipuli eo ipso tempore superbierunt, quo superbos spiritus ex energumenis expulerunt,

runt, inaniter gloriando, quod etiam demonia subjicerentur eis. (d)

2. In conflictu cum aliis animæ appetentiis affectio dominans semper supernatat; primas nunquam non tenet: huic motiones reliquæ omnes subdito famulatu servire coguntur: velut cerastes inter vyperas perennem dominatum exercet. Pone tibi ob oculos hominem gulæ vitio deditum; licet id superbia honori: avaritia patrimonio: amor proprius sanitati repugnare, & adversari clamitent; tamen omnes furda aure à gastrimargo prætereuntur. Ventris ingluvies omnibus reliquis, relata victoria, palmam præripit.

Vix odium in Mardocheum Amani pectus pleno jure infederat, mox omnis auri fames, gloriæ cupiditas, amicorum adulatio, uxoris blanditiæ neglecta viluerunt; & cum hæc omnia habeam, (ingemuit miser) nihil me habere puto, quamdiu videro Mardocheum

Pars I.

M

Juda-

(d) Luc. 10, v. 17.

Judeum. (e) Imperans filio prodigo libertatis cupido, omnem patris & patriæ affectum, nec non periculorum timorem procaci pede calcavit. Suspicious metus, ne regno exueretur, Herodem Ascalonitam eò impulit, ut Romæ thesauros profunderet, Cæsari-bus abjectè blandiretur, domumque redux uxorem, Aristobulum, propriosque filios parricidali dextra mactaret. Avarities, arrogantia, libido, caro & sanguis loco cedere debuerunt; cunctis prævaluit dominatrix animi ambitio.

3. Illam, quæ ad clavum sedet, mentis appétitionem mirè præ aliis fovemus, tutamur, & sollicitè excusamus. Potius cujusvis alterius, quàm hujus reos nos argui patimur. Si homini tumore inflato objicias, eum esse ebriosum, avarum, invidum, lenius id feret. At si arrogantem voces, hìc ulceri ungues immittis, & stuppæ flammam. Mirum dictu! potius

(e) *Esth.* 5. v. 13.

riùs alia omnia volet esse, quàm id, quod est.

Dein non rarò nostra *salus ex inimicis nostris est*, & de manu eorum, qui oderunt nos. (f) Nam ji nostros nobis defectus exprobrando plerumque illum acriùs carpunt, qui reipsa chorum ducit. Attende proin, quodnam vitii genus in te alii vehementiùs crebriusque culpent; nec dubita, illud ipsum id esse, quod in affectuum republica Magistratum gerit.

Poterit insuper conscientiae arbiter, postquam cordis nostri intima eidem fuerint plenè perspecta, utilem tibi hac in re navare operam, & digito indice primarium tibi vulnus detegere. Præterea, sicut *granum sinapis*, licèt *minimū sit omnibus seminibus*, tamen postea *majus est omnibus oleribus*, & fit *arbor*; (g) ita quoque appetitùs regnantis non rarò modicissima sunt initia, & primordia in speciem levis-

M 2

pendi-

(f) Luc. 1, v. 17. (g) Matth. 13, v. 31.

pendium fuerit , ad has minutas radices medicam securim ocyus apposuisse. Et hæc sunt præcipua dignoscendæ passionis , ut ajunt , prædominantis remedia ; quibus si ritè fueris usus , imperans tibi vitium facili negotio deteges , detectumque eradicabis.

Age ergo , subsidio examinis particularis hodie adhuc principi appetentiæ bellum denuncia. Quò gravior erit ac diuturnior certatio , eò major te manet gloria , & illustrior corona. Si dignum DEO spectaculum est vir patiens , cum mala fortuna compositus ; nil minùs erit cum indomitis motibus continuò luctans athleta ; & si (ut ait Hieronymus) *grandis virtutis est , secum pugnare quotidie , & inclusum hostem , Argi* (ut fabulæ ferunt) *centum oculis observare ;* (h) quod laudis , & gloriæ fastigium non merebitur ille ? (verba sunt S. Laurentii Justiniani) *qui in se ipso , tanquam in excelsa residens rationali sede , omnem cordis familiam provida gubernatione castigat.*

Qui

(h) Epist. 8.

Qui huic passioni dicit: vade, & vadit: alii veni, & venit: atque servo corpori, fac hoc, & facit. (i) Enimvero homine majus quid, & æthereis Potestatibus affine meritò hunc esse dixero. Igitur moras rumpe, arma expedi, hostem aggredere. Nec dicas cum Augustino: modò, ecce modò: . . . sine paululum: . . . ne fortè etiam apud te hoc modò & modò non habeat modum, & illud sine paululum, in longum eat. (1)

O Domine! *qui imperas ventis & mari, (m) meæ etiam menti malaciam redde. En! cor meum æstuat quasi mare fervens, quod quiescere non potest. (n) Et est quasi regnum in se ipsum divisum, (o) quod subsistere nequit. Venit enim avaritia, & vendicat in me sibi sedem: jactantia cupit dominari mihi: superbia vult mihi esse rex: luxuria dicit: ego regnabo; detractio, invidia & iracundia certant in me ipso de me ipso, cujus ego potissimum esse videar. (p)*

M 3

Et

(i) Lib. de casto connub. (1) Lib. Confess. c. 5. (m) Matth. 8. v. 26. (n) Isa. 57. v. 21. (o) Luc. 11. v. 17. (p) Bernardus Serm. 4. super missus est.

Et sic miser diversas in partes distractus, dum cuilibet servio, omnibus mancipor.

At fixum est, posthac cum Bernardo, *quantum valeo, & ego resistam; renitar, quantum juvor. O Domine Jesu! tibi me defendam; quia tui me juris esse agnosco. Veni ergo, Domine! disperge illos in virtute tua. Tu solus regnabis in me, quia tu es ipse Rex meus & DEUS meus.* (q) Da, ut agnita dominantis mihi affectionis summa nocendi vi, tandem aliquando, adhibitis aptioribus industriis, eandem sedulò detegam, & conjuratis viribus extirpare contendam.

§. III.

De triplici errore in curanda dominantis affectione admitti solito.

HUc usque motionis animo impetrantis noxiam vim ob oculos posui, ejus dignoscendæ subsidia in lucem

(q) Idem ibidem.

cem protuli, in idque multo conatu incubui, ut te ad inferendum illi bellum animarem, armaremque. At ecce! triplex inimicus piis se votis opponit, nempe 1. ignorantia mali, 2. desperatio curæ, & 3. neglectus aptiorum remediorum. Hi tres modò hostes viritum sunt debellandi, ut omnis obtentus dominans vitium impugnandi, penitus concidat.

I. Inprimis aliquos reperire est, qui I.
nolunt intelligere, ut bene faciant: (a) Ignoran-
 qui horrent venire in notitiam morbi, tia mali.
 ne medelam adhibere cogantur: quibus ipsum etiam malum nihil est mali: defectus, quos alii passim in eis notant, soli ipsi ignorant; quin imò ita *obscuratum est insipiens cor eorum*, (b) ut rebelles rationi appetitus etiam asylo beent, & justitiæ clypeo tutentur. Ad illorum verba si attendas, nemo iis demissior, mansuetior, liberalior nemo; cum tamen, oppositi his virtutibus, navi in iis principatum obtineant. Illis si fidem habeas, nul-

M 4

lo

(a) Psal. 35. v. 4.

(b) Rom. I. v. 21.

lo vitio magis carent, quàm quo maximè laborant: quod revera est ira, ambitio, avaritia, libido, invidia; id ab iis zelus, æquitas, parsimonia, levitas, religio nominatur. Et hoc primum est noxæ regnantis propugnaculum, scilicet affectata, ut ajunt, ignorantia mali. Unde fit, ut, cùm morbus ignoretur, nec de medela provideatur; sicque ægritudo, novis indies incrementis aucta, omnem denique medicinam respuat.

Discute jam conscientiæ tuæ fibras, & vide, an non etiam tu, reus cùm sis, insontem te tibi met ipsi mentiaris? An non ab illa affectione, quæ tamen tibi reginæ instar imperitat, immunem te judices, imò & jactes? vel si proditam luem dissimulare haud amplius queas, an non ei fictæ pietatis fucum inducas?

Age, lynceis oculis animi latebras excute, & explora, an non etiam tu certum quemdam murmurandi, alios culpandi, eisque detrahendi pruritum, discip-

disciplinæ studium reputes? An non illam supra alios eminendi, naturæ dotes ostentandi, famamque captandi sollicitudinem, salutis alienæ, & DEI gloriæ zelum esse prædices? An non illam laborum fugam, commodorum appetentiam, molestiarum aversionem providam in curanda valetudine prudentiam nomines? & sic de aliis.

Ita si est, *mentita est iniquitas sibi.*
 (c) O miseri! quicunque id agitis, ah! *decipitis animas vestras*, (d) *fallentes vosmet ipsos.* (e) *Adhuc cecatum habetis cor vestrum, & oculos habentes non videtis.* (f) *Verum hora jam est nos de somno surgere*, (g) tamque crassas ignorantia tenebras infusa luce dispellere. Proin hodie adhuc falso veri larvam, & malo boni pallium detrahimus; absterfaque omni cerussa, vitium solaribus radiis expositum, genuino obtutu contemplemur, ejusque detectam malignitatem totis viribus execremur.

M 5

II. Al-

(c) Psal. 26. v. 12. (d) Jerem. 37. v. 8.
 (e) Jac. 1. v. 22. (f) Marc. 8. v. 17. (g)
 Rom. 13. v. 11.

II.
Despera-
tio cura.

II. Alter inimicus, qui nostri capitalis morbi sanationem impedit, est curæ desperatio, quæ pusillo animo suam originem debet; sunt enim, quibus rebelles hi motus apparent esse *monstra quadam de genere giganteo, quibus comparati sibi locustæ videntur.* (h) Qui illud ipsum sibi occinunt, quod Saul Davidi: *non vales resistere Philisthæo isti, nec pugnare adversus eum, quia puer es; hic autem vir bellator est, ab adolescentia tua tibi dominari assuetus.* (i)

Quin imò, mutuato à SS. Patribus clypeo, suam hanc desidiā tutari conantur, objectando illud S. Cyrilli effatum: *feri non potest, ut insitam carnis concupiscentiam eradicemus.* (l) Nec non illud SS. Dorothei, Leonis, & Hieronymi, quorum hæc sunt verba: *haud possibile est omni carere passione.* (m) *Nullis illecebris commoveri, non est hujus vite.* (n) *Impossibile est, perturbationum*
inini-

(h) Num. 13. v. 34. (i) 1. Reg. 17. v. 33.
(l) Lib. adversus Antropom. c. 1. in Beati mites.
(m) Dorothei. Serm. seu Doctr. 1. (n) S. Leo
Serm. 3. Quadrag.

*in*itiis carere quempiam. (o) His obtentibus ejusmodi vecordes animæ suam hac in re socordiam palliare contendunt.

Verùm enimvero ô boni ! *cor vestrum phantasias patitur.* (p) Equidem his Patrum oraculis assentior & ego. Fateor cum S. Dorotheo : *haud possibile esse omni carere passione.* At notanda sunt pariter , quæ mox subjungit sensa : *non operari autem illas , hoc utique non impossibile est.* Profectò est , ut dicis , ait Bernardus : *velis , nolis , intra fines tuos habitabit Iehuseus.* At verò , licèt is exterminari non possit , attamen subjugari potest. (q) Licèt *passiones totaliter non possint tolli*, (inquit Aquinas) *possunt tamen ordinari.* (r)

Nam(ut bene advertunt SS. Dorotheus , & Augustinus) *aliud est peccatum , aliud affectus* : (s) aliud sensus , aliud consensus. Jam verò *commoverè* teste Chrysostomo , pravosque motus senti-

(o) S. Hieronym. in c. 69. Isaiæ. (p) Eccl. 34. v. 6. (q) Serm. 58. in cant. (r) 1. p. q. 95. a. 2, ad 3. (s) Dorotheus, loc. cit.

sentire, *malum non est ; sed irrationabiliter commoveri*, (t) iisque consentire, id crimen, hoc scelus est. Porro illud prius humanas vires excedere ultrò admittimus. At verò etiam hoc posterius easdem superare, hoc inficias imus. Licèt enim Gentium Doctor Paulus queratur, *se videre aliam legem in membris suis, repugnantem legi mentis suæ*; (u) tamen alibi addit: *castigo corpus meum, & in servitutem redigo*. (x)

Proin secundùm mentem Chrysostomi subigendæ sunt, ac domandæ nostræ à ratione magis alienæ ac belluinæ affectiones, earumque dominatus rationi committendus. At quomodo fieri potest, dicet aliquis, ut belluinam affectionem quis subigat? quid ais mi homo? (prosequitur idem S. Præsul) *en! leones subigimus, eorumque animos cecures reddimus; & dubitas, an affectionum feritatem ad mansuetudinem possis traducere? ergone id efficere nequeas tua in anima, quod perficis*

(t) Hom. 6. de laud. Pauli.

(u) Rom. 7. v.

3. (x) 1. Cor. 9. v. 27.

ficis in bellua ratiocinationum experte? in anima, inquam, ratione prædita, DEI timore impulsæ, divinis gratiis adjuta. Ne, quæso, hos prætextus & excusationes prætendas. Hæc Chrysostomus. (y)

Itaque confide in DEO, (z) & inde veniet auxilium tibi. (aa) Nam anima, ait Bernardus, innixa supra dilectum suum, iram, metum, cupiditatem & gaudium veluti quadrijugum quemdam animi currum bonus auriga reget, & in captivitatem rediget omnem carnalem affectum. Et quid ni? Nam possibilia sunt omnia, innitenti super eum, qui omnia potest. O quantæ fiduciæ hæc vox est: omnia possum in eo, qui me confortat! Cum ergo omnipotentes sint omnes, qui sperant in eum, & omnia possibilia sint credenti; cur solus tu appetentiæ dominatricis curationem desperes? (bb) Itaque pusillanimes has diffidentis animi excute curas. Spera in DEO, (cc) & in eo cum Davide transgredieris murum. (dd) Ago.

(y) Serm. 2. in Gen. (z) Eccli. 11. v. 22.
 (aa) P'sal. 120. v. 1. (bb) Serm. 85, in Cant.
 (cc) P'sal. 42. v. 5.

(dd) *Agonizare pro anima tua, & usque ad mortem certa, & DEUS expugnet pro te inimicos tuos.* (ee)

III.
Neglectus
aptiorum
remedio-
rum.

III. Tertius adversarius, opratam impediens victoriæ palmam, est neglectus aptiorum remediorum ac genuinæ methodi, principale hoc vitium impugnandi. Res nobis est cum antagonista vaferrimo, qui teste Ambrosio prius explorat nostra arma, & dein primum acuit sua tela. (ff) Prius omnium discutit consuetudinem, (Leonis Papæ oraculum est) ventilat curas, scrutatur affectus, & ibi causas querit nocendi, ubi quemque viderit studiosius occupari. Nam, ut sagax est, optimè novit, cui adhibeat astus cupiditatis, cui illecebras gula ingerat, cui apponat incitamenta luxuria, cui infundat virus invidia. Novit, quem morosè conturbet, quem gaudio fallat, quem metu opprimat, quem admiratione seducat. (gg) Verbò: externas tentationes interiori animæ statui

(dd) Psal. 17. v. 3. (ee) Eccl. 4. v. 33.
(ff) L. 1. de Offic. c. 4. (gg) Serm. 7. de Nativ.

tui dextrè accomodat, semperque modò magis periculoso ac debiliori ex parte eandem impugnat, ut eò faciliùs eam in ruinam præcipitem det. Talis ergo inimicus noster cùm sit, à nobis pariter aptior pugnandi methodus usurpanda, spicula magis idonea seligenda, efficaciora pugnae subsidia erunt adhibenda. Sunt autem sequentia.

1. Primum in eo consistit, ut ipsis appetituum initiis mox obsistas, eosque quamprimum ac rebelle caput in altum extulerint, herili dominatu ocyus reprimas, ac refranes. Chrysostomi hoc monitum est dicentis : *quando parvam animi perturbationem suscepseris, ne eam neglexeris, quod parva sit ; sed considera, quanta mala parere possit, nisi mox supprimatur. Id quod paulò post apta similitudine declarat, ita disserens : sicut enim, ait, si in domo parum aliquid stuppæ accensum viderimus, mox conturbamur, tumultum movemus, & ad sopiendum ignem utut modicum citi accurrimus ; quia nempe non initium attendimus, sed ex initio finem funestaque*

que sequelas consideramus; (hh) ita quoque eadem prorsus diligentia harum motionum primordiis occurrendum erit; cum etiam ibi omnis pariter morula summè noxia sit ac periculosa.

Id autem qui præstiterit, is & citius & promptius inimicum prosterneret, ac optata tranquillitate potietur; uti nobis sponsor est S. Dorotheus, sic scribens: *qui in principio vim sibi fecerit, atque pugnando perstiterit, multum sanè proficiet, & deinceps pace bona & quiete perfruetur.* (ii) Contrà verò, qui secus egerit, qui primos hos motus inolescere permiserit, parvasque has viperas corde imprudens foverit, is tam parum illæsus evadet, ac ille, qui ignem sinu recondit. O improvide! ait Salomon, *nunquid potest homo abscondere ignem in sinu suo, ut vestimenta illius non ardeant?* (ll) Jam autem quid aliud sunt hæc appetitionum initia, quàm tenues scintillæ, magnum minitantes incendium? & has tu gliscere sinas?

apage

(hh) In Psal. 6. (ii) Serm. 10. (ll) Prov. 6. v. 27.

apage tam immanem vecordiam. Potius quamprimum ac se movere inceperint, mox eas victrici calce prote-ras, volo, extinguasque.

2. Alterum rebelles appetitus edomandi remedium in eo est positum, ut occasiones, quibus effervesce-re consueverunt, vigili oculo provideamus, ac contra eorundem assultus nos prae-vio munimine obarmemus. Salubre hoc consilium suggerit S. Ambrosius: *cavere debemus, inquiens, ne in perturbationes prius incidamus, quam animos nostros ratio componat. Exanimat enim mentem plerumque aut ira, aut dolor, aut formido; quia improvise percellunt ictu. Ideo praevenire pulchrum est cogitatione, ne mens imparata repentinis infestetur commotionibus.* (mm)

Hujus industriae efficaciam ipse Seneca, solo lumine naturali illustratus, agnovit, dum ait: *hostium adventus illos solum prosternere, quos inopinatio occupat. At qui futuro se bello ante bellum*

Pars I.

N

para-

 (mm) L. I. Offic. c. I.

paraverunt compositi, paratique: primum, qui tumultuosissimus est, ictum fortiter excipiunt. (nn) Tela enim, quæ, dum advolant, observantur, provido corporis flexu facile declinantur. Ne ergo improvisò te feriant, erunt priùs sedulò prospicienda.

3. Modum quod attinet & ordinem, in ipso conflictu tenendum, id cumprimis curandum erit, ut pugnam auspicemur à debellanda principaliori affectione fortiori quæ vitio. Documentum hoc authorem habet Abbatem Serapionem, quem Cassianus sic loquentem inducit: talis latebras sui cordis perlustret, & seligat sibi illam, quam inter reliquas perspexerit dirior, atque adversùs eam specialius omnia spiritùs arma commoveat: & ita semper, validioribus superatis, celerem de residuis habebit facilemque victoriam; quia & mens triumphorum processu reddetur fortior, & infirmior pugna succedens, promptiorem ei faciet proventum præliorum; ut fieri solet

(nn) De consolat. ad Helvi. cap. 5.

solet ab iis, qui coram regibus mundi hujus cum ferocibus congregari bestiis præmiorum contemplatione consueverunt. Hi enim illas feras, quas fortiores robore, vel feritatis rabie diuiores conspexerint, adversus eas primæ congressionis certamen arripiunt; quibus extinctis, dein reliquas, quæ minùs terribiles minùsque vehementes sunt, exitu faciliore prosternunt. Eodem modo etiam vitia semper robustiora primo loco sunt impugnanda; his enim superatis, infirmiora postmodum promptiùs expugnabuntur. (oo)

Alterum, quod huc pertinet, documentum in eo versatur, ut præcipuè primarii appetitùs seu vitii causæ ac scaturigines investigentur, atque è medio tollantur. Id denuo docet idem Abbas Serapion apud Cassianum, hac similitudine usus: *sicut enim faciliùs cujuslibet arboris noxia latitudo ac proceritas exarescit, si antea radices ejus, quibus innititur, vel nudata fuerint, vel*

N 2

succis.

(oo) Collat. 5. cap. 14.

succisa. Et sicut infestantes humores aquarum continuo siccabuntur, cum earum generator fons, ac profluentes vena solerti industria fuerint obturata; (pp) ita & prævalentes pravi affectus facili negotio domabuntur, si detectas eorum causas ac radices generosa manu sustuleris. *Quam ob rem (ut instructuere pergit idem auctor) ut acedia vincatur, prius tristitia, unde illa profluit, superanda est; & ut tristitia propellatur, ira, quæ tristitiam parit, prius extrudenda est; & ut extrudatur ira, philargiria, id est, auri & honorum cupido, calcanda est; utpote quorum jactura iracundiæ flammæ succendit; & sic de reliquis; subtractis enim causis profluentes inde affectus sua sponte deficient, & extinctione præcedentium residua passiones absque labore marcescent. (qq)*

Hac ratione funiculus ille triplex, qua dæmon nos dominanti appetentiæ mancipatos tenet, nempe ignorantia mali, desperatio curæ, & neglectus

(pp) Collat. §. cap. 10. (qq) Idem ibidem.

Etus aptiorum remediorum haud difficulter rumpetur. Nosque, agnita rei malitia, spe in DEUM erecti, per subsidia magis idonea dominantem nobis passionem, usurpato hactenus dominio, tandem exuemus, victamque in triumphum ducemus.



CAPUT V.

DE RESPECTU HUMANO.

Quàm magnum solidæ virtutis impedimentum, quin imò exterminium sit, emersum illud ex inferis monstrum, respectus humanus, nullis coloribus sat depingi, nullo sermone sat exprimi potest. Is enim est execrabilis ille *deus filiorum Ammon, Moloch* dictus, (a) cui olim filii Israël teste Jeremia *initiaverunt filios suos & filias suas*; (b) cùm etiam huic innumeri gratiæ partus, pia scilicet proposita, victimæ immolentur. Is est illud *idolum nomine Bel*, (c) quod non minorem modò animarum stragem, ac illud olim ciborum edere, tartarea ingluvie consuevit. (d) Denique est ille *draco magnus, quem colebant Babylozii*, (e) & cui ipse Cyrus Numinis aliquid

(a) 3. Reg. 11. v. 33. (b) Jerem. 32. v. 35.
(c) Dan. 14. v. 2. (d) Dan. 14. v. 5. (e)
Dan. 14. v. 22.

aliquid inesse excors credebat. (f) Cùm turmatim cæci mortales etiam huic portento : *quid dicent homines?* timidum flectant genu. At Danielis exemplo (g) & ego huic stygio fœtui larvam detrahère conabor, ejus I. stultitiam, II. tyrannidem, III. impietatem omnium conspectui exponendo; ostendamque, quod, licèt commentitius hic deus, alter veluti Bel, *forinsecus* appareat *areus*; *intrinsecus* tamen sit *luteus*, (h) & cordato nemini formidandus.

§. I.

Respectûs humani stultitia.

I. **R**espectus humanus est viciosa cupiditas hominibus placendi, eis-^{I. Præhabet lutum auro.} que displicendi humilis metus, nos impellens ad plurima mala agenda, & bona omittenda, ut aliorum gratiam vel aucupemur, vel vituperium declinemus. Summam hujus vicii stultitiam esse, ex ipsa rei natura elucet.

N 4

Quid

(f) Dan. 14. v. 23.

(g) Dan. 14. v. 26.

(h) Dan. 14. v. 6.

Quid enim stultius, quàm nunc erubescere ob bonum, de quo æternùm gloriabimur; & gloriari de malo, cujus nos æternùm pudebit? plus timere dicteria mundi, quorum ineptiam nos ipsi explodimus; quàm judicia cœli, quorum æquitatem adoramus? malle perdere trium millionum gemmam, quàm futile vitrum; id est, integram majoris gloriæ & felicitatis æternitatem, quàm diurnum hominis favorem? malle offendere DEUM, *qui appendit tribus digitis molem terræ*; (i) quàm vilem homunculum, qui non est nisi *vapor ad modicum parens*? (1) nolle videri bonum, ne displiceas malis; licet ob id ipsum displiceas bonis. In summa: nolle se salvare; quia alii sunt ita amentes, ut velint damnari. Quæ hæc infania!

O famelice popularis auræ captator! fatere, quod res est. Ain', an ignominia afficeret amicum potentem, munificum, divitem, ut gratiam ineas apud lacerum, impotentem, ulcerosum,

(i) Isa. 40, v. 12. (1) Jac. 4, v. 15.

sum, turpem mendiculum? An lacefferes regem, ne contristes ejus stabularium? O insane! injuriam, quam nec homini faceres, supremo Numini infers; cùm eminenter major intercedat distantia inter illum & te, quàm regem & servum. Et hanc infers illi DEO, à quo omnia habes, & unice dependes: qui te eo ipso, quo hæc agis, momento eadem, qua muscam, facilitate conterere potest; & quidem amore vermiculi, qui ipsa impotentia, miseria, indigentia est; cum irreparabili jactura inæstimabilis lucri. Quid, quæso, amentia est, si hæc non est?

II. Sanè si mercator etiam ditissimus certò sciret, se non assecuturum mille aureorum fœnerationem, negligendo illud ipsum opus bonum, quod tu modò tam temerè, ne socium offendas, prætermittis, nullo id modo ob vanos timores intermissurus esset. Tu credis minimum gratiæ & gloriæ gradum hac ipsa pecuniæ summa infinite præstantiorem esse, tibi que pro omni æternitate longè utiliorem fore,

N 5 quàm

II.
Eligit malum magis, ut vitet minus.

quàm omnes totius orbis thesauros. Scis, pœnam, ob ejus neglectum tibi infligendam, acerbiorē fore omnibus suppliciis hujus mundi; & tamen in gratiam hominis, qui *pulvis exiguus est & nihilum*, (m) illum negligis, hanc incurris. Quæ hæc dementia! O Deum immortalem! ergone solùm cœlestia ejus generis bona sint, quæ jure prodigantur ob futilem quemque respectum, ob quem nec terrena negligere-
rentur.

Edic, si quis sibi pedem abscinderet, domum incenderet, gulam frangeret, ut levem culicis morsum effugiat; an non mente captus diceretur? Ah stulte! quid aliud agis, dum animam lædis, gratiam spernis, iustitiales flammās succendis; ut mordax aliquod verbum, inane ludibrium, momentaneæ irrisiōis pulvisculum excutias? quis, obsecro, insanire te neget? O Domine! *aufer iniquitatem servi tui; quia insipienter egi*; (n) dum humanum fa-
vorem

(m) Isa. 40. v. 17. (n) 1. Paral. 21. v. 8.

vorem Divino prætuli. Pudet me à facie insipientiæ meæ! (o) Plura effari pudor vetat.

§. II.

Respectûs humani tyrannis.

I. **A**dhæc noxiæ huius erubescentiæ non solum ingens stultitia, sed I. Privat libertate & existimatione. summa insuper tyrannis est. Quid enim durius graviusque, quam liberum te alieno impetu regi? rationalem te alterius errorem viæ ducem sequi? virtuti natum habere pro recti norma aliorum vitia? sinere te in quamvis partem pro libitu flecti à lunatica eorum opinione, qui cras denuo fecisse te culpant, quod tamen, ut facias, hodie volunt? Quid inclementius, quam subesse illorum cœcæ affectioni, qui contrariis motibus in gyrum instar pilæ aguntur, ac in horas ridiculi mutantur?

Et huic subesse in rebus summi momenti, animæ ac æternitatis? reclamante

(o) Psal. 37. v. 6.

mante intellectus lumine, ingemifcente conscientia, & Coelitibus Nemesis iram denunciantibus; & quidem huic subesse tunc solum, quando agitur de servitio & gloria Numinis; qui idem jugum mox excutimus, dum periclitatur favor aut gratia principis, aut alterius, quem reveremur, superioris?

Quid inhumanius, quàm hominem animantium regem, DEI filium, cœli hæredem non solum secundum bona fortunæ, sed omnino animi, non imperatoris cujusdam aut monarchæ, sed æqualis sibi focii turpe mancipium esse; suamque rationem ac libertatem, quæ maxima ejus decora sunt, alterius phantasiæ spontaneo famulatu mancipare, ac omnem præterea, qua apud alios pollebat, existimationem talis fungi stultæ lubrici victimam immolare; ita ut *venundatus sub peccato*, non jam, *quod probat, bonum hoc faciat, sed quod damnat malum, hoc agat?* (a) O verè servitutem omni Turcica crudeliorem; illa enim solum privare nos

potest

(a) Rom. 7. v. 14. & 19.

potest bonis terrenis, externis, temporariis; hæc verò insuper nos spoliât bonis interioribus, supernis, immortalibus: non solum corporis sanitate, & nominis fama; sed etiam cœlesti gratia, majori gloria, ac ipsa non raro salute æterna.

II. Condolemus miseræ illorum fortissimi, qui olim tyrannorum jussu suis se thesauris ipsimet exuere, proprios infantes paterna manu trucidare, ac denique apertis oculis, ac ridenti ore in succensum clibanum voluntario saltu se conjicere cgebantur. O miser! par in te scœvitias est tui illius idoli; *quid dicent homines*; id enim æquali furore te adigit, ut innumeros gratiæ & gloriæ gradus sponte à te abjicias: ut *parvulos tuos*, nempe optima sanctioris vitæ desideria, *ad petram scandaliz* ipse *allidas*; (b) & in purgantes denique rogos amenti lubentia temet ipse tu præcipites.

Et licet cum Paulo subin, hujus jugi pertæsus, ingemiscas: *infelix ego homo,*
quis

(b) 136. v. 9. & Isa. 8. v. 14.

quis me liberabit de corpore mortis hujus, id est, ex vinculis respectûs humani! licèt, inquam, superno lumine illustratus, viam & modum conspicias, qua te possis liberare à servitute corruptionis, & in libertatem gloria filiorum DEI asserere; (c) tamen, nescio, quo fascinatus philtro, id renuis, subigi gaudes, ac etiam amas tyrannum, captivantem te in lege peccati. (d) Hoc enimvero te quovis servo deteriore reddat; cùm te infame hoc scelus non solum ratione & libertate, sed ipso etiam liberationis voto summa tyrannide exuat. O quis evellet de hoc laqueo & fero mancipatu pedes meos! (e) Fac, Domine, ut etiam mihi pro minimo sit, ut ab homine judicer, aut ab humano die. (f)

(c) Rom. 7. v. 24. & 8. v. 21. (d) Rom. 7. v. 23. (e) Psal. 24. v. 15. (f) 1. Cor. 4. v. 3.



§. III.

Respectûs humani impietas.

I. **D**Enique enormis pariter hujus
monstri impietas est. Hanc ut
pleniùs cognoscas, repentem humi
mentem nonnihil erige, oculos in cœ-
lum attolle, ac rei, quam patras, in-
dignitatem perpende. En ! hanc ip-
sam, quam nunc ex vano metu po-
nere, vel omittere cogitas, actionem
infinita DEI Sanctitas ut impiam, ejus
Sapientia ut stultam, ejus Æquitas ut
iniquam improbat, dissuadet, verat.
Suffragatur æterno annutu trina Perso-
narum unitas: subscribit suo sanguine
Christus: Divinum hoc senatûs - con-
sultum universa cœlestis curia supplex
adorat. Contrà verò abjectus aliquis
ranunculus, temerè ex vitiorum cœno
putre exerens caput, id est, leviculus
quidam socienus, cujus intellectus me-
rus error est, & voluntas vivus Apri-
lis; is eandem rem, interposita aucto-
ritate sua (vah pondus grave!) tibi ut
generosam prædicat, suadet, imperat.

Jam

I.
*Est ingens
vilipensio
Numinis.*

Jam cursum sistatis, ô sidera! & huic scenæ attendatis, velim. Quid eliges jam, ô Christiane? En! spectaculum factus es angelis & hominibus, qui ad faciendam à te electionem cupidi mentem intendunt. Ut cœli decreto auscultes, hortatur custos genius, rogant cœlicolæ, promissis Misericordia, minis Justitia insistit. Solus hic tuus familiaris, objecto inani terriculo, in oppositam te partem impellit. Verbô: qui prohibet, DEUS est; qui jubet, homo.

Jam age, quid statuis? cui obsecundabis? . . . Dubitas! . . . An ergo huic cœnoso coaxanti ranunculo (quid enim aliud est iste gregalis tuus, Numini comparatus?) an, inquam, huic præ S. S. Triade, conculcato ejus mandato, morem geres? . . . Ita est, ais: geram. Verùm adverte, obsecro, quid facias? En! iste ipse corrupti judicii focius tuum hoc factum cum tempore ipsemet ut illicitum reprobabit. Tu ipse sub mortem illud ut fatuum damnabis. Extremo judicii die universus orbis

orbis vesanae improbitatis te arguet. . . .
Reprobet ille, damnem ego, arguant
omnes; nil obest, ais: ringentibus su-
peris sodali huic meo nunc gratifica-
bor. Vah impium te! ergone petul-
cam hujus nihili phantasiâ justissimo
Æternæ Mentis placito præhabebis?...
præhabebo, inquis.

Sed perpende, quæso, te ob eandem
ipsam actionem, qua cupis placere
malis, odio futurum bonis; plusque
vituperii ab his, quàm laudis ab illis
te relaturum. Sic, reponis: displiceam
DEO, modò non displiceam ho-
mini: offendatur Christus, modò non
contristetur amicus: indignentur Cœ-
lites, modò non irrideant sodales: sim
horrori bonis, modò cordi sim ma-
lis. Ita tu non quidem verbis, sed ta-
men factis. O cœlum! hæc audis, nec
tamen excusso fulmine temerarium é
vestigio punis! Quid hîc magis admi-
rer? num insanam mortalium proter-
vitatem; an verò patientem Summi
Entis clementiam!

O Superi ! credere orbis Conditor-
 rem infinitè plus prodesse nobis , ac
 nocere posse, quàm omnes simul res
 creatas : Eundem adorare ut DEUM, ti-
 mere ut judicem, colere ut summè be-
 neficum : palam jaçtare , nos Eum
 amare ut patrem , in Eum sperare ut
 unicum boni fontem , ad Eum
 tendere velut ultimum finem ; & ta-
 men mox eodem vix non momento
 Eum lädere , irritare , laceßere : ho-
 mini , qui *putredo & vermis* est, (a)
 postponere ; idque agere, non ut uni-
 versi ruinam impediamus : nec ut à di-
 ris nos cruciatibus aut probrosa mor-
 te liberemus ; sed (ô stellæ occultite
 radios !) ne vili lumbrico, impudenti
 socieno leve fastidium creemus : ne in
 leviculi homuncionis offensiunculam
 incurramus ; . . . & quidem ex mera
 petulantia, nullo tyranno cogente, ne-
 mine præmiis alliciente, . . . ex solo
 puerili respectu ; . . . idque toties, . . .
 post agnitam rei indignitatem, . . . eo
 ipso tempore, quo Divina, omne me-
 ritum præveniens, dilectio tot aliis nos
 præ-

(a) Job, 25. v. 6.

præfert; infinito amore fovet, ingentibus beneficiis complet; hoc certè ejus generis malicia est, cui læsa Divinitas meritò omni sua immensitate irascitur, & quam delinquentium conditio plurimùm auget, aggravatq̃ue.

Nam quod falsorum numinum cultores fanatico huic idolo sacrilegum curvent genus, id mitiùs ferendum est. At verò quod Christiani plus timeant jocularis cavillationes impiorum, quàm martyres formidârint ignitas sartagines tyrannorum; Christiani, inquam, qui fidei causa impavido vultu tenentur occurrere tortorum ensibus, subire catastas, conscendere equuleos; quod Religiosi, qui ad necem & tormenta pro Christo subeunda umbratili fervore ultrò aspirant; quod hi, inquam, ad unicum hoc verbum: *quid dicent homines?* toti palleant, & contremiscant; quod hos coram nauci socio ob imaginariam contemptûs umbram virtutis pudeat; quod hi amicitiam humanam cum jactura Divinæ mercari non horreant; id profectò tanta tamq̃ue abominan-

minanda perversitas est, quam Dominus jure castigat illa talionis pœna, per Lucam intentata his verbis: *qui negaverit me coram hominibus, etiam hic negabitur coram angelis DEI: & qui me exubuerit, etiam hunc filius hominis erubescet; cum venerit in majestate sua.* (b)

Toties enim aliquo sensu illum negamus, ejusque erubescimus, quoties ex stulto pudore vel bonum omittimus, vel malum committimus. Nam esse quidem pios, nolle tamen videri, ne rideamur ab impiis; odisse quidem vitium, id tamen tegere, ne virtutis cultores habeamur; quid hoc est aliud, quàm profiteri quidem Christum, sed erubescere Evangelium? ejus doctrinam quidem recipere, sed praxin respuere? esse Christianos ore, sed transfugas opere, ac in gratiam hominum prodere causam DEI?

II.
Est quæ-
dam spe-

II. Et certè vix ullum aliud crimen majorem cum merè externo, metu-
que

(b) Luc, 12. v. 8. & 9. v. 26.

que extorto, deorum cultu affinitatem habet ac præsens hæc animi labes. Prioris enim delicti enormitatem Apostolus in eo constituit, quod gentes coluerint, & servierint potius creaturæ, quam Creatori. (c) Quid autem minùs hi faciunt, dum supremam Majestatem offendunt, ne gregalem laudant? Quid enim hoc est aliud, quàm colere cœnum præ cœlo, & servire potius creaturæ quàm Creatori?

Nec obest, quod solùm extrinsecùs tales se simulent; mente verò debitam Superis clientelam semper deferant. Licet enim is, qui solùm fictè Jovi thus adolet, corde Christum adoret; quia tamen aliquod huic trunco numen inesse exteriùs ipso opere loquitur, id jam sufficit, ut desertor audiat, & gravissimi flagicii reus; nam quamvis christianè sentiat, tamen ethnicè agit. Idem præstat, qui ob noxiam ejusmodi verecundiam temerè delinquit.

O 3

Nam

(c) Rom. i. v. 25.

Nam etiam ille non quidem assensu interno (aliàs blasphemus foret hæreticus) sed tamen ipsa actione externa palam ostendit, & declarat, digniorem esse suum hunc contubernalem, cui satisfiat, quàm DEUM; minoris faciendam esse offensam hominis, quàm Numinis; majora esse bona, ob quæ in gratiam amici peccatur, quàm illa sint mala, quibus hæ noxæ puniuntur; & quàm illa sint præmia, quæ in cœlis sperantur. Ut proin respectus humanus propter eam, quæ intercedit, similitudinem non minori jure, ac *avaritia simulacrorum servitus* nuncupetur. (d) Edicite jam, quid de hac animarum peste fœdius dici, quid de ejus malitia execrabilius concepi mente possit?

III.
Est causa
ruinæ gen-
tis huma-
næ,

III. Verùm erramus, dum summa hæc esse credimus. Geminas adhuc sce- nas orbis theatrum spectandas exhibet, quæ hujus portentæ impietatem coloribus genuinis vivaciùs adumbrant. Primam nobis pandit ille *flammeo atque versa-*

(d) Coloss. 3. v. 5.

versatili gladio armatus Cherubim, qui ante paradisum voluptatis custos à DEO collocatus, (e) inde primos Parentes in flebile exilium, interdicto aeternum reditu, tristes propellit. Consideremus jam pedissequas hujus proscriptionis miseras, nempe apertas orci fauces, clausas coeli portas, terram omnium malorum alluvione oppressam; & tam universali mortalium clade attoniti, quis illas aperuerit, istas clausit, hanc oppresserit, percontemur?

Ah! aperuit, clausit, oppressit respectus humanus; dum in Adamo vetitum glutiit pomum, ne uxorem contristaret. Is is est ille prædo, qui genus humanum Jerichuntem profugum immortalitate, justitia, gratiis, appetitionum dominio privavit, *plagis impositis semivivo relicto*; (f) & horum loco mortem, peccatum, cupiditatum rebellionem plena eluvie in mundum invexit. Vah! monstrum execrabile!

O 4

Alter-

(e) Gen. 3. v. 24. (f) Luc. 10. v. 30.

IV. *Et cruenta adeo mortis Christi.* IV. Alteram feralem tragœdiam nobis repræsentat Calvariæ clivus. Intueamur hic unigenam æterni Patris Filium, probosæ trahi tribus clavis affixum, duos inter latrones medium, ab omnibus derelictum, toto corpore saucium, horrendos inter cruciatus & calumnias cum clamore valido expirantem. O cœli! quis, quæso, tyrannus, quæ pasta tigride bellua crudele hoc facinus patravit?

Ah! respondent *angeli, pacis amare flentes*: (g) *inimicus homo hoc fecit*; (h) *respectus humanus est illa fera pessima*, (i) quæ per Pilatum tragicum hoc spectaculum edidit. Cupido placendi Hebræis, Cæsarique displicendi timor, hic Servatorem flagellis discerpfit: hic homicidæ posthabuit, & contumeliis affecit: hic furibundæ plebi innocentem tradidit, in furcam agendum. O nefas horrendum, immane, ingens! ad cujus conspectum meritò sol obscuratur, petrae scinduntur, & ipsa tremunt funda-

(g) Isa. 33. v. 7.
(i) Gen. 37. v. 33.

(h) Matth. 13. v. 28.

fundamenta terræ. Hic certè, si unquam aliàs, hujus pestis stulticia, tyrannis, improbitas orbi exposita patuit; hic suum illa virus ante omnium oculos palam exeruit.

Nam Pilatus hunc oblatum sibi à sacerdotibus hominem criminis purum esse ipse agnovit: sciebat, *quod solum per invidiam tradidissent eum*: (l) publicè fatebatur, se *nullam in eo mortis causam invenire*: (m) quin imò etiam *querebat dimittere eum*. (n) Ac en! vix *Judei clamârunt, dicentes: si hunc dimittis, non es amicus Cæsaris*; (o) cùm ecce! mox in alium abiens virum, æquitatis repente oblitus, sine mora *adduxit Jesum foras*; *sedit pro tribunali*; (p) dimissoque Barrabba, *volens satisfacere populo*, (q) *Jesum tradidit voluntati eorum, ut crucifigeretur*. (r) Vix respectus humanus media è turba impium extulerat caput; vix vocem intenderat, Præsidisque animum

O 5 percule-

(l) Matth. 27. v. 18. (m) Luc. 23. v. 22.
 (n) Joan. 19. v. 12. (o) Joan. 19. v. 12.
 (p) Joan. 19. v. 13. (q) Marc. 15. v. 15.
 (r) Luc. 23. v. 25.

perculerat; mox omnis justitiæ amor, incussus ab uxore terror, conceptus de Messia timor momento citiùs evanuit: mox omne lumen intellectûs, conscientiæ stimulus, futurorum metus subitò interiit. Tanta tamque scelestâ, amens, & tyrannica hujus vitii rabies est.

Huc ergo jam adeste, ô delira aliorum phantasiæ mancipia! hunc montem conscendite, ad crucis pedem accedite, & hac decempeda hujus flagitii perversitatem metimini. En! illud ipsum scelus, quod in Pilato execramini, hoc in vestro jam sinu velut asylo fovetis; eidemque idolo, cui Pilatus DEI Filium, vos animam immolatis; & quidem hæc credentes, rei que malignitatem cognoscentes immolatis. Quæ hæc temeritas!

Quid ergo mirum? quod olim Divinus Judex, cùm agnum exutus, leonem induerit, & tortores flammæ ultrices suas exerent vires, talibus insultaturus sit, dicendo: *ubi sunt dii vestri,*

stri, in quibus habebatis fiduciam? quorum favorem meæ gratiæ prætulistis; *surgant modò, & opitulentur vobis;* (s) eruant modò vos é manibus. Omnipotentia meæ, quam toties offendistis, ne illos affligeretis. Quid mirum? quod tales post mortem non participant suffragia Ecclesiæ, quibus Lancicius (t) illos privari censet, qui, dum viverent, pluris faciebant homines, quàm DEUM. Ex his patet, quanta in oculis Divinæ Majestatis, quamque detestabilis ac noxia hujus delicti nequitia sit.

O Domine! qui vitæ & mortis habes potestatem, & deducis ad portas mortis, & reducis: (u) coram quo tanquam momentum statera, sic est orbis terrarum, (x) heu! quid feci? dum ex vano respectu aut bonum aliquod omisi, ne riderer; aut malum aliquod patravi,

ut

(s) Deut. 32. v. 37. & 38. (t) Tom. I. Opusc. 6. cap. 4. ubi hæc habet: *prudenter rem ponderando, non videntur ii mereri post mortem suffragiorum auxilia, qui dum viverent, pluris faciebant homines quàm Deum, cedendo humanis respectibus.*

(u) Sap. 15. v. 13. (x) Sap. 11. v. 23.

ut laudarer; dum te læsi, qui potes & corpus & animam perdere in gehennam, (y) ne hominem contristarem, qui non est nisi *gutta roris antelucani*. (z) Agnosco tandem hujus noxæ stultitiam, odi tyrannidem, abominor impietatem. Inspectante cœlesti curia universa, pleno rationis sensu & voluntatis consensu imaginarium illud idolum: *quid dicent homines*, ex cordis ara jam nunc deturbo, conculco, execror. Obmutescat potiùs lingua, exarescant citiùs manus, quàm ut posthac aliquid agant, aut loquantur, quod hunc execrabilem affectum sapiat. Deinceps tibi, ô DEUS! placere unus sit labor meus, tibi displicere unus timor.

§. IV.

Respectûs humani antidota.

Cùm respectus humanus (ut superius dictum) sit vitiosa cupido hominibus placendi, eisque displicendi humilis metus, palam est, eum superbiæ

(y) Matth. 10, v. 28.

(z) Sap. 11, v. 23.

perbiæ suam genesin debere, ex qua ille timor contemptiois, & amor æstimationis enascitur. Quod biceps monstrum postmodo causa est, ut plurima patrentur mala, & omittantur bona ideo solùm, ut vel aliorum gratiam & laudes aucupemur, vel diæticia & despectiones evitemus. Geminum huic malo antidotum oppono, 1. humani judicii contemptum, 2. Divini judicii metum. Illius enim impiam inanitatem; hujus verò summum rigorem si rite perpenderit, illud idolum: *quid dicent homines?* victrici pede calcabimus, ei que ærea fronte audaces insultabimus.

I. Primum igitur quod attinet scilicet ^Lhumani judicii contemptum, ut ^{judicii}is altas in animis radices agat, sufficiet ^{contemp-}illius vanitatem acutiori oculo inspe-^{tus.}xisse. Hanc autem, ut plena luce cognoscas, solùm consideres, velim, quonam ergo sint illi *montium dii*, (a) *filiis Titan & excelsi gigantes*, (b) quorum deliramenta vivendi tibi regula sunt?

(a) 3. Reg. 20. v. 28. (b) Judith 16, v. 8.

sunt? nempe homines sunt natura tibi similes, conditione æquales, dotibus fors inferiores; iiq̃ue erronei, inconstantes, vitiōsi, quorum opinionibus error, affectibus inconstantia, exemplo improbitas omne pondus adimit & momentum. Singula breviter expendamus.

I. Inprimis illi (si Superis placet) *de genere giganteo* heroes, (c) quorum amore leges violas, animam lædis, DEum irritas; *mortales* sunt ex eodem, quo tu, limo compacti: iisdem, queis tu, miseris subiecti: in eundem, quem tu, cinerem redigendi. Sunt urbis ejusdem cives, domus ejusdem incolæ, religionis ejusdem membra, quos tu forsitan profapiâ, virtute, scientia antecellis, superasque.

• Et horum tu crīses adeò anxie formides? horum tu sensis sacrilegum thus mox pronus adoleas? horum tu verba veluti verbera tam pavidè timeas? horum, inquam, tu censuram
adeò

(c) Num. 13. v. 34.

adeò pertimescas , qui tamen tuam ,
quam tu de ipsis foves , existimatio-
nem flocci faciunt , & superbo risu ex-
sibilant? qui tuam de ipsis sententiam
æquè parum , ac muscæ stridorem cu-
rant? quibus tu eodem , quo fungus,
es loco? & horum de te iudicium tibi
sit adeò sacrosanctum? & quidem tibi?
cùm tamen illis tua de ipsis opinio
non nisi nugæ sint & aniles gerræ.
Quæ mentis , quæso , hæc vilitas?

Quidcunque tu de illis sentias , di-
casque , propterea illi nec latum un-
guem ab arrepto teporis tramite defle-
ctent. Sive suo agendi modo tibi pla-
ceant , sive displiceant , id curarum
illis ultima est. Propter te nec capil-
lum curvabunt. Cur ergo tu eos adeò
supplex reverearis? cur tu eorum cau-
sa Numen offendas? cur tu propter eos
desinas esse bonus; cùm tamen si pro-
pter te minimè omittant esse mali?
Illis non plus juris in te , quàm tibi
in eos competit; cur ergo tu illorum
phantasiæ mancipium sis? cùm eorum
habilitatem præ tua despicias; cur non
&

& eorum iudicium præ tuo contemnis? cum in aliis rebus te eisdem præferas; cur non & in hac? cum te illis censeas meliorem, cur non & prudentiorem? Age ergo, & humiles hos abjice respectus; hic enim superbias, licet. Par pari repende: contemptui contemptum repone; ridentes te, etiam tu sed sanctius ride. Quod enim illi sunt, etiam tu es, æquali forte beatus.

2. Idque eò magis te facere convenit; cum non solum ejusdem tecum fortunæ homines, sed erroneis insuper opinionationibus obnoxii homines sint. Nam hoc ipso, quod ii, pietati dedicatos, obloquiis vexent; liberioris verò genii trosculos pro semi-deis habent? hoc ipso quod fervidos fugiant, tepidos ament, virtutem horreant, vitiis blandiantur, probanda culpent, & culpanda probent, manifestum est, eos illorum ex numero esse, qui, sacra testante Pagina, non sapiunt ea, quæ DEI sunt; sed quæ hominum, (d) & quæ carnis sunt, (e) dicentes bonum malum, & malum

(d) Marc. 8. v. 33. (e) Rom. 8. v. 5.

malum bonum : ponentes tenebras lucem, & lucem tenebras : ponentes amarum in dulce, & dulce in amarum. (f) Quorum proin *sapientia stultitia est apud DEUM,* (g) & merus error. Nam cum contraria Christo sensa foveant; æterna verò Sapientia falli nequeat; ergo eos in suis ideis errare, evidens est.

Et horum erroneam tu argutationem cœcus adores? tu, inquam, qui etiam in rebus fidei subin dubius hæres. Horum dictæria Delphicæ Tripodis tibi oracula; horum erraticæ delirationes vitæ tibi regula sint? Obsecro, quæ Circe te fascinavit, ut omnem tibi rationem adeò foedè incantari sinas? Quis enim prudens litteras negligit; quia hæ ab indoctis vilipenduntur? quis fame se conficit; quia furiosi cibum esse venenatum vociferantur? quis argentum abjicit; quia ab imperitis stannum dicitur? Et tu scientiam Sanctorum, animæ cibum, virtutis curam temerè spernas; quia ista à deliris ho-

Pars I.

P

munci-

(f) Isa. 5. v. 20. (g) 1. Cor. 3. v. 19.

muncionibus stulto risu exhibitantur?
quæ hæc prudentia!

3. Quid? quod erronei hi censores
in suis quoque judiciis mirè *inconstan-*
tes sint. Nam quem hodie laudibus
super æthera tollunt, ingestis cras vi-
tuperiis, infra tartara deprimunt: quod
hodie approbant, cras denuo impro-
bant: qui hodie ab ipsis heros, cras
audiet fungus. In ipsorum mente non
ratio, sed dominans affectio pro tri-
bunali sedet, quæ pro varia temporum
vicissitudine, æris mutatione, humo-
rum agitatione, bilis commotione
absolvit, vel damnat: eligit, vel re-
probat: laudat, vel vituperat, non
quod æquitas dicat, sed quod im-
perus suadet.

Et hi erronei omni momento mu-
tabiles: hi ignes fatui quovis flatu
mobiles: hæc animatae lunæ vivique
apriles vivendi forma viæque ad cœ-
lum tibi duces sint? Horum censoria
virgula tibi altera Moysis virga sit, quæ
minaci cuspide omittenda tibi, agen-
daque

daque designet? Vah! pudeat te tui, & si vel unica judicii scintilla tibi superstes gliscit, saniora decerne.

4. Accedit, quod inconstantes hi Vertumni insuper *vitiosi* sint; variisque nævis contaminati ita vivant, ut jure vilipendi ab aliis, contemni que mereantur. Et de hac illorum viciositate tibi constat; nisi enim tales eos esse tu ipse existimares, nec per vitium te illis placitum sperares, nec ob virtutem displiciturum timeres. Utrumque ergo cum speres, & timeas, patet, illos etiam à te imperfectis annumerari, & probitatis parum studiosos censerì. Et isti iam tibi sint norma recti? horum judicium tuum sit Deuteronomium? horum vita morum tibi speculum sit?

Quæ hæc amentia! scire eos homines esse tibi æquales, erroribus obnoxios, inconstantiae devotos, defectibus plenos; id, inquam, scire, imò & fateri; nec tamen eorum deliramenta contemnere; quin ea etiam pertimescere, revereri, ac suspicere; id enim vero improba fatuitas & fatua

improbitas est, lustrico carcere & flammantibus catenis digna.

At dices : agnosco quidem rei indignitatem , ingemisco ipse ego miserae fortis meae ; quin & irascor durae servituti. Sed ferendum est, quod vitari nequit : ex hoc morbo non solus decumbo : serviendum temporis convivendum praxi : expectandum , donec sanctiora redeant saecula. Aliorum enim genio nunc me conformavero , dictis carpent , cachinnis explodent , sarcasmis obruent ? eroque meta , in quam aculeata verborum jacula omni ex parte convolabunt.

Verum o bone ! secus si feceris , si hominum tibi aequalium , erroneorum , inconstantium ac vitiosorum ineptas opinionationes despexeris ; pii te encomiis efferent , summè aestimabunt Calites , Christus ipse paterno affectu te complectetur , & coram Patre Divino totaque coelesti curia suum te esse palam profitebitur ? memor scilicet sui illius promissi : *omnis , qui confitebitur me coram*

ram

ram hominibus, confitebor & ego eum coram Patre meo; (h) apud quem nec mundi stilius, nec temporum iniquitas, nec reorum numerus te excusabit. Hic ergo jam delibera, & cuinam parti odiosus esse eligas, determina; nempe an piis, Coelitibus, Christo? num verò insulsis quibusdam, lunaticis & probitate carentibus socienis? qui tamen ipsi olim suum hoc iudicium damnabunt, teque, quod secutus id fueris, culpabunt.

Antequam tamen quidquam decernas, priùs seriò perpende, an non ferreis digna clathris mania sit, velle displicere bonis, ne displiceas malis: malle offendere custodem Angelum ipsumque DEUM, quàm pauculos quosdam effrontes, tepidos ac petulantes socios? licèt provideas, te nec his omnibus satisfacturum. Bene, inquam, priùs considera, *an non cordatis hominibus* (verba sunt Gregorii Nazianzeni) *pluris faciendum, magisque curandum sit iudicium Numinis, quàm omnium*

P 3

alio-

(h) Matth. 10. v. 32.

*aliorum in unum coactorum? Et quidni?
 (pergit idem Sanctus) An ergo judi-
 cium caci de coloribus praeferes judicio
 oculati? An ergo, velut alter Roboam, ju-
 dicia juvenum praeferes judicio senum?
 Et cum DEUS & homines inter se expen-
 duntur; an ergo judicia hominum potio-
 ra duces, quam DEI? (i) hominum,
 inquam, & quidem talium, quos ut
 omnes tibi & constanter faventes ha-
 beat, nunquam obtinebis.*

5. Id enim qui intendit, qui omni-
 bus & semper placere cupit, is hirco-
 cervos venatur, vulpanferes aucupa-
 tur, *stulto labore consumitur.* (1) Quid-
 cunque agas, ô vane! quacunque gra-
 diaris via, in quamcunque te flectas
 partem, censoriam mortaliū ferulam
 nunquam & nusquam effugies. Nam
 (quod pii Ascetæ effatum est) omni-
 bus placere non est possibile. Et licet Pau-
 lus omnibus omnia factus est; tamen ne
 ab aliis aliquando judicaretur, vel non
 despiceretur, cohibere non potuit. (m)

Ne

(i) Oratione 2. (1) Exod. 18. v. 18. (m)
 De imit. Christ. l. 3. c. 36. n. 1.

Ne quidem illis gregalibus tuis omnibus & semper probaberis. Cum enim illi ob discordantes, quas nutriunt, affectiones regnum inter se divisum sint, diversa sentiant, & mutuò contraria velint; quidquid facias, apud eorum aliquem delinquas, oportet; unique velificando, hoc ipso alterutrum contristes, necessum est. Cumque insuper ii, utpote pravis motionibus obnoxii, se invicem plerumque etiam aversentur; ut uni injucundus accidas, satis erit, arrisisse te alteri. Quin etiam illos ipsos, apud quos hodie cum reliquorum offensa gratiam inji-
sti, cras tibi pariter ob rem nauci offensos senties. Imò ut nemini placeas, sufficiet hic tuus aliis displicendi metus. Et sic non solum apud Cælicolas & probos, quos tamen ob tepidos spernis; sed etiam apud tui furfuris sodales, quorum amore conscientiam maculas, justà Talionis pœna offensio-
nem incurres.

Hæc ergo cum ita se habeant, te ipsum modò judicem volo, an non

deliræ mentis indicium sit, sui ipsius
 tortorem agere, dæmonis martyrem
 ac stultæ aliorum phantasiæ manci-
 pium esse; quin imò propriam ani-
 mam, pios omnes, ipsamque adeò
 æterni Numinis Majestatem audaci pro-
 tervia lædere, irritare, laceßere, ut ef-
 fugias judicia mundi, quæ tamen ha-
 ctenus nemo unus nec ipse Christus
 declinare potuit? ipse, inquam, tu
 judica, an non ingens hæc dementia
 sit? Cùm ergo cribro aquam haurias,
 quicumque criticos aliorum dentes te
 evasurum speras; solum superest, ut
 generosè contemnas, quod, ut devites,
 adipisci non vales. Ipsa hæc infelix,
 aliorum censureas subeundi, necessitas
 te illas animo sanctè superbo despice-
 re doceat.

6. Et tandem quid mali tibi infer-
 re, vel quid boni afferre, hæc aliorum
 de te opinationes possunt! eæ nec me-
 liorem te, nec deteriorem reddent.
 Quid confert Soli, eundem ab Indis
 coli ut DEUM? & quid nocet Lunæ,
 eandem à canibus allatrari? Quid de-
 cedit

cedit auro, si à cœco credatur plum-
 bum? aut quid pretii accedit vitro,
 si ab imperito censeatur gemma? Pone,
 agasidem putari regem; num is re-
 gium propterea conscendet thronum?
 Finge, Crasum judicari Codrum, aut
 vice versa; num ille propterea egentior,
 hic ditior erit? Improbis si es, talis
 manebis; licet homines te sanctum ju-
 rent. Probis autem si te conscientia
 clamet, talis eris; licet æmulus livor
 te improbum jactet.

Quod es, hoc es (ait Thomas à Kem-
 pis) *nec major dici vales, quam DEO*
teste sis. Non es sanctior, si laudaris:
nec vilior, si vituperaris. (n) *Sive enim*
bene, sive male interpretati fuerint, non
es ideo alter homo. (o) Ergo (pergit
 concludere idem Auctor) ergo huma-
 num ne metuas judicium. (p) Sed po-
 tius generoso neglectu despice ridicu-
 lum illud phantasma: *quid dicent de*
me, quid sentient homines? Dicant sanè,

P 5

&

(n) De imit. Chri. l. 2. c. 6. n. 3. (o)
 Ibid. l. 3. c. 28. n. 2. (p) Idem l. 3.
 c. 30.

& sentiant illi, quodcunque voluerint; tu esse cura, quem te exoptat DEUS, & tibi ludibrio sit mundus. Tædeat te ventis auræ popularis instar erraticæ nubis variè circumferri, & levem in diversa abripi non pondere rerum, sed opinionibus hominum.

Excute tandem perniciosam hanc, quam hætenus animo fovisti, de aliorum judiciis æstimationem; cum ea sit fons, si non omnium saltem præcipuarum, quibus cruciamur, afflictionum. Dum enim quis ob locum, in quo degere: aut ob munus, quod cogitur obire; tristis dejicitur; dum de alterius obloquio, negato honore, illata injuria querulus dolet, unica plerumque morbi causa est hominum de hac re opinio. Sola hæc cogitatio: *quid alii nunc dicent, quid de me cogitabunt, & sentient?* est ille nequam artifex, qui plerasque nostras cruces, opitulante phantasia, fabricatur, exaggerat, extendit, aggravat, & auget. Solummodo scrutare mentem tuam, ac nonnihil in motionum tuarum origi-

originem inquire, & rem me unaque
ulcus tuum acu tetigisse fateberis.

Quicumque ergo latos vivere soles
ac aureum cupis avum; quicumque
stabili pace perfrui tranquillus optas,
execrandum hoc idolum: *quid dicent
homines?* obliviosi contemptus tenebris
sepelias, ac sollicitè caveas, oportet, ne
illud à superbia ullo unquam tempore
in lucem denuo protractum, cordis
aræ imponatur; & experieris humani
judicii neglectum, pellendo respectui
humano, excellens subsidium esse.

II. Alterum fugandi hujus mali re-
medium ac potens pariter, hominum II.
Divini ju-
dicii me-
tus.
opinionum contemnendi, incitamentum
est solidus, ac altè animo impressus,
Divini illius Judicii metus, quod sub
finem mundi *Filius hominis, veniens in
nubibus cæli cum virtute multa & maje-
state*, instituet. (q).

I. Hujus scenæ timorem efficax
contra tartaream hanc pestem antido-
cum

(q) Matth. 24. v. 30.

tum esse, testatur ipse Gentium Doctor Paulus. Cùm enim ad Corinthios scripsisset, *sibi pro minimo esse*, ut ab eis judicaretur aut ab humano die, rationem, ad spernenda mortalium sensa se impellentem, mox exprimit, dicens: *nam qui judicat me, Dominus est*; (r) non æqualis mihi, erroneus, inconstans, vitiosus & impotens homuncio; sed Dominus, & quidem Dominus Omnipotens; (s) cui non est similis: (t) in cujus manu omnis sapientia: (u) qui idem semper est, (x) magnificus in sanctitate, (y) fortis potentia; (z) cujus ira nemo potest resistere; (w) qui potest perdere, & liberare; (aa) hic, inquam, eos, qui favorem hominum Divino prætulerunt, *statuet in judicio vivos; cùmque arguerit eos, etiam corripiet eos*; (bb) & effundet quasi ignem indignationem suam super eos. (cc)

Tunc

(r) 1. Cor. 4 v. 3. & 4. (s) Judith. 16. v. 20.
 (t) Psal. 85. v. 8. (u) Sap. 7. v. 16. (x)
 Psal. 101. v. 28. (y) Exod. 15. v. 11. (z)
 Ecclesi. 15. v. 15. (w) Job. 9. v. 13. (aa) Jac.
 4. v. 12. (bb) 4. Esdr. 12. v. 33. (cc) Thren.
 2. v. 4.

Tunc revelabunt cæli iniquitatem ac stultitiam respectûs humani, & terra exurget adversus impios hujus idoli cultores. (dd) Ipsimet miseri illi, oborto lumine, intimè perspicient inanitatem mortalis judicii, ac æternitatis radio illustrati, plena luce cognoscent, quàm perversè ac stolidè gerint, lædendo supremum Numen, ne offenderent abjectum vermem: mallendo displicere DEO, quàm inani socio; ac potius contristare curiam cœlestem quàm leviculum gregalem. Eminvero sola hujus dementiæ viva recordatio eorum mentem pudore, artus tremore complebit.

2. Tunc iratus iudex, indutus vestimentis ultionum, (ee) & tonans voce magnitudinis suæ, (ff) vilibus his mundi mancipiis, quasi insultando, dicet: ubi sunt dii vestri, in quibus habebatis fiduciam? surgant nunc, & opitulentur vobis, ac in hac necessitate modò vos protegant. (gg) Videte nunc, cui me assimila-

(dd) Job. 30. v. 27.

(ee) Isa. 59. v. 17.

(ff) Job. 37. v. 4.

(gg) Denteron. 32. v. 37.

assimilaveritis, & adequaveritis; (hh) imò & postposueritis. Fatemini, quòd ego sim solus, & non sit alius præter me. En! si acervo ut fulgur gladium meum, & arripuerit iudicium manus mea, quis vestrùm resistet mihi? Reddam ultionem, inebriabo sagittas meas, & gladius meus devorabit? & non erit, qui vos de manu mea possit eruere. (ii) Ita tonabit ille in voce sua mirabiliter. (ll)

O infelices! ad ista quæ vobis tunc mens erit? cùm derelicti ab illis ipsis; quorum amore Divinam Majestatem toties irritastis: cùm *DEUS quasi tumentes super vos fluctus* ingruet, (mm) & toto furoris pondere in vos solos incumbet: cùm *is quasi leo in spelunca sua* (nn) vos deprehensos obruet, omni ope destitutos: cùm nec Sol justitiæ Christus, nec Lunæ jubar Maria, nec Cœlites stellæ ampliùs dabunt lumen suum, nec radiis gratiæ lucebunt vobis; quæ, inquam, tunc de respectu
&

(hh) Isa. 46. v. 8. (ii) Deuter. 32. v. 41. & seq. (ll) Job. 37. v. 3. (mm) Job. 31. v. 23. (nn) Psal. 10. v. 9.

& iudiciis hominum sensa fovebitis? quo illa loco per vitæ cursum habuisset optabitis?

Præcipuè quando videbitis, quod illi ipsi, quorum deliramenta vitæ vestræ erant regula, hæc audientes, & videntes, turbentur timore horribili, dicentes intra se: ergo erravimus à via veritatis, & viam Domini ignoravimus? quando cernetis, quod hi ipsi, quorum modò cavillationes vobis sunt vivendi norma, quòd, inquam, hi ipsi penitentiam agentes, & præ angustia spiritus gementes, exclament: en! hi sodales olim ac contubernales nostri, hi sunt, quos aliquando ob morum modestiam virtutisque studium habuimus in derisum & in similitudinem impropertii! Nos insensati vitam illorum aestimabamus insaniam, & finem illorum sine honore. Ecce! quomodo computati sunt inter filios DEI, & inter sanctos fors illorum est. (oo) Nunc fulgent quasi splendor firmamenti, & quasi stella in perpetuas aeternitates. (pp) O! quàm prudenter egerunt;

(oo) Sap. 5. v. 2. & seq. (pp) Dan. 12. v. 3.

runt, quod nostras irrisiones irriserint, & contemptionses contempserint. Hos, inquam, talia ululantes, & cum gemitu vociferantes, cum perceperitis, quam tunc opinionem de illo vestro idolo: *quid dicent homines?* concipietis? quid fecisse desiderabitis? O quis pavor tunc, quæve tristitia animum occupabit?

3. Verum nihil hæc sunt, comparata illi consternationi, qua exanimabimur; cum Divinus Judex opere ipso complebit illas terribiles minas, quas in Evangelii libris intentavit his verbis: *qui negaverit me coram hominibus, negabo & eum ego coram Patre meo, qui in cælis est.* (qq) Item: *qui me erubuerit & meos sermones, hunc Filius hominis erubescet; cum venerit in majestate sua & Patris & sanctorum Angelorum:* (rr) quod enim respectui humano mancipati, Christum suo modo negent, & erubescant, §. 3. ostensum est. Proin, secundum relatum supra oraculum, Servator noster tales illo judi-

(qq) Matth. 10. v. 33. (rr) Luc. 9. v. 26.

judicii tremendo die coram universo orbe, Angelis, Cælitibus ac æterno Patre pariter negabit, ac erubescet.

Quid autem horribilius, quàm frigida mente ignorari ab illo, à quo solo nostra tunc salus dependet? quid terribilius, quàm pudori esse illi, à quo nostra omnis gloria promanat? Nam quorum nos pudet, hos & nauseamus, & ab iis oculos avertimus. Quid autem funestius, quàm Christum suos illos misericordes oculos à nobis avertere? quàm Divinum illud Cor nauseare nos, & abhorrere? Ah! à facie frigoris ejus quis sustinebit? (ss) præcipuè si pulsantibus, & ad cœlestes nuptias admitti petentibus, clausa janua, reponat triste illud: *nescio vos*; (tt) aut illud alterum: *non novi hominem*, (uu) benevola scilicet illa ac plena amoris scientia, qua fideles sibi mentes discernere consuevit. Hac ergo plaga ne & tu puniaris, *time DEUM*, (xx) ejusque judicium metue; hujus

Pars I.

Q

enim

(ss) Psal. 147. v. 17. (tt) Matth. 25. v. 12.
 (uu) Matth. 26. v. 72. (xx) Prov. 3. v. 7.

enim constans metus saluberrima est
contra hunc, quem impugnamus,
morbum panacea.

Igitur conjecto in cordis intima acri
obutu, seriò inquire, 1. an non etiam
tu illorum ex numero sis, qui (immemores illius Sipientis effati : *qui timet
hominem, citò corruet*) (yy) *illic trepidaverunt timore, ubi non erat timor?*
(zz) id est, an non etiam tu ex vano
aliis displicendi respectu plurima comiseris mala? & plura itidem omiseris
bona ex futile iisdem placendi pruritu?
Ita si est, *scito, quod pro omnibus his adducet te DEUS in iudicium.* (aaa) Proin
in tempore te emenda, illasque occasiones designa, in quibus huic malo
ope examinis particularis occurrere
statuis.

2. Sedulò indaga, an fide viva
credas sequentia æternæ Veritatis oracula? scilicet, *nemo potest duobus dominis servire*, Christo scilicet, & mundo:
(bbb)

(yy) Prov. 29. v. 25. (zz) Psal. 52. v. 6,
(aaa) Ecclæ. 11. v. 9.

(bbb) *quicumque voluerit esse amicus huius seculi, inimicus DEI constituitur.*
 (ccc) item hæc: *si hominibus placerem, Christi servus non essem.* (ddd) *DEUS dissipabit ossa eorum, qui hominibus placent.* (eee) Adeoque examina, an non aulico ritu aliis inserviando, abjectè blandiando, verbis adulando, sæcularium mores imitando, hominum favorem aucuperis? O miser! quod tam sollicitè quæris, *lanugo est, quæ à vento tollitur: spuma gracilis est, quæ à procella dispergitur: fumus est, qui à vento diffunditur.* (fff) Similis Æsopico canis es, qui rem perdis, ut umbræ inhies: qui æterna negligis, ut transitoria nundineris. Ah! tandem aliquando aliorum damnis sape.

3. Disquire præterea, an practicè tibi persuasam habeas veritatem illius enunciati, à Christo nobis per Matthæum & Lucam intimati: nempe *nolite timere eos, qui occidunt corpus; ani-*

Q 2

mam

(bbb) Matth. 6. v. 24. (ccc) Jac. 4. v. 4.
 (ddd) Gal. 1. v. 10. (eee) Psal. 52. v. 6.
 (fff) Sap. 5. v. 15.

mam autem non possunt occidere ; sed potius timete eum , qui potest & animam , & corpus perdere in gehennam. (ggg) item : dico autem vobis amicis meis : ne terreamini ab his , qui occidunt corpus , & post hac non habent amplius , quid faciant. Ostendam autem vobis , quem timeatis : timete eum , qui , postquam occiderit , habet potestatem mittere in gehennam. Ita dico vobis , hunc timete. (hhh)

Proin vide , an fixum animo sedeat , potius omnium odia incurrere , socio- rum ludibriis exagitari , ab eorum conventiculis excludi , illorum dictis vexari , ab ipsis conternni , & vitari ; quàm supremum Numen veniali noxa offendere ? Quid hæres ? . . . Audi monentem Ecclesiasticum : *pro his omnibus ne confundaris , & ne accipias personam , ut delinquas propter eam. (iii)* Nam *maledictus , qui confidit in homine , & ponit carnem brachium suum ; ita , ut ejus gratia lædat Creatorem. (III)*

4. Dem-

(ggg) Matth. 10. v. 23. (hhh) Luc. 12. v. 4. & seq. (iii) Eccli. 42. v. 1. (III) Jerem. 17. v. 5.

4. Demum inquire, an ægrè feras, si alii frigidè tecum agant, tuum confortium fugiant, teque aversentur? Hoc ipsum est, ais, quod mentem adeò urit, cruciatque. Verùm quid doles, quòd non fallaris? . . . quòd plurimorum fons tædiorum tibi obturetur? . . . quòd non fruaris illa societate, qua caruisse olim gaudebis? . . . *Nunquid non DEUS tibi melior est, quàm decem.* (mmm) ejusmodi gregales? imò quàm milleni tales erronei, inconstantes, vitiosi sodales? Latare potiùs, quia *odit te mundus*; signum id est, quod *de mundo elegerit te Christus*; si enim *de mundo esses, mundus utique, quod suum erat, diligeret*; quia autem *de mundo non es, propterea odit te mundus.* (nnn) Proin gaude.

Præterea scito, quia Christum priorem
te odio habuit; (ooo) non est autem di-
scipulus supra Magistrum. (ppp) Exulta
igitur, quod à mundo eodem, quo
Q 3 ille,

(mmm) 1. Reg. 1. v. 9. (nnn) Joan. 15.
v. 19. (ooo) Ibid. v. 18. (ppp) Matth. 10,
v. 24.

ille, habearis modo. Denique transitorii hi, quibus tepidi te afficiunt, despectus abunde compensantur genuina illa ac æternum duratura existimatione, quam de te probi in terris, ac Beati in cœlis concipiunt, semperque fovebunt. Quin imò illi ipsi quoque irrisores tui sub finem vitæ & orbis te propterea encomiis efferent.

Igitur licet ejusmodi ludicatoribus *frons area sit*; (qqq) tamen *ne timeas eos, neque metuas à facie eorum*: nam dabit tibi DEUS (modò heroicis surgas in ausus) *faciem tuam valentiores faciebus eorum, & frontem tuam durior frontibus eorum*. (rrr) Primis solummodo diebus eorundem cavillationes cataphracto pectore immotus excipias, oportet, & vicisti. Hi ipsi postea laudum tibi thura litabunt; & quem priùs sibi similem vilipenderunt, nunc dissimilem verebuntur.

At oppones: non solum agitur hîc de fugiendis hominum irrisoribus, sed

(qqq) Isa. 48, v. 4. (rrr) Ezech. 3, v. 8.

sed de vitandis , quæ aliàs inferent ,
damnis. *Timendum enim , ne iratī no-*
ceant. Verūm reponit Augustinus , *non*
nocebunt homines , nisi permittat DEUS.
Dein isti semper habent voluntatem no-
cendi ; nec si placentur , nec si rogentur ,
desiunt nocere velle. Hoc enim malevo-
lentia illorum proprium est. Ergo quid
faciās eos colendo , nisi ut offendas illum ,
quo offenso in istorum potestatem daberis.
Et qui tibi nihil possent facere , illo pla-
cati ; facient tibi quidquid volent , illo
irato. Hæc Africæ lumen Augusti-
nus. (sss)

Itaque Pauli monitum secutus , ob-
verso tergo *totum tibi mundum cruci-*
fige , (ttt) ridentem ride , spernentem
sperne , & contemptis ejus judiciis ,
non nisi Divinum metue. Cura , *ut*
non jam desideriis hominum , sed volun-
tati DEI , quod reliquum est in carne ,
vivas temporis. (uuu) Secus , væ tibi !
nam horrendum erit incidere in manus
DEI viventis ; (xxx) tum quia non est

Q 4 sanctus ,

(sss) Enar. 2. in Psal. 26. (ttt) Gal. 6. v.
24. (uuu) 1. Petr. 4. v. 2. (xxx) Hebr.
10. v. 31.

*sanctus, ut est Dominus, qui ejusmodi
 vanos timores infinito odio averſitur;
 tum quia non eſt fortis, ſicut DEUS no-
 ſter; (yyy) ipſe enim eſt, qui vitæ &
 mortis habet poteſtatem: qui deduct ad
 inferos, & reducit: (zzz) & non eſt,
 qui effugiat manum ejus. (w) Igitur
 hujus ſolius judicium time; hominum
 verò judicia contemne; & gemino hoc
 antidoto munitus, reſpectum omnem
 humanum facili negotio fugabis.*

(yyy) 1. Reg. 2. v. 2. (zzz) Sap. 16. v.
 13. (w) Tob. 13. v. 2.



CAP. VI.

CAPUT VI.

DE SOCORDIA

IN SURGENDO.

Sicut teste Ecclesiastico *vinum moderatè potatum, exultatio est animæ, & sanitas corpori: contrà verò multum potatum, est amaritudo animæ, atque irritationem, iram, & ruinas multas facit.* (a) sic quoque somnus temperanter admissus, lassos artus mentemque reficit; ultra præscriptos autem limites productus, non solum meritorum augmento, obtinendæque perfectioni vehementer incommodat; sed insuper plurima in animum mala facundo comitatu inducit. Hanc enim somniculosam in surgendo inertiam uberem esse scaturiginem, ex qua innumeri per diem defectus perenni serie profluunt, æquè tristis ac frequens experientia docet. Ut proin

Q 5

cula

(a) Eccli. 31. v. 36. & seq.

cula non ultimum sibi locum hæc se-
gnities meritò vendicet. Ejus ergo fu-
gam ut efficacius persuadeam, I. illius
malitiam, II. vilitatem, III. damna ob
oculos breviter ponam; probando,
eam esse peccatum, & quidem tur-
pe, valdeque noxium.

§. I.

Est Peccatum.

I.
*Probatur
id à pari.*

I. **P**rimum quod attinet, inprimis
hæc in surgendo pigritia est pia-
culum inter minora non minimum.
Constat id luculenter inducto à pari
argumento. Nam auctore Augusti-
no, cui gemina Ecclesiæ lumina (b)
suffragantur, *quoties aliquis in cibo &
potu plus accipit, quàm necesse sit, ad mi-
nuta peccata pertinere noverit.* (c) Ergo
etiam quoties aliquis somno amplius
tribuit, quàm corporis habitudo po-
stulat, levi errato se obstringet.

Si

(b) S. Gregor. M. lib. 30. Mor. c. 7. S. Thom.
2. 2. q. 148. a. 1. & 4. (c) Aug. Tom. 10.
Serm. 4. in die animarum.

Si enim Angelico Doctore manifestum est, *inordinatum edendi appetitum esse peccatum*; (d) qua prerogativa minus ordinata dormiendi appetentia à simili culpa eximetur? praesertim cum par utrinque militet ratio. Nam secundum Aquinatem *omnia delectabilia, quae in usum hominis veniunt, ordinantur ad aliquam hujus vitae necessitatem, sicut ad finem.* (e) Nota, *omnia delectabilia*: ergo etiam somnus. Ergo ordo & finis à natura institutus exigit, ut is solum admittatur propter necessitudinem. *Necessitas enim hujus vitae* (verba sunt S. Thomae) *est regula delectabilium, quae vult, ut praecise tantum eis utamur, quantum necessitas hujus vitae requirit.* (f) Igitur qui neglecta hac regula tamen ultra quam necesse sit, sopori indulget, finem naturae & ordinem pervertit: contra legem rationis agit; proinde peccat.

Dein comedere, & bibere ob solam voluptatem etiam moderatè, est levior
offen-

(d) Loc. suprà cit. (e) 2. 2. Q. 141. a. 6.
(f) Ibidem.

offensa DEI, ut fusè & doctè probat Cardenas, commentando in propositionem VIII. ab Innocentio XI. damnatam; (g) ubi ostendit, solum hoc membrum, reliquis etiam omissis, fuisse motivum sufficiens, illam thesin nigro theta notandi. Quis ergo inficias ibit, par delictum esse, diutius dormire ob solam voluptatem? Licet enim ejusmodi dormitatores suæ huic desidæ aliud semper & aliud palliolum prætexere consueverint, tamen solam rei suavitatem unicum eis incitamentum esse, ipsa nostrî proditor conscientia clamat, ut infra pluribus ostendetur. Itaque quàm parum *appetitus naturalis edendi*, æquè parum *appetitus naturalis dormiendi licitè suis actibus fruitur*, blandimentum inde ortum ultimò ac unicè spectando; cum ob rationum paritatem utraque assertio, utpote sub illa octava virtualiter (ut ajunt) contenta, æquali fulmine Vaticana ex arce perculsa sit, atque proscripta. Dixi: *fruitur*; nam somni dulcedine licet quidem *uti*, ad
altio-

(g) Dissertatione 8. c. 1. a. 3. q. 2.

altioreſcam finem velut medium dirigendo; non tamen *frui*, in ea ſola quaſi in fine quieſcendo. Quo ſenſu cuidam Epicuri alumno Seneca reponſiſſe fertur: *tu voluptate fruereſ, ego utor.* (h)

II. Nec opponas, vacare noxa, audire muſicam, olfacere florem, venari, ambulare ob ſolam delectationem his actibus propriam; adeoque nec malum fore, diutius hære in lecto ob ſolam, quæ hanc inertiam comitatur, ſenſuum illecebram. Nam imprimis etiam hanc propoſitionem, tanquam in illa theſi octava virtualiter contentam, pariter ab Innocentio XI. damnari, mordicus contendit Cardenas, hanc ſuam opinionem tutans auctoritate S. Thomæ. (i) Sed demus, verum eſſe, quod objicitur; tamen adhuc lata inter meam & allatam poſitionem intercedit diverſitas.

Nam

(h) Seneca libro de vita beata. (i) Diſſertatione 8, c. 1. a. 3. q. 2. n. 37. & 38.

Nam enarratæ actiones à natura ad hunc finem sunt ordinatæ, ut animum relaxent. Unde sequitur, quod illa oblectatio, quæ in hac animi relaxatione consistit, (tanquam intentus à natura finis) ratione sui appeti possit. Contrà verò illud, ex somno uti & ex cibo proveniens, oblectamentum est institutum, ut solum sit medium, quo alliciamur ad nostras vires per moderatum eorundem usum conservandas. Proin inverteretur ordo naturæ, si hujusmodi lenocinia directè & ratione sui quærerentur; siquæ in annexo eis blandimento tanquam in fine sisteretur.

Accedit, quod jucunditas ex musica resultans, ad superna mentem potius elevet, quàm inde abstrahat; cùm è contrario prolixior somnus brutis similes nos, totosque hebetes reddat. Unde concluditur, inter non necessarium soporem, ac relatas exercitationes ingens intervenire discrimen, & ex posteriorum honestate minimè inferri posse innocentiam prioris; adeo-

adeoque socordiam in surgendo non minus piaculum esse, ac intemperantiam in comedendo.

III. Præterea qui sponte & temerè ^{III. Probatur} ponit ejus generis actionem, quam ^{idem ratione.} providet turpissimis tentationibus lubricam occasionem præbituram, peccat. Ita pronunciant communi assensu omnia Theologorum subsellia. Jam verò talia stragulorum mancipia per suam hanc præcipuè insomnem in toro moram studiosè dant ansam variis imaginibus, & quidem foedissimis, periculosissimis; idque tristi experientia docti optimè norunt. Ergo peccant; saltem si sit periculum consensûs; & quidem lethalem in modum, si illud omnino proximum existat; leviter verò, si minùs propinquum id sit.

Denique contumax hæc & lenocinans in strato pigritia est causa deliberatè & quidem præter jus & fas temerariè volita effectûs leviter mali, nempe diurni illius teporis, qui præcipu-

cipuas, imò omnes totius diei functiones vitiat, destruit, pessundat. Ergo etiam illa ejusdem malitiæ rea erit. Cuicumque ergo DEUS est cordi, ejusque offensa horrore; quicumque ea credit, quæ de malignitate, effectibus & poenis peccati venialis in prima commentatione perpendimus, is toto cordis affectu malitiosam hanc in surgendo socordiam fugiat, & detestetur.

§. II.

Est peccatum vile.

I. **N**EC minor hujus ignaviæ vilitas est. Nam ejusmodi Endymionès & lucifugæ talpæ à suis moderatoribus propterea acriter reprehenduntur, ab æqualibus non sine sarcasmis carpuntur, ab inferioribus non rarò in faciem vilipenduntur, & ab ipso tandem dæmone, quod rei caput est, turpiter ludificantur; utpote qui singularem quandam in illorum phantasiâ, humores & caput potestatem exer-

I.
*Tales sunt
aliis ludi-
brio.*

exercet, non adeò abfimilem illi, qua in circumfessos dominatur; illud pro suo libitu, nescio, qua gravedinosa torpedine & somniculosa membrorum lassitudine plumbeum reddendo, ac instar vilis bestiae soporis capistro culcitrae affigendo, ita ut hi tenebri-
 cosi vespertiliones jure similes dicantur illi mulieri, *quam alligaverat Sathanas decem & octo annis* adeò miserè, ut *inclinata omnino non potuerit sursum respicere.* (a)

Nam etiam tales ab orci genio ita pulvino agglutinantur, ut ad hanc communem cum feris illecebram toto homine incurvati, nequeant mentem in altum attollere, quæ unà cum corporis trunco plumis immersa ita stertit, ut ad tractanda dein coelestia inhabilis reddatur; idque *decem & octo* non rarò *annis*, imò totius vitæ curriculo: vitiosa consuetudine in naturam degenerante; non sine magno animæ rationalis probro, quæ infra suam dignitatem foedè depressa vilescit:

Pars I.

R

nec

(a) Luc. 13. v. 11. & 16.

nec sine iniusta partæ existimationi macula, quæ propterea passim & meritò vapulat.

II.
Sibi pro-
bro.

II. Quid enim indignius, quàm esse vile mancipium somni, qui nos brutis æquales reddit? esse mediastinum illius carnis, quæ non nisi sacculus stercorum est & esca vermium? esse probrum illius abjectæ commoditatis, cuius nos postea vigiles pudet? esse ludibrium cacodæmonis, qui omnia nostra, quæ in contrarium tam firmiter concepimus, proposita uno rhonco aut halitu diffiat, & probroso risu nostram hanc inconstantiam exhibilat? Profectò sola rei hujus vilitas honestæ indoli culcitrosæ hujus inertiae horrorem incutere deberet.

§. III.

Et valde noxium.

I.
Vitiat
orationem.

I. **D**amna verò, quæ ex mala hac humiliq̃ue desidia scaturiunt, gravia sanè & valde noxia sunt. Pri-
mus

mus hujus pestis effectus est malus meditationis successus; dum enim alii luminum Patri fervidæ orationis tributum summo mane flexis genibus persolvunt, talis in toro stertens, turpi focordiæ vecors indulget.

Aut si etiam, timore humano stragulis extractus, in otheo comparet, solum corpore non animo præsens est; cum carnei instar trunci pulpitum pleno pondere premens, vel somniculosus toro se langueat, vel innumeris evagationibus in diversa distractus, hinc inde per domum, urbem & orbem vagetur. Quàm magna autem sint, quamque lethalia remissæ aut omissæ meditationis detrimenta, ex secundæ partis capite 2. patebit.

II. Alter inde proveniens effectus est tepor, ille juratus amoris divini hostis, virtutum pernicies, & viti-
rum fons, qui in omnes totius diei actiones sese instar veneni diffundens, cunctas corrumpit; efficitque, ut illis ipsis actionibus quotidianis, qui-
bus

II.
Inducit teporem.

bus ingentes gratiæ & gloriæ thesauros nobis promereri potuissemus, non nisi culpas accumulamus & pœnas, in lustrali ergastulo diutissimè luendas.

Lerneæ huic hydræ sua pariter incunabula debent distracta sacra Hostiæ litatio, oscitans precum sacerdotalium recitatio, solitudinis horror, & fugata mentis collectione, continua sui effusio in externa; quam ponè pleno agmine sequuntur neglectus operum pœnitentiæ, intemperantia in cibo & potu, effrœnis linguæ mordacitas, morum laxitas, scurriles joci, sensuum libertas, laborum fuga, & tædium disciplinæ. Porro quàm periculosa, quàmque perniciosa hæc mala sint, abunde liquet, partim ex jam dictis, partim ex adhuc dicendis.

III.
*Impedit
gratias.*

III. Denique ex hac dormiendi lascivia emanat illa illustrationum, superiorumque impulsuum negatio: illa divinæ & specialis circa nos Providentiæ subtractio, qua nos DEUS aliàs fovisset, tutasset, rexisset, & veluc

lut insertos paterno sinui infantulos, gerulo amore à sagitta volante in die, à negotio perambulante in tenebris, ab incurſu & dæmonio meridiano (a) innocuos ſervaffet. Unde fit, ut provida hac & ſingulari tutela nobis ſubtracta, in graves poſtmodum perturbationes, cum Superioribus diſſenſiones, cum ſociis altercationes, foedasque carnis tentationes prolapſi, à ruina in lethalem noxam proximè diſtemus.

Præter frequentem experientiam hujus veritatis luculenta nobis probatio eſt Sulamitis illa, cujus fatum cœleſtis epithalamii carmine narratur. (b) Hæc, quia non ſtatim, ac audita eſt *vox dilecti pulſantis*, eidem, excuſſo promptè ſomno, fores aperuit, allatisque variis obtentibus, pigras in lecto moras traxit, hanc ſuam negligentiam multiplici pœna expiare debuit. Nam, licèt poſtea facti pœnitens tamen *ſurrexerit, ut aperiret dilecto ſuo, & peſſulum oſtii ſui* etiam re-

R 3

mo-

(a) Pſal. 90, v. 6, (b) Cantic. 5, v. 2. & ſeq.

moverit ; tamen *ille jam declinaverat, atque transferat.*

Coelestem quidem Sponsum instituta meditatione mox sollicita *quaesivit*, sed *non invenit : vocavit*, sed *non respondit ei* ; tempore toto nisu obstante. Inde per mentis dissipationem in creaturas effusa, & solitudinis impatiens foras egressa, *civitatem circumivit*, ut à filiabus Jerusalem quicquam solatii emendicaret. Sed à *custodibus murorum* (nempe dæmonibus, qui assidue *circumeunt, quærentes, quem devorent*) (c) percussa, & vulnerata, ipso denique pallio suo privata fuit ; per quod quidam Interpretes gratiæ stolam denotari autumant. En ! in quas misérias catenata serie sensim animam hæc segnities præcipitem det. Ut proin verissimum sit, detestabilem hanc in surgendo inertiam 1. esse leve peccatum, 2. & quidem valde abjectum & vile, 3. summeque noxium ; adeoque omni horróre averfandum.

IV. Nec

(c) 1. Petr. 5. v. 8.

IV. Nec dicas, stomachi infirmitatem, capitis gravedinem, membrorum lassitudinem inducere manifestam longioris somni necessitatem, quæ hanc actionem non solum ab omni labe immunem reddat, sed insuper cohonestet. Nam, licet certum sit, quod subinde possit dari vera necessitudo sopori ultra consuetum tempus indulgendi; tamen certum pariter est, quod ab amore proprio sapissimè depingatur ut necessitas, quod reipsa non est nisi cupiditas: quod nobis persuadeamus esse invaletudinem corporis, quod tamen non est nisi torpedio mentis: quodque videtur esse spirituum defectus, solum sit teporis effectus; ita ut etiam his dici possit: *febris tua pigritia est: morbus tuus blandiens sensibus mollicita est.*

Ne igitur in re tanti momenti, à qua multum dependet noster in virtute profectus, à subdolæ carnis appetitione fallaci prætextu nequiter decipiamur, allatas suprà rationes pondere Sanctuarii obiter librabimus. In-

primis enim prætenſa ægrotatio illa ſæpiſſimè non niſi imaginaria, ſolùm in phantafia exiſtens, imbecillitas eſt.

2. Sæpe, licèt vera ſit, notabilis tamen non eſt, ſed ſolummodo levis; proin negligenda potiùs quàm curanda. 3. Subinde tantùm tentatio dæmonis eſt, humores vehementiùs commoventis, & febricitantes commotiunculas imitantis; uti expertos novimus S. S. Pachomium, Thereſiam, & alios quamplurimos. Hæc autem ægritudo non pellitur dormiendo; ſed generoſè ſurgendo, & torpidam carnem acri flagello, inſiſtis aliquot iſtibus, excitando.

Sed demus non fucata nos, ſed vera laborare ſanguinis intemperie; quid autem remedii afferet inquieta illa & anxia quadrantis horæ aut mediæ ſpatio producta in grabato mora? aut ſi depelli hæc incommoditas brevi adeò cunctatione poteſt, certè notabilis non fuit. At repones: atqui nondum eſt fugata, qua incommodor, moleſtia; indigerem adhuc vel maximè longiori quiete. Verùm ain',
ſi

si necdum dispulsa capitis gravedine, tamen quadrante aut media seriùs è strato te proripis ex respectu hominum; cur idem facere non possis quadrante aut media citiùs ex amore DEI? Mirum certè, majorem vim curandi ejusmodi morbos inesse respectui humano, quàm amorì divino.

Sed oppones: manè expergefactus sudore totus diffluo. Sudore autem madidum mox surgere in cubiculo præsertim frigido humidoque, officit sanitati. At contrà est. vel hic sudor, protracta in lecto mora, denuo per poros intra cutem se recipere permittitur; vel, ut continuet, procuratur? Prius obest valetudini; proin id ne fiat, potiùs is statim abstergendus erit. Posterius autem surgendi non tollit difficultatem; adeoque nec longiori intervallo decumbendi inducit necessitatem. Nam etiam hic denuo prolectus sudor aliquando tergendus erit; quia aliquando cervicali valedicendum erit; cubiculum autem media quinta ex. gr. erit æquè frigidum.

R 5

ac

ac hora quarta. Quod ergo faciendum media quinta, cur fieri nequeat hora quarta? sudor, qui detergetur paulò tardiùs, cur abstergi nequeat paulò citiùs?

Dices: hæc ipsa in sudando mora conducit sanitati. At nocet virtuti. Ergóne Religioso, qui vi regulæ in omnibus quarere tenetur continuam sui afflictationem, potior sit cura carnis quàm animæ? Modò jactanti hiatu cunctis Europæ commodis terga vertere, Indicisquæ miseriis nos mancipare optamus; & paulò post vel pulvinum deferere metu umbratilis ægrimonix pigramur. Nos hodie DEO ad fubeundos labores Apostolicos prodigo vitæ affectu plenis buccis offerimus; & altero mox die timore levis molestiæ nos stragulis immergimus. Vah! plumeos athletas, & orco (si Superis placet) formidandos gigantes, utpote quos dæmon sola culcitra, injectis solummodo plumis sternit, stratoquæ affixos quasi catenatos tenet. Ex his patet, quàm

potens

potens ratio protrahendi ſoporis plerumque apud nos corporis infirmitas ſit.

Ejuſdem furfuris eſt illud effugium, quo alii obtendunt, ſe ad meditandum, & ſtudendum inhabiles fore, niſi diutius dormitando, cerebri vapores diſſipent. Nempe non eſt forma, quam protheus ſui amor non induat: non dolus, quem ſubdolus hic Sinon non excogitet, ut miſerè deceptis, etiam ſub larva pietatis imponat. O bone! ſurgendi alacritas has nebulas omnium optimè ſolvit, & fugat; prolixior ſomnus eas potiùs auct, & denſat. Dein ſi tamen ſterendum eſt, mea pace ſalva oratione, apto tempore, bonis avibus ſellæ inſidens dormias. At meliùs id fieri in toro ais; equidem id ibi *commodiùs* fieri conceſſero; *convenientiùs*, nego, & pernego.

Nam diem auſpicari à peccato veniali cum neglectu excitantis gratiæ, cum contemptu remordentis conſcientiæ,

tiæ, cum despectu Christi Eucharistici ad sui adorationem invitantis; idque agere Religiosum, qui à regula ad primum aris campani sonum eò, quò vocatur, se conferre jubetur; imò & sacerdotem, qui illo adhuc die cœlestem victimam litaturus, ipsos etiam angelos cordis munditia superare deberet; hos primitias diei amoris proprio, commoditati, diabolo consecrare; hos tot gradus gratiæ & gloriæ somnulosæ torpedini immolare: hos vilia grabati mancipia dæmonisque ludibrium esse; & stertere in lecto eo ipso tempore, quo DEUM astra matutina jam laudant: quo ejus focii Sanctissimum jam adorant: quo mundani quoque homines vel in templis sacrificio jam intersunt, vel in suis officinis labori insistent; hoc certè tam vitiosa, vilis, & noxia virumque religiosum, eumque sacerdotem adeò dedecens res est, ut verba me deficiant, quibus hujus vitii malitiam, foeditatem, & damna dignis coloribus depingam; & quæ jure meretur, ut *Dominus*, immissa tali Endymioni infirmi-

firmitate, *universum stratum ejus in lectum doloris vertat.* (d)

Proin si tua tibi sanitas, perfectio, salus cordi est, *hora surgendi ne te trices*; (e) sed statim, alacriter, religiosè culcitam abjice, ac insuper habito omni præsertim valetudinis obtentu, cum Juvene innocentissimo Joanne Berckmanno è Societate Jesu etiam tu sequens propositum concipe: O lucis conditor DEUS! *disrum- par potius, quàm vel minimam ordina- tionem aut regulam* etiam illam, quæ manè è lectulo mox exilire jubet, *voluntariè transgrediar.* Potius *amittam omnem sanitatem, quàm ob illam ullam regulam* etiam hanc *pratergrediar.* (f) Sic manè somnum constanter abrupisse, multam sub vitæ occasum animo quietem afferet.

Igitur *non dormiamus sicut & cæteri, sed vigilemus*; (g) nam *miseriordia*
DEI

(d) Psal. 40. v. 4. (e) Eccli. 32. v. 15.
(f) Hermannus Hugo in vita Berckmanni p. 4.
fol. 255. (g) 1. Thessal. 5. v. 6.

DEI est quasi nubes matutina, & quasi ros manè pertransiens, (h) quæ qui somnulosè neglexerit, habitabit in siccitate; (i) obscurabunt eum tenebræ, & involvetur amaritudine. (l) Proin cùm manè vocem excitantis campani æris audieritis, nolite obdurare corda vestra; (m) sed expergiscimini. Ecce enim Dominus egredietur de loco, ut visitet. (n) Beati autem sunt servi illi, quos, cùm venerit, invenerit vigilantes, (o) & orationi vacantes. Amen dico vobis, (p) disponent ascensiones in corde suo, ut eant de virtute in virtutem; donec videant DEUM deorum in Sion. (q)

§. IV.

*Industriæ hanc in surgendo
ignaviam pellendi.*

UT conceptum animi propositum, omnes in surgendo moras præcipitandi, eò certius ac majori cum faci-

(h) Osee 6. v. 4. (i) Jerem. 17. v. 6.
(l) Job. 3. v. 5. (m) Psal. 94. v. 8. (n)
Isa. 26. v. 19. & 21. (o) Luc. 12. v. 37. (p)
Ibid. (q) Psal. 83, v. 6.

facilitate mentisq̃ue promptitudine executioni mandemus, quasdam hunc in finem industrias hîc apponendas cenſui, quæ observandæ erunt 1. pridie ante ſomnum, 2. ipſa ſurgendi hora, 3. caſu, quo pigritiæ victi ceſſerimus.

I. Prima induſtria pridie, antequam lecto nos committamus, in uſum deducenda, ſuggeritur à S. P. Ignatio, (a) conſiſtitq̃ue in eo, ut certam temporis horam determine-
mus, qua altero die plumis valedicere conſtituamus. Hoc autem animi decretum cumprimis firmum, efficax ac ſacroſanctum ſit oportet, cui contravenire nefas omnino ſit. Hinc proderit ſagaci oculo providiſſe illas difficultates, amoris proprii technas, prætextus ac remoras, quibus ſub galli cantum, dum è ſtrato proſiliendum eſſet, concepta pridie voluntas impugnari, convelli, ac labefactari conſuevit. Multumq̃ue in rem conferet, mentem contra eas prævio munimine obarmâſſe, dicendo v. g. ô Domine!
crafti-

(a) In ſuo lib. Exercit,

craftina luce hac N. hora, quamprimum ac ea fuerit audita, sine ulla tergiversatione me quantocyus è stragulis proripiam; idque etiam agere fixum est, licet caput gravedinosa torpedine langueat: aut stomachus inedia, fastidio, repletionem doleat: aut corpus sudore madeat.

Firmando huic proposito, plurimum roboris addet temporarium & levi sub noxa obligans votum, quo quis se obstringat, bidui, tridui vel octidui spatio somnum ultra præfixum tempus non producere. Incredibile dictu est, quantopere fidelis hic conatus Numinis liberalitatem provocet, eamque amica vi quasi compellat, ut nobis, cum somniculoso hoc dæmone luctantibus, victrici auxilio succurrat. Juerit insuper sanctos Cœlites in rei testes advocare, tanquam futuros olim nostros in extremo judicio accusatores, si datam DEO fidem fefellerimus; unumque ex ipsis in singularem Patronum eligere, sub cujus auspiciis & in cujus honorem matutinam in surgendo

do desidiā vincere statuamus. Insignem huic industriæ vim inesse, experientia docebit. Ita animo obfirmatus, Morpheo utrumque oculum ambasque aures indulge.

II. Alteram industriam ipso diei diluculo adhibendam, insinuat Ecclesiasticus, dicens: *hora surgendi ne te trices.* (b) Si enim tecum ipso disputare, si cum amore proprio alterari, si suggestas à dormiendi libidine rationes discutere vel tantillum occiperis; actum est de victoria. Palam socordia indubiè referet. Victus, victusque culcitrosæ inertiae certò in prædam cedes. Verbò: infelix Samson eris, quem fallax hæc Dalila scedè proditum, & cœlesti lumine orbis stygiis hostibus tradet illudendum. Ulysses nî fueris, qui ambas aures sanctiori cera obturet, hujus syrenes blanditiis incantatus, procul dubio inter ipsas plumas constantiæ naufragium facies.

Pars I.

S

Igitur

(b) Eccli. 32. v. 13.

Igitur audito æris campani sono aut excitatoris voce, statim sine mora, excussa omni pigritia, generoso saltu è lecto te proripe; idque age eadem omnino velocitate, qua inde profilires, si maculosus serpens aut venenatus scorpio in eundem irrepsisset; aut si vorax flamma subito incendio stragulam corripuisset. Nam, crede mihi, hæc quoque in surgendo desidia, & stertendi cupiditas blandè quidem *ingreditur; sed etiam ipsa in novissimo mordet ut coluber.* (c) Hæc quoque scintilla est, quæ cyprios ignes, si non creat, saltem nutrit, & fovet. Cave ergo, ne & hæc tibi *vertatur in colubrum*, (d) & miserè adurat innocentia stolam. Nam hac in mora periculum & quidem magnum est.

Ut autem eò alacriùs promptiùsque pulvinum abjicias, manè expergefactus, finge ab Angelo Custode è somno te excitari, ac etiam tibi, ut olim Petro, ab eodem dici: *surge velociter*: (e) tibi ultima vitæ illuxit dies: hodie

(c) Prov. 23. v. 32.

(e) Act. 12. v. 7.

(d) Exod. 7. v. 9.

hodie morieris tu, & non vires: (f) reddēsque rationem villicationis tuæ. (g)

Reverentia Tutori Genio debita, vicinæ mortis judiciiꝛue memoria potens utique sunt hac in re strenuè se vincendi incitamentum; præcipuè cùm mera hæc figmenta non sint.

Nam æthereus tui lateris Comes reip-
sa non rarò te excitat, & ad pellen-
dam hanc torpedinem solerter animat.
Quid enim aliud sunt illi remordentis
conscientiæ aculei, illæ illustrationes
& impulsus, quibus ad excutiendum
soporem acriter impelleris, quàm bo-
na suaforis Angeli monita, piiꝛue hor-
tatus? Præterea præsens hæc dies tibi
ultima vitæ absque miraculo facillimè
posset esse, & fors etiam erit. Quàm
multi jam sani vegetesꝛue matutino
tempore è strato surrexerunt, canam
senectutem somniantes, quibus tamen
diei crepusculum æternitatis diluculum
fuit! Quod autem innumeris conti-
git, evenire etiam tibi posse, num in-
ficias ibis?

S 2

Dein

(f) 4. Reg. 20. v. 1,

(g) Luc. 16. v. 1.

Dein si etiam superstitem esse detur, lucis primordia DEO consecrassè certè non pœnitebit. Pudebit autem, & dolebit vel maximè, si conscientia tibi moribundo exprobrare queat, te prima ultimæ diei momenta peccato veniali conspurcasse, amorì proprio sacrasse, turpiq̃ue socordiæ litasse. Pigebit, si quærenti olim Divino Judici: *ubi eras, cùm me laudarent simul astra matutina, & jubilarent omnes filii DEI?* (h) reponere cogaris: in lecto, plumis immersus, turpiter stertebam. Igitur nunc age, quod tunc fecissè gaudebis, omisissè autem serìò quidem, sed serò nimium deflebis.

III.
Observanda casu, quo pigritia victus cessis.

III. Tertia denique industria illum concernit casum, quo quis pigritiæ victus cesserit, ac in spontanea consistit multa, quam propterea exolvendam quis sibimet ipsi imponit, proprius iudex & ultor. Vindex hic in seipsum rigor tria præcipuè affert emolumenta. Inprimis in servando hoc animi decreto posthac nos cautiores red-

(h) Job. 38. v. 4. & 7.

reddit. Dein offensum Numen citiùs placat. Denique ampliorem meretur gratiam, in posterum promissis standi. In similium castigationum exempla, Sanctorum historias evolvendo, passim incurres; easque varias pro re nata ac fini, qui intenditur, aptiores perspicax fervor facilè inveniet, suggeretque.

Indaga proin, an non etiam tu *hora surgendi te trices?* (i) & *sicut ostium vertitur in cardine suo*, ita etiam tu *piger in lectulo tuo te volutes?* (k) num non etiam tu in tui perniciem ingeniosus sis *ad excusandas excusationes in peccatis*; (l) id est, ad confingenda varia, quibus tuam hanc inertiam pallies, effugia? Decerne, an & qua ratione suppeditatas hætenus industrias in usum deducere statuas? si unquam aliàs, nunc profectò magnanimum te cupio. Secus time, ne ultor DEUS tuam hanc socordiam castigaturus, immisso tibi morbo, diutius quàm optes, te culcitæ affigat.

S 3

Et

(i) Eccli. 32. v. 15. (k) Prov. 26. v. 14.
 (l) Psal. 140. v. 4.

Et tandem quousque dormies piger? En! nisi consurgas è somno tuo, veniet tibi quasi cursor egestas mentis, & mendicitas spiritûs quasi vir armatus. Si verò impiger fueris in surgendo, veniet tibi ut fons messis virtutum, & egestas animæ longè fugiet à te. (m) Si que cor tuum tradideris ad vigilandum diluculo ad Dominum, & in conspectu Altissimi aperueris os tuum in oratione; ipse spiritu intelligentiæ replebit te, & diriget consilium tuum. (n) Nam, qui manè vigilaverint ad me, invenient me, dicit Dominus. (o) Contrà verò si stragulis exire tardaveris, coeleste manna æquè parum ac illi segnes Israëlitæ reperies, & cum illa Sulamitide coelestem Sponsum jam declinasse dolebis. Proin surge, qui dormis; secus, horâ meditationis non illuminabit te Christus. (p) Quoniam oportet prævenire solem ad benedictionem coelestem, & in templo ad ortum lucis DEUM Eucharisticum adorare. (q)

CON-

(m) Prov. 6. v. 9. Item 26. v. 33. (n) Eccli. 39. v. 6. & seq. (o) Prov. 8. v. 17. (p) Eph. 5. v. 14. (q) Eccli. 16. v. 28.

CONCLUSIO PRIMÆ PARTIS,

*Ubi ostenditur, via purgativa eandem
congruere.*

Cùm sub initium primæ hujus partis viæ, ut ajunt, purgativæ eandem congruere enunciarim; declarandum superest, quomodo igitur hæc ei, quamque perfectè respondeat. Id quod sequentibus præstabo. Via purgativa trinum sibi scopum habet præfixum, nempe 1. sup̄ius cognitionem, 2. peccatorum detestationem, 3. cupiditatum castigationem. Nam ulceri, quod ignoratur, aptum malagma applicari nequit; ergo necessaria est mali cognitio. Dein morbo, qui amatur, medicina non quæritur; ergo opus est illum detestari. Denique nisi ægrotationis causæ è medio tollantur, id est, nisi rebelles appetentiæ edomantur, sanitas nunquam plenè recuperabitur; ergo necessaria est harum coërcitio.

Jam verò remedia cognoscendi seipsum, defectuum fontem, nec non affectionem animo dominantem sup̄-

pedi-

peditavit hujus partis caput 4. Argumenta detestandi peccata etiam levia, & eliminandi præcipuas eorum radices, nempe teporem gratiæque abusum, suggestit caput 1. 2. & 3. Incitamenta verò pravas appetitiones coercendi, nominatim respectum humanum & socordiam in surgendo, subministrarunt caput 5. & 6. Ex quibus patet, quàm aptè prima hæc pars viæ purgativæ respondeat, utpote quæ Lectorem, quasi manu prehensum, ad triplicem ejus finem scilicet ad sui cognitionem, peccatorum detestationem, & cupiditatum castigationem compendiarie methodo perducit.

Quicumque ergo sena hæc defectuum monstra allatis prima hac parte exercitationibus fortiter debellaverit, is præcipua virtutis solidæ IMPE-DIMENTA per respondentem viæ purgativæ laborem sublata gaudebit; callemque complanatum inveniet ad deducenda in usum ejus acquirendæ AD-JUMENTA, quæ secundæ partis argumentum, ac simul semitæ illuminativæ felix auspiciū erunt.

FINIS PRIMÆ PARTIS.

